



नवाः



नेवाः छेँ

(Newar Cultural House)



चवम्हः

सुरेन्द्र मान श्रेष्ठ

Author

Surendra Man Shrestha

Maru, Pyaphal Tole

Kathmandu, Nepal.

पिकाक- रामभक्त भोमि

ह्वापागु पिथना- ११००



नेपाल संवत् १११८, चौलागा:

म The Quest
70..

ध्व सफू थाकेगु सर्वाधिकार च्वमियागु

थाकू- लक्ष्मी छापाखाना, यट्खा त्वा: ।

नेवाः छेँ



पंचमहाभूतया शरीर त्वःताः थःगु छेँ स्वर्गय बास याना च्वंपिं पुर्खात
लिसे च्वना दिउपिं ब्वा राम श्रेष्ठ, मां बाल सुन्दरी श्रेष्ठ व तता
पद्मसुन्दरी श्रेष्ठ नापं फुक्क सितं लुमंकाः आः दनिपिं जिमिसं
पारिवारिक जीवन हना च्वना ।

च्वमि



8 The Kwabahal Kumari is dressed for a puja in all her ceremonial jewellery



धलः पौ

क्रम संख्या	विवरण	पेज नं.
१.	छेरि	११
२.	मातौ	१०
३.	चवत	१६
४.	बैंग:	२७
५.	थाय् मापा:	३८
६.	गृह लक्ष्मी	४७
७.	देमिया छें	६१

शुद्धिकरणः-

पौः-	आखः इवः	जुयाचवंगुः-	जुइमाःगुः-
२	६	द्यः थाय्यागु चा	द्यः थायेगु चा
४	२३	चुकुतइ	चुकुतइ चायेकी
८	२४	द्यः मालय्	द्यः मालय्
१०	२	उइवइ	इउवइ
१३	१७	भिन्न	अभिन्न
१५	२२	सित	सिहत
१६	१६	व धलिम	बः धलिम
२३	२४	कुंपाःया सिंह	गरुड मुख याह्म कुंपाःया सिंह
३४	१२	मिखा कंकाः व्वयाः	मिखा कंकाः च्वया
३६	२४	मित्याः बुट्टा	मिच्या बुट्टा
३७	७	नित्वाः भुतु	निप्वाः भुतु
३७	६	न्हय्पा	न्हय्पाँ
३६	१५	सिकः मितयनं	सिकः मि नायःनं
४६	४	ह्म ह्म	ह्म छह्म
४८	६	न्यांपाः इया बैगलय्	न्यापाः इयाःया बैगलय्
४८	२४	खज्ग च्वःया	खड्ग च्वःया
५१	२०	द्यःया मूर्ति पूज्याये	द्यःया मूर्ति स्वनाः पूज्याये
५६	१२	आगंद्यः यूज्याना-	आगंद्यः पूज्याना हि खूह्म
		मोहनि वलय् हि खूह्म	
६०	२२	छंगु	धयागु
६०	२३	वंगुदु	च्वंगुदु
६१	१५	आगं द्यःया लक्ष्मी	आगंद्यःयात मां लक्ष्मी
		अजिमा	अजिमा
६६	१६	आंपाय् भूमन्त	आंपाय् भूसीमन्त

न्ह्यखँ

विश्वय् दक्वते तःजागु च्वापुगुँ (माउन्ट एभरेष्ट) धस्वानाः
त तःधंगु स्वंगू खुसि कोशी, गण्डकी व कर्णाली नागबिलि कयाः न्ह्याना
च्वंगु नेपाल भूमिइ बास याना च्वंपि नेवाः त नेपाःया मूल आदिवासी खः ।
नेवाःतय्के थःगु धयागु सुयालिसे ज्वः मलाःगु थःहे पहःगु मौलिकताया
वान्ति कतां जाया च्वंगु संस्कृति मनोभावया विकास व पुलांगु सभ्यता दु ।
विश्वयात नेवाः धकाः ह्यसीके बीगु चि नेवाःतय् बुसेँ मिसेँ कया सीबल्य्
तकं याना वइचवनीगु इमिगु संस्कृति खः. गुगु मनूतय्सं पला पतिकं खना
व स्वया च्वंगु दु ।

नेपाः देशय् यक्व थासय् आजु अजिमा छः दु । थः थःलागा याहा
आजु अजिमा छःयात थः थःगु पीठ छः माने याना च्वंगु दु । कागया अष्टमी
कुन्हु मनूत मुनाः पीठ पूजा वनेगु व सीकः वनेगु धकाः आजु अजिमा
छःथाय् वनी । आजु अजिमा छःयात अष्टमातृका धार्पि मनूत दु । झि निदँ
झि स्वदँ न्ह्याया खँ खः, जि व मेपि स्वहा पासा मुनाः पीठ सीकेगु धकाः
सः सःतीपि अजिमा छःथाय् वना । जि बाणिज्य शास्त्र कयाः व्वनाः नेपाल
वैक्य जागिर नयाः उबल्य् छहा अधिकृत पदय् च्वनाः ज्या याना च्वनाहा
व पासापि धाःसा स्वहा क्याम्पसय् आखः व्वंकाः गुहा प्राध्यापक गुहा
उपप्राध्यापक जुया च्वंपि खः ।

जिमिसं सीकेत वनागु छगू पीठ नारांहितदरबार दुने लाना च्वँहा
चन्द्रलखु अजिमा छः खः । निभाः बी धुकूगुलि दरबार दुने दुहाँ वनाः छः
दर्शन यायेगु सौभाग्य प्राप्त मजुल अनं जिपि ल्याहाँ वयाः । लँय् छहा
पासाया मतिइ छु वल खः वय्कलं जित छु धाल धाःसा जिपि स्वहा ला
बुद्धिजीवी सर्कलया मनूत थथे चाःहिलाः स्वःवयेगु व च्वयेगु अभिरुचि जुया
च्वनी, जी थुपि पीठयात कयाः छपू लेख च्वयेगु जुल, आः पीठ सीकाः वइगु
खँयात त्वःता छ्वये, मे मेगु खँल्हाये धयादिल नापा वनापि छहा पासां थथे
धाःगु लि जिगु मनय् भचा गथके से च्वन । जि छु मधया । खय्तला व

पासा च्वयेगुलि लहाः च्वःहा खः । खँय् खँय् जिनं व पासायात थुपि अजिमा
द्यःतय्त छाये माःगु, सहाय् बजियात कयाः छपु च्वसु च्वयेगु जुल धकाः
प्वाक्क धायेलात । लिबाःगु लि थः थःगु छँय् वना, खँ थुलित्तुं ।

न्याला ति लिपा व पासां “प्रज्ञा” धयागु दँ पाँ ज्वना वयाः
वयागु अष्टमातृकाया च्वसु स्वयेत बीहल, स्वयाः । थःयाके च्वयेगु बानि मरु ।
नेवाः भाषं पिहाँ वइगु संस्कृतियागु व इतिहासया लेखत स्वयेगु यानाः ।
नखः चखः व द्यःतय् खँ न्हापां निसँहे न्यनेयः । जिमि मां तःसकं थितिकुति,
नखः चखःतय् खँ कनादी । नखः चखः हनेमाः, महनेगु यात धा.सा भाः खनी
मखु, नखः चख त हनेगु थिति बिति त हनेगु यानाः मतःगु जूसा मनूतय्
मनय् दिक्क जुयाः गुब्ले सी थे जुइ, छगूया लिपा मेगु नखः चखःत वया
हना च्वनीगुलि मनूतय् न्हि वंगु चाइमखु धयादी । मनूतसँय् च्वयेगु खँत
ऐतिहासिक प्रुफ जुइमाः धाइगु । थःयात सहाय्बजि छायेगु व नयेगु छु
इतिहासय्, गुगु शिला लेखय् दइ धकाः माला स्वः जुइगु धया थें मनय्
वयाः थ्हां च्वये धयागु च्वये मफया अर्थेतुं जुल ।

छन्ह जिमि मांमं न्हापा जित जामनः गुभाःजु न्हि न्हि कलः छगः
ज्वनाः स्यंगुइ शान्ति पुखुलिइ वनाः पूजा याः वनी, न्हा.ने ला पि मनूत
दुहाँ वने फइमखु, अनदुने ग्यानापुपि राक्षेसत दु, इपि वयाः ज्वं वइ, इमिसँ
छुछु धाल विइमाः, विइमफुतकि थयात स्यानाः नइ । जामनःगुभाःजु राक्षेस
तय्त म्ये धाइपिन्त म्ये फैं धाः धाःपिन्त फैं धाः धाःगु कलखं पिकयाः बियाः
पुज्याना वइ धया तःगु खँ लुमंसे वल । पूजा वनाः छँय् जानयेम्वाःहा जुयाः
जामनः गुभाःजु धाःगु धाइ । अले ह्यय्पि अजिमा द्यःया खँनं लुमना वल ।
जामनः गुभाःजु सहाय् थनाः कलखय् तयाः यंकीगु स्याबजि फैं, हाकुमुस्यां
म्ये, पालुं हँय् यानाः धाःधाःगु बीगु व ह्यय्पि अजिमा द्यः तय्त जीबबलि
भोग बीगु खँ मनूतसँय् धयावइ च्वंगु दनी ।

बुँद्यःया वंशाबलि धयागु सफूचाय् बुँद्यः काःवँबलय् बन्धुदत्त
आचार्यजुं मन्त्र यानाः यक्षराजयात सहाय् बजिया छपु स्याबजि व हाकु
मुस्या छगलं द्वछिहा फैं व द्वछिहा म्ये यानाः उपहार व्यूगु च्वयातगु नं लुमना
वल । थ्व खँतसँय् जिगु मनय् छु वल धा.सा जीब धयापि पंचतत्वया प्राणी खः ।
जीब सृष्टि जुइत पंचतत्व माः । ह्तापा महान् तान्त्रिक बन्धुदत्त आचार्य
जामनःगुभाःजु व मेमेपि तन्त्रज्ञ तसँय् पंचतत्वया प्रतीकय् तान्त्रिक मतं सम्हय्
बजिज्वलं न्याता तयाः स्याबजि हाकुमुस्या, पालु, संन्या व अय्लाः बाय् थ्वं

जीब सृष्टि यानाः राक्षसतयुत व्युगु व द्यतयुत जीबबलि भोग व्युगु व बियावइ च्वंगु जक मखुला धयार्थे मतिइ वल । मनूतय् सम्हय् थनाः द्येकि वइगु, सम्हय् छायाः म्ये, फे, दुगु, खा व चवाहाँ ख्ये स्थानाः जीबबलि भोग बीगु स्वः जुयाः । मनूत द्यः द्यः थाय् सम्हय् ज्वलंया अयलाः व थ्वैया धाला, कुलिचा व अन्ति स्वनाः द्यःया पूजा यानाच्चनी । थम्हं नं मोहनि बलय् थापकुन्हु पंचमकारया अय्लाः, ह्याउँ थ्वै व थ्वैया थापि स्वनाः आगं द्यःया पूजा याना वइच्चनाः । द्यः थापं यायेत नं पंचतत्त्वया पंचमकार माःगु जुल । थुगुहे दृष्टि कोणय् वनाः ह्लापा थइत धयातःगु परंपरा निसें मनूतसय् धयावइच्चंगु व हनावइच्चंगु थिति बिति यात कयाः व्यवहारं पिनें मर्वसे “क्षीगु संस्कृतिइ सम्हय् बजिया महत्त्व” या नां छुनाः संस्कृतिया च्वसु च्वयेगु शुरु यानाः । न्ह्याथे च्वःसां नं थइत चित्त बुझेमजू । हानंहानं दयेकाः च्वयाः न्याला खुला वनं नं पूर्वके मफु । छन्हुला पूर्वकाः स्वयाः बाँलाः ताया पासा बलदेव जुजुयात वयँनाः, बाँलाः तायेका दिल । मज्यू मज्यू थाय् दयेकाः माः माः थाय् आखः ग्वः भिकां दिल । वयकः पासां “खड्ग सुरक्षाया प्रतीक” या च्वसु च्वया दिल ।

जिमिगु थ्व निपु च्वसु पिकायेत सरस्वती बहुमुखी क्याम्पसं पिकाइगु नेपाल भाषाया “न्हाय्क” दँ पौ यात बिया । थम्हं व्वंका वइच्चनागु क्याम्पसय् थम्हं बियागु जिगु पत्ति च्वसु पिहाँ मवःगुलि पासां नुगः मछिका दिल, खँ छु मन्त । लिपा थ्व जिगु च्वसु “सितु पत्रिकाय्” बियाः पिकया मव्यू । लिता तं कया । थःपि निह्य जानाः सफू पिकायेगु सलाः जुल । जि पंचतत्त्वया दृष्टिकोणं हे ख्ये सगंया मेगु छगु च्वसु च्वयाः । अनंलि मोहनि व सीकाः भूयानाः मेगु निपु च्वसु च्वयाः प्यपु खाकाः । पासां मेगु स्वपु लेख “नेपाःया तान्त्रिक द्यः”, “नेपालय् द्यःखः जात्रा” व “स्वन्ति नखः” च्वयाः प्यपु लेख खाका दिल । निह्यय् सियागु याना च्यापु लेखया छगु सफू पिकाये तं स्वयाः ।

भाषा निभाः स्वः प्रेम बहादुर दाइयात भूमिका चक्केगु मतिइ तथा । वय्कलं जिमित ह्यमस्यू, गथे धाः वनेगु धयार्थे जुल । वय्कलं ह्यस्यूह्य मेह्य छह्य पासा ज्वना वनाः छेय् मदी लिहाँ तं वयाः । बाछिः ति लिपा जिपि निह्य पासा प्रेम दाइ धया सतुँ सतुँ छेय् थाहाँ वना, तलं निसें ज्यउँ धका वयकः कुहाँ झाल । जिमिगु परिचय बिया । तले झासं धयाः व्वनायकाः जैथकय् पय्तुका दिल । जिमिगु खं न्हयँथनाः निपु ति लेख व्वनाः न्यंकाः । वयकः

प्रभावित जुयाः भूमिका चया वीगु वचं बिया दिल । जिमि न्हापांगु कुतः जुया सुनां छुं धाइला धया थे छखें ग्याः मेखे सुनां नं जिमिसं मस्युगु खँः धाःसा सीके दइगुथे नं तायेका । प्रेम दाइ नं धया दिल 'सलग से' । लि कुतुं वनी छाये ग्याये माःगु धकाः हवसला बिया दिल ।

प्रेम दाइ नं जिमिगु सफू स्वयाः भूमिका चयाः बिया दिल । वयकःया भूमिका जिमित तः धंगु प्रोस्थान बिल । न्हापांगु जिमिगु सफू 'तान्त्रिक छः व तान्त्रिक पूजा' खः । सफूया तःधंगु हलचल जुल । ब्वमि भाजुपिसं ययेकाः दिल । श्वहे जिमिगु तःधंगु संतुष्टि खः ।

निदंति लिपा जिपि निहहे जानाः संस्कृति सम्बन्धयागु 'कान्तिपुर' नां छुनाः मेगु-छगु सफू पिकया । अनं लि पत्र पत्रिकां लेख माल धाइः, च्वयेतुं माला वन ।

छन्हू छेंय् फोन बल, जिमि भिद्यः पुज्यानाः न्यायेकेगु सनाःगुया पुजारी आचाःजु भाजु जुया च्वन । वयकः सःस्यूहा खः, पुजारी भाजुया छहा पासाया काय्या व्याहा, ज्वःकुत माःगु जुया च्वन खनी । व्याहा लगन कायेफइ मफइ न्यनाः लिसः बिइ धयाः । ज्वः कुंतजक न्यनेगु मखु कलश दू मरु नं न्यनेमाः खंला, न्हूहा भौमचा दुचायेकेत निखे जःखः कलश थनाः द्वारपाल यानाः तयेमाः धयादिल । भौमचा दुचायेकी थाय् निखे जःखः कलश तयाः त्वारिबाय् ध्योमत च्याकाः तइगु ला खना च्वनागु खँ खः ।

कलशयात द्वारपाल याना तयेगु छाय् धाःगु खः मनय् बल । पुरेत बाज्यापिसं जक कलश तयाः न्ह्याहा छःत पुज्याकी । कलशयात न्ह्यागुलीसनं कयाः छचलेजिउंगु जुयाः भौमचाया निखे जःखः कलशयात स्यागिनी व्यागिनी बाय् सिंह व सिहिनी यानाः द्वारपाल याइगु धकाः सिल । अले ह्ति ह्ति दुहाँ पिहाँ जुया च्वनागु मूलुखा, खना च्वनागु तिकिइयाः, सँइयाःया निखेया माय् बैगलय् व फल्चिया थाँ थाँमय् कलश तयाः बुट्टा पिकयाः तइगुलिइ मिखा वन ।

मूलुखा, लुखा, इयाःत आजु अजिमा छःया रूप कयाः छुनाः, बैगलय् छेँ कवः, सतलय् व फल्चाय् फल्चिया कवः पिकयाः निखे जःखः कलशयात द्वारपाल यानातःगु थुइकाः गनं मूलुखा लुखा व तिकिइयाः इयालय् कलशया थासय् छःपाः तया तःगु व सिंह व सिहिनी हे तयाः द्वारपाल याना तःगु खँसलि जिगु मनया खँयात झन् तिवः बिल, आजु अजिमा

द्यःतय् निखे स्यांगिनी ब्यांगिनीयात व सिंह सिहनीयात द्वारपाल यानतइ तःगु दु । स्यांगिनी ब्यांगिनीयात आजु अजिमा द्यःतय् मस्त धाइ ।

मि ह्वाना ह्वाना छ्वयाः दना च्वंगु आजु अजिमा द्यःया रूप मूलुखाय् लुखाय्, तिकिइयाः इयाःलय् छेँ कवलय् फलिचिया व सतः कवलय् मि छ्वयाः दना च्वंगु बुट्टा पिकयातइ । अथे हे आजु अजिमा द्यःया अभिन्न अङ्गछगु रूप बाय् इमि छगुया मेगु अङ्ग स्वहा व न्याहा यानाः द्यःत स्वना तइगु मूलुखा, लुखा, इयाःत जो मलाकूसें छपाः, स्वपाः व न्यापाः यानाः छुनाः व छेँ कवः, फलिचिया व सतःकवःत पिकयातइ । मूलुखाय् आजु द्यःया ततःग्वय्क मिखा च्वयाः कंकाः मूलुखा फुसय् ह्याउँक सिहः तिकाः द्यःयात पुज्याइ ।

मूलुखाय्, लुखाय् तिकिइयाः, सँ इयालय् फलिचिया व सतः कवः कवलय् अजिमा द्यःतया (द्यःकुं कयाः) निखे पाखे नागबिलि कयाः च्वाल्ल म्येँ लुइकाः ग्याना पुइका तःपिं सिख्वा दुपिं छु जीव खः ? छाय् तया तःगु ? आगं छेँ द्यःछेँ व देगः देगःया मूलुखा इयाःया खौपालय् (तोलनय्) सिख्वाः गरुडमुख व अले निखे किसिया स्वथे दुपिं छु जीव खः ? थथे तया तइगुया अर्थ छु खः ? दयागु थुयावःगुकथं मूलुखाया विषयलय् “छेँय् मूलुखा छुइगुया सांस्कृतिक महत्त्व” धकाः छपु च्वसु च्वयाः “विश्वभूमि” तँसा पौलय् पिकया । अनं लिं तिकिइयाः व सँइयाःयात कयाः “तिकि इयाःया सांस्कृतिक परिचय” व “सँ इयाः कलात्मक जक मखु, तान्त्रिक इयाःनं खः” धकाः निपु च्वसु च्वयाः “विश्वभूमि” तँसा पौलय् हे पिकया । अले छेँया विषयलय् सफू च्वयेगु बिचाः दयाः उखे थुखे दनाः पुलां पुलां छेँ, आगं छेँ, द्यः छेँ, व देगःत स्वया जुया । छेँय् आगं छेँय् द्यःछेँ व देगः देगलय् ज्या कया तःगु अप्पायागु व सिया वस्तुतय् अर्थ सीके माला वल । इलय् बिलय् यल, खवप, थिमि, केपू, जलय्, वादेशय्, सक्वदेशय् व मे मे थासय् दनाः सः स्यूपिं पुलांपुलांपिं सिकःमि नायः दकःमि नायः व मे मे पिं मनूतय्के न्यनेकने यानाः जुया ।

मनूत वास याइगु छेँ आजु अजिमा द्यःया रूप कयाः दनातःगु खँ सीकाः थुइकाः छेँया विषयलय् च्वयेगु बिचाः याना ! नेवाः त थःगु संस्कृति कथं दनातःगु छेँय् च्वनाः वहे कथं संस्कृति हना च्वंगु दु । मि ह्वाना ह्वाना छ्वयाः च्वंगु बुट्टा यानाः छिना तइगु अप्पाया वस्तु व थथे हे यानाः बुट्टा पिकया तइगु सिया वस्तु तयाः छेँ दनाः पल्लि चिनाः भौप्वाः पिकया

भीवा तयाः इवः इवः थाय्मापाः थना तद्गु या स्वरूप मि ह्वाना ह्वाना
छ्वया च्वंगु खः । मि छ्वया दन धायेव खड्गया रूप धारण याइ । खड्गयात
आजु अजिमा द्यःयानाः पुज्याना वइ च्वंगु दु ।

छेंय् भीवाः पिकयाः भौप्वाः तया तद्गुया आगं छेंय्, द्यः छेंय्
व देगः देगःया लुं पल्लिइ ज्वालान्हाय्कं व सिह्लः मू तया तइ ।
ज्वाला न्हाय्कं व सिह्लः मू सुर्द्यः व चन्द्रमा लुया च्वंगुया स्वरूप खः ।
मिसामस्तयत् बौराः तयाः पिकाइवल्य् ज्वाला न्हाय्कं व सिह्लः मू
ज्वंकाः सुर्द्यः व चन्द्रमा लुइका द्यः थाय् यंका पुज्याकी । म्हाय् मचा
पयनं बीत बौनं ज्वालान्हाय्कं व मानं सिह्लः मू बिया ग्वय् काइ । ज्वाला
न्हाय्कं व सिह्लः मू बीगु धया गु लहातं ज्वंकीगु खः । छेंया नकि गृहलक्ष्मी
खः । स्वन्ति लक्ष्मी द्यः पुजा यायेह्य गृह लक्ष्मी खः । लक्ष्मी द्यःया पातय्
लक्ष्मी द्यःया जवगु ह्लातय् ज्वालान्हाय्कं व खवःगु ह्लातय् सिह्लः मू
ज्वंकाः च्वया तइ । लक्ष्मी द्यःयात लक्ष्मी थिर जुइमाः धकाः पुज्याइ ।
पुजा जुइ वलय् छेंयात गृहलक्ष्मी धया सन्तान बृद्धि जुयाः कुल थामे
जुइमा धकाः पुज्याकी ।

तन्त्रमन्त्रया सिद्धि दुपि त तःधैपि तन्त्रज्ञत गुलि थःगु जुनि दनी
बलय् हे पंचतत्त्वया भौतिक शरीर मदयेकाः छ्वयाः बाय् त्वःताः सिद्ध
वनाः द्यः जुयाः प्राणीतय् भि यानाः च्वनी । अथे हे मनूत सित कि भौतिक
शरीर अग्निकुण्डय् भष्म यानाः मदयेकाः छ्वया सीपि नापा पारिवारिक
जीवन हना च्वनी । पितृदेव माने यायेमाः भि जुइगु मनूतय् विश्वास दु ।

नेवाःतय् आगं द्यः माने याइ । आगं द्यः धयापि थः थः कुलया द्यःत
खः । उकि मिजै द्यःयात आजु मिसा द्यःयात अजिमा धाइ । जीव पंचतत्त्वया
प्राणी खः । प्राणी जीबित जुइत पंचतत्त्व माः । द्यःत जीबित जुइत जुया
च्वनेत नं पंचतत्त्व माः । आगं छेंय् आगं द्यःया प्रतीकात्मक मिसा मचायात
द्यः (कुमारी द्यः) यानाः तइ । मनूत वयाः कुमारी द्यः पुज्या वइ । आगंमय्
सह्यय् थनाः तयाः आगं द्यःया पुजा याइ । मोहिनि बलय् आगंमय् खड्ग
धकाः तान्त्रिक मतं पंचतत्त्वया पंचमकारया अय्लाः बाय् अय्लाःया अङ्ग थ्वै
थनाः थापि स्वनाः सुर्द्यः व चन्द्रमाया धौ पति तयाः नायः नकि च्वनाः आगं
द्यःया पुजा यानाः खड्ग सिद्धि काइगु व खड्ग सिद्धि बियाः फुककसिगु भि याइ ।
आगं द्यःया खड्ग सिद्धि कायेमाः शत्रु नाश जुयाः भयनं फाला वनाः जीवन
रक्षा जुइ । त्रिलोकया प्राणीत वयाः खड्ग सिद्धि कयाः द्यःया जात्रा स्वया

चवनी । थुकिया दसु खवपय् भैलः आजु, यल्य् भोटो कयनीगु व येय् मरु
सतः खः

नेवाःतय् छेय् खड्ग आकार वयेकाः मूलुखा छुनाः आजु अजिमा
छः तयाः निखे पाखे मि मलःयात नागबिलि कयाः च्वाल्ल म्ये लुडकाः
ग्यानापुडका तइ । ह्लि ह्लि मिस्त सुथ ह्लापां दनाः छाः सिला वयाः
सुनां मथिइक लः कया वयाः पूजा तयाः मूलुखाय् छःयात पूजा याइ । आर्गं
छःयात पूमज्यायेकं पिने छके वनेमज्यु धकाः वनिमखु । मनूत पिने ग्यानाः
छेय् दुहाँ वइ । छेय् दुने फुक्कसिया सुरक्षा जुयाचवनी । छेया विषयलय्
अनुसन्धान यानाः सीकेमाःगु खँ आपालं आपाः दु ।

नेवाःतय् संस्कृति विषयलय् जि गुलि चवया चवनाः ह्लापां जिमि
मानं इलय् बिलय् कनातःगु व धयातःगु खँतय् लिधँसा कयाः चवयागु खः ।
नेपाःया संस्कृति संरक्षण जुइगु ज्याय् जि पला न्ह्याकेफुगु जन्म ब्यूहा मा बौ
पिनि थःगु संस्कृति प्रति माया ममता कथनं जूगुलि इमि कीर्ति दया
चवनेमाः धकाः मनं तुनाः संस्कृति सबन्धयागु हे “नेवाः छेय्” नां छुना थुगु
सफू पिकयागु खः । नेवाःतय् संस्कृति संरक्षण जुइगुलि थ्वसफूतिनं तिवः बीगु
मनंतुना । सफू थाः बलय् गनं गनं आखः स्यनाः अर्थया अनर्थ जुया च्वँथाय्
शुद्धी करण याना सां पौलय् स्वयाः आखः ग्वः भिकाः ब्वनादीगु आसा
याना ।

नेवाः संस्कृतिया सफू च्वयेगुलिइ जि व जिमि पासा वलदेव जुजु
निहा थःपिनिगु छगूहे लँपु ज्वनाः पला न्ह्याकाः वइच्चवनागु खः । थुगु सफू
थीथीगु च्वसुया मखूगुलि थम्हं जक च्वयागु जुल । थये धकाः संस्कृति
विषयलय् जिमिगु दृष्टिकोण पाःगु मखु । थ्वसफू पुवंकेत माःमाःगु पूजा सफूत
स्वयेगुलिइ व मामाथासय् वनाःमनूतलिसे न्यनेकने याःवनेगुलिइ पासां यक्व
ग्वाहालि याना दिल । अथेहे खँग्वः शुद्ध मजूथाय् भिकाः व प्रफु नापां थ्हाहे
स्वयाः ग्वाहालि याना दिल । थुकिया लागि वय्कः पासायात यक्व यक्व
सुभाय् दु ।

शुभचिन्तक भाजु रामभक्त भोमिजुं फयां फक्व याकनं सफू पिकायेत
हथ्याचाय्का माःमाःगु सफूत हयाः कयँना भूमिका च्वयेगुलिइ थम्हं मनं खंगु
खं प्वंकाः ग्वाहालि याना दिल । अथेतुं मदुगु ई पानाः माःमाःगु छुं फोटो
थ्हातुं कयाः व सफू पिकायेत मा गु खर्चया थ्हाहे भाला कयाः नेपाःया भाषा

व संस्कृति संरक्षण जुडगु भिगु ज्या यांना दिल । अथेतुं यांना वयाचवना दीहा वयकः शुभचिन्तक भाजु रामभक्त भोमिजु यात यक्व यक्व दुनुगःया सुभाय् दु ।

तान्त्रिक विधिया पूजा सम्बन्धय् छुं खँ सलाः यांना बलय् ग्वालि यांनाः दीहा जिमि जःला खःला नां जाहा गुरुजु धर्मनिन्दयात यक्व यक्व सुभाय् दु । वयकः पूजा सन्वधय् सः स्यूहा जक नं मखु संस्कृति संरक्षण यायेगु सामुहिक ज्यानां यांनाः वड चवना दिगु दु । चचा हालेगुः ऋतु ऋतुया नेवाः म्ये हालिगु, व म्ये हालेगु विद्याय् पारंगत हा खः । वयकःयात हने बः जू ।

अथे हे आसा सफू कुश्चि वनाः सफू स्वःवने बलय् छति हे थाकु मचायेकु सें माःमाःगु पूजा सफूत क्यानाः माः माः कथं ग्वाहालि यांना दीपि राजा शाक्य व सरद शाक्ययात, छेया विषयलय् न्यने कने यांना बलय् स्यूगु खँत धयाः अपालं ग्वाहालि यांनाः दीहा सिंकमिनाय रत्न काजी स्थापित व मे मेपि सिंकमि नायःयात व शुभचिन्तक पासापि फुककसित अपाल आपालं सुभाय् दु ।

सफूया लागि थहा मनं खना थेतुं छवः किपा चवयाः ग्वाहालि याःहा किजा धाःसां ज्यूहा भाजु जीवन राजोपाध्यायात व मेहा ग्वाहालि यांनाः ब्यूहा शरद रंजितयात दुनुगलं निसे यक्व यक्व सुभाय् दु । जिमि ह्यापांगु सफूत तान्त्रिक छः व तान्त्रिक पूजा व कान्तिपुर निगु सफूया छवः किपा नं किजा भाजु जीवन राजोपाध्यायं हे चवया ग्वाहालि यांनाः ब्यूगु गुन्ले-त्वमंके फइ मखु ।

अथे हे लक्ष्मी छापाखानाया नायः राज भाइ चित्रकार, प्रेसया फुकक पासापिन्त व इन्द्रेणी प्रेसया जिमि जःला खःला ज्ञानेन्द्र मानन्धरयात जिगु आपलं सुभाय् दु ।

थ्वसफू थाकेगु सर्वाधिकार च्वमियागु ।

सुरेन्द्र मान श्रेष्ठ

ने. सं. १९९८



(ज)

छेरि

बास धयागु तःधे, प्राणीत फुक्कसित बास माः, उकि छुं छुं कथंया
 बास दयेकाः प्राणीतय्सं चवनेगु याना च्वंगु दु । मनूत ज्ञान दुपि प्राणीत खः ।
 जाया बिकास जुया वेलिसे मनूतय् बास यायेगु छे गगाय्खा, गपाय् गपाय्
 जायाः बाँबांलाःगु थें जुया च्वन । लिपा लिपा छेत गथे जुया वनी, छुधाये
 फइ ? छे निर्माण यायेगु फुक्कसिया थः थःगु देया शैली दइ । नेपाः देया छे
 निर्माण यायेगुलिइ मेपि सुनान ध्वये मफुगु थःगु मौलिकताया शैली दु । थन
 नेवाः तसें बास याना वया च्वंगु छेत थौंया बिकासशील देशय् मनूतय्
 निर्माण जुया च्वंगु छेतथें स्वीत पीत व थथे यक्व यक्व ततें मजुसे प्यत जक
 खः । उकि नेवाःतय् छेय् छेरि, मातें, च्वत व बंगः धायेगु जक दु मेगु मरुगु
 खः । छेया तें नें ततः जाः मजू, दनेबलय् धलिमय् थिइ धकाः छेय् क्वछुइ
 माः । नेवाःत संस्कृति, कला व तान्त्रिकतां शोभायमान यानाः छे दनाः
 बास याना वया च्वेपि खः । छे निर्माण यायेगु संस्कृतिइ इसि पूर्वजपिनि
 तान्त्रिकतां जाया च्वंगु देवत्वदु :

छे छकवः स्वकवः व न्याकवः यानाः दनाः चवनेगु नेवाः संस्कृति खः ।
 छेय् दथु अंगः तयाः निछा याइ । छे चिखाकाः दनातःगुलिइ दथु अंगः या
 थासय् कवः थां त थनाः कवः कवः पिकयाः निछा यानाः तःगु दु । थाय्
 चिन्दा जुया छे निछा याये सजियाः छया जक याना तःगु न दु । छया या

છેંય પલાઃ ઊના જુહલય્ છેં દિન દિન મીં । સ્વઘાયા છેંય ચવને મજ્યૂ લ્વગિત
છહ્ય છહ્ય ખ્વનિ મહુ ધાઇ ।

છેં દનેત ડગુથાસય્ ચા મ્હયા કયાઃ જોશીયા થાય્ વનાઃ તૂ મતૂ સ્વયાઃ
જગ મ્હુઇ । નાગ દુગૂ થાસય્ છેં દને માલ ધાઃસા નાગ પિહાં વના ચવની
બલય્ લાકાઃ જગ સ્વનાઃ પૂજા યાના ધ્યારા સ્થાનાઃ હિંહુઇ । નાગયા મ્હાય્
લાકાઃ જગ થનાઃ છેં દને મજ્યૂં, મિજુઇ મહુ, છેં દુના વયેયઃ ધાઇ । લઃ ઘઃ-
ચા (કલશ) થનાઃ નાગયાત બાસસ્થાન બિયાઃ જગયા પ્યહેલં પસૂકાઃ
હિનાઃ જુહત લં બિહમાઃ ધાઇ । નાગ મરુગુ થાસય્ છેં દનેગુ જૂસા લઃ ઘઃ-
ચા સ્વનાઃ ઘઃથાય્યાગુ ચા (મ્હય્પિ દ્વંયા ચા) યાહ્ય, લું, વહ બાય્, સિજ
યાહ્ય નાગ દયેકાઃ તયાઃજુહત લં બિયાઃ પ્યન્હુ લિપા જગ થનાઃ છેં દની ।

છેંય ગુલિ જાતયા સિત તયાઃ દના તઃગુ દુ વ ફુક્ક નાગ નાગિની યા
વ ચાયા બસ્તુત ઇમિગુહે મિયા રૂપ યાનાઃ તયાતઇ । પૂજાયા સફુતિ વ લ્વહં
હિતિયા લ્વહં પૌલય્ વિમિત્ર મુખયા નાગતય્ગુ ડલ્લેહ દુગુ વ છેંય છેંય
ડજ્જઃગુ હવાઃ દુપિ નાગ નાગિની યાનાઃ થાંત થના નિના દિકાઃ ધલિત વ
મૂસિત વ્વયા તગુદુ ।

છેંય દક્વલે ક્વય્યાગુ તંય છેંધી દિના ચવંગુ જુયાઃ અનયાત છેરિ ધાઃ
ગુ હઃ । છેરિહ મૂલુંહા છુનાઃ વયા નિહે તિકિ ઈયાઃ વ લુહા તયાઃ દથુ
અંગલય્ વ દુને અંગલય્ લુહા તઇ । દુને અંગઃ યા લુહાં ચુકય્ વની । દથુ
અંગઃ મરુગુ છેંય છેરિયાઃ દુને ફુક્ક હનેદુ । છેં ચિહા થાય્ મૂલુંહા છ દુવાઃ
જક છુના તઃગુ દુ, તઃ હાગુ છેંય મૂલુંહા છુનાઃ નિહે છપાઃ છપાઃ યાનાઃ નિપાઃ
તિકિઈયાઃ તયાઃ સ્વદુવાઃ યાનાતઃગુ દુ । તિકિઈયાઃ મતસે બઃપાઃ ઈયાઃ નં
છુનાતઃ ગુદુ । બઃપાઃ ઈયાઃ ધયાગુ નં તિકિઈયાઃ હે હઃ । ઈયા બઃચા પાયેકાઃ
છુહગુ જુયાઃ બઃપાઃ ઈયાઃ ધાગુ હઃ । બઃ પાઃ ઈયાલય્ તૈક્વપુ (ધલિગ્વઃ તૈઃ
તૈ તયાઃ) લાયાતઇગુ ઈયાઃ પિને ચિપાઃ હને દુસાં દુને ત.પાઃ જઃ દુ । અગં

छैय् छः छैय् व देगल्य् तिकिइयाः बहःया निपा र्वालि खापाः या मूलुखा छुनाः
 निखे तिकिइयाः तयाः व देगल्य् चिची पायेकाः छः इयाः तयातइ । इयाः
 पातय् छः बाय् छःया छ्वाःपाः तयाः तइगु जुयाः छःइयाः धाःगु खः ।
 छः इयाः यात याकुं इयाः धायेगु नं याः । अघ्वः तःखागु छैय् मूलुखा, तिकि
 इयाः छुनाः लुखात तयाः न्यादुवाः याना तःगुदु । छैरिइ अंगःया कुंकुनय्
 सिंह बुट्टाया त्वहं तयाः पिने खने दयेकाः अंगः दनातइगु सिंह बःलाः थें
 अंगः बःलाःगु अर्थ खः ।

“लुखा” थ्व खँग्वः या न्ह्याःने यागु आखः ग्वः “लु” या अर्थ लुगु
 व ल्युनेयागु आखः ग्वः “खा” या अर्थ खागु खः । थ्वफुक्क खँग्वःया
 चीहाकः जुयाः अप्पकथं लुखा जुया चवंगु खः । नेवाःतय् ह्यागुलि सनें
 आखः ग्वः स्थंकाः चीहाकायेकाः व अःपुइकाः नां कायेगु याइगु । मूलुखा यात
 दथुइ लाकाः छुइ । छैय् लुखा व इयाःत छुनाः दथु लुखायात महत्व बिद्याः
 मूलुखा धकाः व लुखां दुहाँ पिहाँ जुइ । दथु लुखायात सेमेगु लुखा व तिकि
 इयाः परिवारया मूम्ह यानाः छुइगु जुयाः मूलुखा धाःगु खः ।

मूलुखाय् मि व्हाना ब्हाना छ्वयाः दना चवंगु यानाः इवःलाक्क गं
 घानाया न्यागः गं खने दयेकाः क्वथाचा पतिकं छुपु छुपु खड्गचा म्हुयाः
 न्याहा न्याहा यानाः नागं कुइकाः बाय् कर्वे छयें तयाः छःकुं कयाः (अजिमा
 छः तया) निखे सिख्वाः दुपि जीबघात नाग बिलि कयाः च्वाल्ल म्ये लुइकाः
 चु (चवः) पिकयाः याकुं बुट्टा कया तइ । मूलुखाया चवय्पाखे निखे चु
 पिकयाः निखेया मा (तस्वा) नाग नागिनी यानाः बुट्टा पिकयाः छेवेया मा
 क्वय् अजिमा छः सेखेयागु मा क्वय् आजु छः बाय् निखेया माय् सं कलश तयाः
 व छःपाः तया, तइ थथेहे मूलुखाय् नाग नागिनी हिनाया बुट्टापिकयाः मूलुखा
 फुसय् स्वहा व न्याहा अजिमा छः तयाः नागं कुइका तइ । न्याहा अजिमा छः
 तयातइपिन्त पंच कुमारी धायेगुयाः । मूलुखा फुसय् कलश नं तः । मूलुखा
 फुसय् आजुछः बाय् अजिमा छः तल धाःसा छेवे लुखाया माक्कय् कुहाः छः

व मेखेयागु माक्वय् कुमारी छः, २ मूलुखा फुसय् कुहाः छः बाय् कुमारी छः
तल धाःसा मूलुखा क्वय् निखेया माय् आजु अजिमा छः तयेगु याइ । मूलु-
खाया निखे माक्वय् सिंह व सिंहिनीया बुट्टा पिकयाः तयातःगु व भिद्यःतनं
तयातः गु खने दया चवंगुदु । थथेहे यानाः ध्वाखाया मूलुखा तनं छुना
तःगुदु । ध्वाखाया मूलुखात खड्ग आकार वयेकाः छुना मि थोगु गुलि ग्यानापू
उलिहे खड्गया धारं कीगु तःसक ग्यानापू । खड्गया निखे धारय् सिंखाः
या जीव यानाः नागबिलि कयाः च्वाँल्ल म्ये लुइकाः ह्य कुचुसे वंका तइ ।

छःया मूलुखाय् खौपाः तयाः ध्वाखा यानाः छत्र कुइका तइ । खौपाः
यात तोलं धया च्वन । छः या मूलुखाया निखे स्यांगिनी ब्यांगिनी तयाः बाय्
त्वहं या सिंह व सिंहिनीयात द्वारपाल याना तइ । स्यांगिनी, ब्यांगिनी,
सिंह व सिंहिनी यात आजु अजिमा छः माने याना तःगुदु । लायकू छेंया
मूलुखा सिंद्वाखा, लुं ध्वाखा याना व छःतय् लुं व वहया ध्वाखा यानाः
छुना तः गुदु । लायकू ध्वाखाया पिने निखे ज खः ततःधिकः यानाः त्वहं
यापि सिंह व सिंहिनी यात द्वारपाल यानाः तुतिइनं सिखः या बुट्टा पिकया
चिना तः गु दया च्वनी । ये लायकुलिइ सिंद्वाखाया पिने निखे जः खः
या सिंह व सिंहिनी यात मन्त्र याना नागपास तयाः तः गु थ्या सफूतिइ थथे
उल्लेख दु-

“सं ७८३ मार्ग शिल बदि १ खोपस दल न्हयाडा ॥ तवदेव रस तया
नाख पास तया सिंह खोपस कया ओ हया ॥” १

मूलुखाया च्वय् माय् व क्वय् लुखा खलुया निखे ग्वालि प्वाः म्हुयाः
निपा ग्वालि खापा छुनाः मूलुखाया निखे या मा च्वय् क्वय् व दथुइ यानाः
स्वंगः कलश तयाः नाः ग्वलय्नं तया तइ । मूलुखाय् थचुकुनं छुना तः गु
दइ । खापा धिनाः पति दुछवयाः थचुकु क्वकया व थछवया चुकु तइ ।
मूलुखाया खापाय् निप्वाः मिखा प्वाः न्हय्प्वाः खनाः क्वेय्प्वाः यात म्हुतु

प्ला: याना तइ । अथेहे निपाखापाय् ग्याना पुइका: तत: ग्वयेक: मिखा कंका:
माता: ग्वयेगु निपा खैमा छुना: क्वैय् प्ला: दात म्हुतु प्ला: याना तइ । खैमा
व्हालुका: छुना तइ । माता: मग्व:से खापा तिनातइ बलय् निपां खैमा निखे
फहिला: निखे थस्वया: चवनीगु निप्ला: न्हाय्प्ला: जुल । मूलुखा धयागु
स्वपु खड्ग ख:, उकि मूलुखा दुवाल्य् निखे निग्व: मा थना: दथुइ ना: ग्व:
छुना: छेयेया माय् अजु छ: मेयेया माय् अजिमा छ: तया: दथुइ ना: ग्वलय्
कलश तया: छ: याना तइ । मूलुखाय् कलशयात न्हागुलोसनं कया:
छ्यली । अंग छैय् व छ: छैय् खड्ग यात ना: ग्व: याना: निखे मिखा कंका:
दथुइ खड्ग या बालाचव: पिकया: ज्वाला ज्वाला थिका तइ । अगमय् व
नास:छ: थाय् धकिं तया: तइगुलिइ मूलुखा याना: निखे निग्व: मा या
निपु खड्ग दथुइ ना: ग्व: या छपु खड्ग याना: स्वपु खड्ग चवया: खड्ग
पतिकं मिखा कंका:, छया: व कवै तया त:गु खने दया चवंगु दु ।

मूलुखा, तिकिइया: व लुखाया बा: बा: तक्क अंग: दना: निकु
स्वकुति पाका: अंग: सरह: याना: माक: चात (सित्वा:) तइ । अले अंग
जुचिछइ जुचिछइ ब: धलि तया: पिने खने दयेका: माकचिया ब धलिथा सा:
प्ला: प्वाल्य् लाका: कि ताना: ब: धलि यात अंगलं पिहाँ वयेमफेयक कतिक्क
ज्वंकी । अननं अंग: दना: थाहाँ वया: छै छत जायेका त:गु दु । सित्वा: या
छ्वा: ख्वालय् माक:चिया छ्वा: याना तइगुलि माक: धा: गु ख: । अंग:
अंग: लय् ब:चा ब:चा हाक: याना: धलि तया तइगुलि ब: धा:गु ख: ।
ब: धलिमय् नाग नागिनी याना: बुट्टा पिकया: न्हा:ने मूलुखा, लुखा व
तिकिइया: निखे थस्वका: मनूछ: यात नागं कुइका तइ । अंग: पिने माचिकं
अप्पा छेये पाखे ह्यामुचा न्हाइ त:गु लिइ थुना छव: छव: तया: तिका: दुने
दुने चा तया: कचि प्पां: छै दनी । दाँ ह्याचायेकेत कचि अप्पा तया: छै दना
त:गु मखु, लायकू छैहै नं कचि अप्पा तया: दना त:गु दु । न्हापायापिके जा दु ।
पुलां पुतांगु कचि अप्पा त त:पा: लखं मनं । माचिकं अप्पा या छ्वा: सिज:
थे य:चुपिचु बाँला: । अंग: पिने छव: छव: माचिकं अप्पा तया: दनीगु जुया:

वा सकासे दनी । वा सकासे दनीगु अंगः बःमलाइ धकाः छैय् कचि अण्पा
तयाः अंगः दनीगु खः ।

कचि अण्पा तयाः दना तःगु अंगः क्वन्तिसे च्चय्यक छधी, वज्रलेप जुयाः
छै तःसकं बल्लाः । माचिकं अण्पा पिने छबः छबः दनीगुलि बः धलितया अंग
दना च्वय् अंगः या भार क्वय् गनं छथाय् मलाकूसे फुक्क भार बः धलिमय्
लाकाः बः धलिमं अंगः जुच्छिइ जुकाः माचिकं अण्पाया अंगःयात कत्तिक
ज्वंकातइगु खः । उकि अंगः च्वय् या भारं क्वय् गनं अंगः भ्वरिखाना वइगु
भय मरु । बः धलिमं च्वय् अंगलय् थचावइगु पं । छै पुलां जुयाः गनं अंगः
भ्वरिखाना वःसां अंग भिके अःपु थाकुमजू, अंग दुना वइगु भय मरु । पुलां
पुलांपि दकःमि नायः पिसं अंगः भिकेत मा अण्पा प्वले बलय् स्याः चायाः
अण्पा छकः भाराक्क वयेयः धाइ । मूलुखा लुखा व तिकिइयाःत निखे
चु पिकयाः छुनाः क्वपु बाय् त क्वपु तयाः त्वपुया तइगुलिनं अंगः यात तिवः
बिया च्वनी ।

अंगः या द्यःने प्यखेलं निखे पाखे धलिग्वः तइ । थथे धलि तयेगुयात
नस तयेगु धाइ । अले दथु अंगलं न्ह्यःने व ल्यूने यागु अंगलय् धलित दिकाः
कुछि कुछि पाकाः ब्वयाः पिने अंगलय् धलि ख्वाः त इवः इवः खने दयेकाः
सिं ख्वा क्वे ख्वाः व बेताः या ख्वाःपाचात तया तइ ।

अंगः यात दुने पिने लाकाः धलि धलिमय् किंवाः खनाः किंभः कया
चुकु ताना चुकुया च्वः प्वः पिकयाः दथु अंगले न्ह्यःने व ल्यूने या अंगःयात
ज्वंका तइ । चुकु पिने खने मदयेकाः ताना तःगुयात दूचुकू धाइ । चुकू धयागु
ग्वय्छा सियागु ताना तइ । नस धलि तयाः त तः पुगु चुकू तानाः पिकयाः
नस धलिमं अंगःयात ज्वंका तःगुयात तानं कसे यानातःगु धाइ । थथे तानं
कसय् यानाः अंगः अंगःयात ज्वंकाः तः भ्वखाय् ब्वल धाःसानं छै पाताः
जुइक मदुनीगु याना तःगु खः ।

अथेहे जग थाहां वयाः गाःम्हुया तःगु ईल्वहं लायाः माथां थांया साः
 साः लाकाः थनाः म्यथ तयाः निना दिकाः ज्यासः पिकयाः कुताः तयाः, ज्यासः
 तीगु बाय् फल्चा बाय् सतः पिकया तःगु दु । ई ल्वहं त माथां थांम्य थचाः
 वड्गु पं । ई ल्वहं तय् सिहया बुट्टा पिकया तइ । माथां थां त नाग नागिनी
 या बुट्टा तयाः थनाः सिंहमुख व गोमुखयाना तःगु खने दु । माथां व निनाः
 सिसि यागु थना तई । मनू त फल्चाय् पयतुना चव्वेइ । प्यहा मनूतयाः
 खल्लाकी बलय् फल्चाय् मुनी । छःया जात्राय् यैमाद्यः त फल्चाय् व सतलय्
 ब्वयेहइ । मनूत फल्चाय् व सतलय् चवनाः छःयात देवा व दलू च्याकाः चव्वे
 वइ । फल्चाय् फल्चाय् छःत नं स्वना तःगुदु । थन यैय् थांमू दबुलिइ व
 चिकंमू दबुलिइ वास्याः छः स्वना तःगुदु । वास्या पिनि वास्याः छः थाय्
 वया पुई हाः वइ । वास्याः छःया थांमुलिइ प्याकि जक ताना तःगुदु ।
 थांमुलिइ वास्याः छःया थांमू तःग्वः, चिकं मुलिइ चिग्वः । वास्याः छःया
 थांमूया नामं त्वाःया नां थांय्मू व चिग्वगु थांमूया नामं चिकंमू जुया चवंगु
 खः ।

मूलुखा धयागु अजिमा छःया अभिन्न अंङ्गः आजुछःयागु खः । उकिं
 मूलुखा मि व्हाना व्हाना छ्वयाः दना चवंगु आजु छःया रूप गंधाना बाय्
 कव्वे छयै तयाः खड्गचात स्हुयाः निखे पाखे सि छवाःया जीबयात नाग
 बिलि कयाः च्वाल्ल म्येलुइका मूलुखाया खलुयात बेताः यानाः उकिइ छःने
 निखे पालि बुट्टा पिकयाः बाय् निखे छःपाः यात पालि यानाः निग्वः तुति
 मा थनाः तई । आजुछःया निपाल्लाः निखे ब्वयेका चवंगु या मूलुखा चव्य्
 निखे चुपिकयाः मि च्याःगु दुट्टा यानाः व अले नाःग्वः या दथुइ चवंगु कलश
 यात पाल् छवला यानाः फयाचवंगु व मेगु ल्हातं प्वसः कायेगु मुद्रा ज्याना
 चवंगु निपा ल्हाःया निखे म्हगलय् चुल्या पिकया तइ ।

आजु छःयात लुखाया निखे माया क्वय् लुखाखलुइ सिंह सिहिनी बाय्
 कलश यात नाग नागिनी यानाः तुतिइ कलि बाय् धंगला न्ह्याकाः चव्य्


निखे पाखे चु पिकया: मि च्या: बुट्टा याना: , म्हगल्य निखे चुल्या पिकया नाग
 नागिनीया बुट्टा ल्हातिइ चुरि न्हाका: , चव्य पाखे निखे सि ख्या: या जीबयात
 नाग बिलिकया: च्वाल्ल म्ये लुइका: निखे न्हाय्पनय् नाग नागिनी या तिसां
 मुइका: , नाग्वल्य क्वय्या कलश यात नाग नागिनी याना: सिख: मालं
 क्वखायेका: त:गु ख: । मूलुखा चव्य गं घाना बाय् कवें छ्यें तया: आजु
 छ: या छ्यें या तिसा याना: खड्गचा म्हया किंकिपा ज्वांय् ज्वांय् तिका त:गु
 ख: । किंकिपा धयागु खड्गया प्रतीक ख: । छ: या मूलुखाय् खौपा तया तइगु आजु
 छ: यात मत् पुइका त:गु ख: । मूलुखा दुवा: तान्त्रिकतां भय् बिना च्वंगु
 काष्ठकलां जाया: बाँला: । काष्ठ कला यात देया तिसा धाइ ।^{१३}


नास छ: या धकिल्य गंचा घानाया बुट्टा तया: मूलुखा चवयातई ।
 “नृत्येश्वर” धयागु पूजाथ्यासफुतिइ आजु छ: यात धयातगुदु-

महानृत्येश्वर भैरवाय
 शक्ति सहिताय नमः ।।^{१४}

गृह प्रतिष्ठा धयागु छगू पूजा थ्यासफुतिइ मूलुखाया निपा खापायात
 शक्ति सहितया आजु अजिमा छ: धयात:गुदु ।^{१५} थये जुया नेवा: तय् छेंया
 मूलुखाय् मिच्या: गु बुट्टा पिकया छपा खापाय् क्वय् प्वा: खना: दुने खस्रो प्वा:
 तया: मेगु खापाय् खग्वल्य खस्रो छुना: छपा छपाया निपा ग्वालि खापा छुना
 तइ । क्वय् न्ने खव तयेगु व चायेकेगु यानातइ । खग्व तया: खस्रो छुना तगु:
 छपा खापा आजु छ: व खस्रो प्वा: छुनात:गु छपा खापा अजिमा छ: ख: ।

उकिं न्हूछेंय् दनीबलय् मूलुखा छुना: मूलुखाय् छ: पूजा याना: सिक:
 मि दकें: मि ज्यामि सुयातं घा: पा: मजुइसा धका: भ्यारा स्याना: हिखुइ ।
 मूलुखा छुना: हि मखुल किं छ: या दोष दया अप्रिय घटना जुइय: धयागु
 विश्वास दु । बुँग छ: जनबाहा छ , व खवपय् आजु छ: या जात्रा याइ बलय्
 छ: यात खतय् तया: पुज्याना: खतं मनू मनयेसा: धका छ: मालय् आजु छ:





यात भ्याय् चा स्यानाः हिखुयाः प्यचाः घचालय् हिम्हुकीगु मनूतसंय् स्वया
च्वंगुडु ।

आजु अजिमा धयापि बुरा बुरि त खः । मनूत तःसकं बुरा बुरि
जुल कि धुसिलुइ, मानसिक शरीरिक कमजोर जुयाः लुगु लुगु खाइ, पिहां
जुइत ल्हाः ज्वंकाः जुइमाः । थुकिया रूप मूलुखायागु खः । उकिं मूलुखा
यात च्वय् पाखे निखे चु पिकया व ववय् पाखे निखे मूलुखाया खलु पिकयाः
छुनाः दुने अंगलय् दुचु बाः तइ । दुचु बालं मूलुखाया चु पिकयातः गुया निखे
सित्वालां ज्वंका तइ । थथे ज्वंकातइगुयात ताः कया तःगु धाइ । ताःया
ख्वाः ख्वालय् भ्याय् या ख्वाःतया तइगु जुयाः भ्याःसिं धाःगु खः । मूलुखाय्
ताः कया तइगु पिने अंगलय् च्वय् पाखे निखे खने दयेकाः ववय् पाखे निखे
पालि बाय् छःपाः तयाः खने मदयेका तःगु दइ । धुसि लूह्म मेपिं स्वयाः
चीधिकइ । उकिं मूलुखा चिजायेक छुनाः मनूत दुहाँ पिहां जुइ बलय्
मूलुखाय् छय् ववछुइ माःगु याना तइगु ।

छःया प्याखँनय् आजु अजिमा छः त धुसि लुया लुगु लुगु खाना
च्वनी । मनूत छःया निखे च्वनाः ल्हाः ज्वना तइ । आजु अजिमा छः
तय्त कवें छयें या तिसा तीका तःगु ख्वाः पाः पुइका ज्वाय् ज्वाय् किंकिपा
छुकाः तुतिइ सिख्वाःया कल्लि बाय् वंगला न्हाकाः ल्हाःतय् सिख्वाःयाहे
चुरि बाय् कल्या न्हाकाः व बाजु न्हाकाः नाग मालं ववकायेकाः ज्वाय् ज्वाय्
तिसा तीका तइ । आजु अजिमा छः त खानाः घगला छिरि छिरि सः वयाः
छयँनय् किंकिपा फिरि फिरि सनाचवनीगु छः तय् रूप मिं छवया दना च्वंगु
खड्ग या रूप खः ।

छः प्याखँ पित हइबलय् मनूत लय्लय् दनाः छःया खड्ग भाग्यानाः
स्वयाच्वनी । छय् छय् नं छये सगं तयाः छः तय्त पूजा व्य् वइ । छःप्याखँ
हुइका च्वंथाय् मनूत स्वःस्व जुइक स्वया च्वनी । प्याखँ हुइके सिधयेका छः

तयत् पुज्यानाः प्वःसः बिया प्याखँ स्ववइ च्वपिन्त छः खलःतय्सं दालाय्
सम्हाय् बजि तयाः प्याखँ स्वःवया च्वपि मनूतयत् उइ वइ । मनूत ख्येसगं
तयाः गुलिस्याँ फै, दुगु, प्वःसः बियाः छःया पूजा याःवइ ।



मातँ

धलि त नाग नागिनीया सिख्वाः कर्वेखाः व बेताःखाः यानाः
इवः इवः व्वयाः सिंह त मि छ्वयाः सँ जिग्रिङ्ग च्वंगु अंगः जुच्छि मिच्याःगु
बुट्टा पिकयाः छिना तःगु दँचि अप्पा, न्याकुं चाअप्पा व तुंचा अप्पा इवः
इवः तयाः अंगलं पिकयाः दनाः बास्तु कलां जायेकाः व अथेहे मिच्यानाः दना
च्वंगु अंगलय् अनेगु बुट्टा पिकयाः काण्ठकलां जायेकाः छेरि व मातँ सी
दयेका तःगु लिं छैया शोभा ब्यू । थथे बुट्टा पिकया तइगु यात पक्
(कानेस) धाइ । नेवाः त नाग नागिनी यानाः धलि लाया तःगु लिइ
क्वलापु तयाः चा लायाः ह्याउक सौचां (सियूचां) बँथिलाः तःगु छैय्
बासयानाः व च्वय् धलिःतसय् कुइका च्वंगुदु । आजु अजिमा छः तयत्
गनं नागं, गनं बेताः व गनं कर्वे छ्ये आसन याकाः नागं कुइका तःगुदु ।

मातनय् तिकिइयाः तइ । तिकिइयाः धयागुलिइ छपातंचाकलाःगु,
प्यकूलाःगु, स्वकू लाःगु, ईत बुट्टा यागु, स्वां पवः पवः यागु व थी थी
कथं बुट्टा यागु इवः इवः ह्वः ह्वः यानाः क्वपयः बुट्टा पिकयाः नाःग्वः
छुनाः इयाः दयेका तइ । नाःग्वःयात न्हाय्न् धाः । देशय् मरु इयाः
सूर्यमुखि इयाः, कर्वे इयाः, म्हय्खा इयाः, सतकोणया यन्त्रया इयाः खवपय्

भेलः इयाः थें ज्यागु अने अनेगु तिकिइयाः त छुना तःगु दु । इयाः हवः इवः
इवः तयाः इयाः तिनाः दयेकाः छुनाः दुने छुं खनेमदयेक किनाः तःगु जुयाः
तिकिइयाः धाःगु खः । तिकिइयाः धाइगु या अर्थ नं थथेहे खः । इयाः छुनाः
किना तइगुलिं पिने तिकिइयाः न्हतं दुने छुं खने मरु, दुने धाःसा पिने
फुक्क छलंङ्ग खने दु । थ्व तिकिइयाः या विशेषता खः, मेगु उद्देश्य गोप्यता
खः । छेंय् दुनेया गतिविधि गोप्य जुइ माः, पिनेया पित्त सीके बिइ मज्यू ।
उकि नेवाः तय् छेंय् तिकिइयाः छुइगु खः । तिकिइयालं दुने जःदु फय् पं
धयागु मरु ।

इयाः खँवः या अर्थ मचा खः । लाख् प्याखँनय् इयालिचित्त
लाखय्या मचा धया चवंगुदु । मचां मां बीयात दुःख बीगुथें लाख् प्याखँ-
हइ बलय् इयालिचां लाख् यात हायेकाः दुःख बिया चवनी । उकि
तिकिइयाः धयागु मूलखा व लुखाया खवाः वयेकाः व चीपाय्का चवय् व
ववय् निखे ताः कयाः ज्वंकाः छुना तइ । तिकिइयालय् मूलखा व लुखा-
यागु मिं च्याःगु बुट्टा यानाः तिकिइयाः या खलुइ छःने निग्वः मा नाग
नागिनी यानाः छःपाः यात पालि यानाः तइ । तिकिइयाः चवय् अजिमा छः
तयाः इवःलाक्क गं घानाया बाय् कवँछ्यें यानाः खड्गचा म्हुयाः निखे
चवः पिकयाः सिखवाः या जीव यात नागबिलिकयाः च्वाल्ल म्ये लुइकाः
ब याकुं बुट्टा कया तइ । तिकिइयालय् न्हाय्, म्हुतु, मिखा यानाः बुट्टा
पिकयाः नाःग्वः तयाः उकिइ चवय्, ववय् व दथुइ यानाः स्वंग कलश तया
तइ ।

मातें धयागु छेंया मागु (मूगु) तें खः । छेंया मागु तें जुया अन
मां तिकिइयाः (मू तिकिइयाः) छुइ । मूलखाया चवय् लाकाः तिकिइयाः
छुनाः तइगु मातिकिइयाः खः । छें ग्वः पाः इयाःया यायेगु खः मातनय्
वः पाः तिकिइयाः छुनाः चवतय् वहे खतं इयाःपाः तयाः बैंगलय् इयाः या
छेंकवः पिकाइ । छेरिइ मूलखा व लुखायात नापं इयाःपाः या ल्याः

नागिनी बुढाया बः धलि अंगल्य छचाखिलं हिनाः न्हःने तिकिइयाः व
मातिकिइयाः निखे थस्वकाः नाग नागिनी या म्हुतुं मनू छः त पिकयाः
नागं कुइका तः गु दु । अन अंगः दनाः थकयाः नित जायेकाः नस धलि तयाः
धलि त ब्वयाः धलि खवाः खवाः खने दयेकाः तान कसये यानाः मातिकि-
इयालय् ववपु तयाः त्वपुयातः गु दु । निखेया तिकिइयाः त चिपायेकाः छुइगु
जुयाः तँ ववपु लायाः दुने इयाः पाः यात तपायेका तः गु दइ ।

मां तिकिइयाः धयागु आजुछः या अभिन्न अङ्ग, अद्वय रूप अजिमा
छः यागु खः । “गृह प्रनिष्ठा” धयागु पूजा थ्यासफुतिइ मां तिकिइयाः
यात अजिमा छः धयातः गु दु ।^{१०} गुंइ माजु छः (गुंइस्वरी), माजु जय
बागिस्वरी छः, भिछः, नासः छः, सिथिछः, जनबाहाः छः, माकां छः,
पालाः छः व बुंग छः थेंज्यापि नेपादेया थः मौलिकताया सम्हाय् तयाः
पुज्याये माः पि छः त खः ।^{११} आजु अजिमा छः त अद्वय एक रुप जुयाः लँपु
(न्हवँ) छाइ बलय् छः प्वाथय् दयेकाः मचा बुइकाः, सिसा पालु इनाः,
व्यंकाः जानकाः वहे छह्य छः यातः तः धी जूगु ल्याः कय्ता बियाः (बुस्का)
ई यानाः बाराः तयाः मिजँ मिसाया नितौं कर्म खंकाः पूजा यानाः छ्ये सगं^{१२}
बियाचवंगु दु ।

मनूतसँय् आजु अजिमाया भिन्न रुप गुइमाजु छः यातः मि जुइगु
लागि, बागिश्चरी छः यातः आखः सयेकेत, मि छः यात व्यापार बृद्धि या
लागि, नासः छः यात प्याखँ बाछबादन संगीतय् नासलं लिके या लागि
बुंग छः यात देशय् अन्नं दुःख मज्जुइकेतः जनबाहाः छः यात रोग हरे जुया
आयु ताः हाकेत, मांका छः पालाः छः यात रक्षाया लागि व अथेहे आजु
अजिमा छः यात माने यानाः चवंगु दु ।

मांतिकि इयाः या फुसय् छः कुं कयाः तः ह्य अजिमा छः यात निह्य
मनू निखे स्वयाः छ्वं स्याना च्वं पिनिगु ह्याया छः ने बाय् कवँ छयँत तयाः

पुतु पयतुकाः तइ । अजिमा छःया निपाः लहाः निखे ब्वयेकाः खड्ग, पॅपाः
 (ढाल) व मेगु जवगु लहाती पात्र खवला फयेकाः देपालहाती प्वःसः कायेगु
 मुद्रा ज्याकाः प्यपाः लहाः यानाः तःगु खनी । अजिमा छः या लहातय् नाग
 नागिनी या चुरि तुतिइ कल्लि न्ह्याकाः नागमालं ब्खायेकाः छ्यँनय् क्वँ
 छ्यँ या तिसा यानाः किंकिपा छुका तइ । अथेहे छः प्याखनय् अजिमा छवँ
 निपाः लहातिइ नाग नागिनी यानाः सिख्वाः या कल्या न्ह्यानाः सिखः
 मालं क्वखानाः तुतिइ घंगला चिनाः क्वँ छ्यँ दूगु ख्वाःपाः पुयाः किंकिपा
 ज्वांय् ज्वांय् तिया तइ । अजिमा छः लुगुलुगु खानाः किंकिपा फिरिफिरि
 सना च्वनी । अजिमा छवँ छपाः लहातँ पॅपाः (ढाल) ज्वनाः व मेगु
 लहातँ खड्ग हीकाः प्याखं हुइ । अले अजिमा छवँ प्वःसः काइ बलय् वहे
 जव ग लहातँ पात्र खवला ज्वनाः देपागु लहातँ प्वःसः या मुद्रा यानाः प्याखँ
 हुइगु या मांतिकि इयाः फुसय् अजिमा छःया प्यपाः लहाः यानाः तइ ।

तिंकिइयाः इयालय् तँक्वपू तयाः व मांतिकिइयाःयात दुने अंगलय्
 दुचु बाहाः तयाः च्वय् व क्वय् निखे पाखे माफःचात तयाः ताः कयाः ज्वंका
 तइ । मांतिकिइयालय् च्वय् पाखे निखे या कुं बुट्टा व क्वय् पाखे निखे
 पालि बुट्टा बाय् छः पाःचात तयाः ताः ख्वाःचात खनेमदयेका तइ ।

छः छैय् या मांतिकिइयाः लुंइयाः यानाः सतकोण या यन्त्र तयाः
 उकिइ दथुइ खड्ग बाय् कलश बाय् अजिमा छः तयाः तःगु दइ । यलय्
 नकि इयाः धकाः मांतिकि इयालय् नकि छः (अजिमा) तया तःगु दु ।
 नकि छःया कपाः छगलं ह्याउँक सिद्धः पाका तइ । मांतिकि इयाःलय् नागं
 कुइकाः बाय् खौपाः तयाः गजू लुइकाः छत्र कुइकाः तःगु दइ । थथेहे
 दातातसंय् आजु अजिमा छः यात नागं कुइकाः व पिने मूलुखाय् खौपाः
 तयाः छत्र कुइकाः छाया तःगु दु । छत्र यात नागराज माने याइ । अजिमा
 छःया खौपातय् सि ख्वाः तयाः वया म्हुतुं नाग व नागिनी पिकयाः निखे
 स्वकाः अले क्वय् पाखे अजुचाया पुपि निह्य जन्तु तया तःगु दु । सिख्वाः

यात छेपें व अजुचाया पुपि जन्तु यात हिति मंगः धाइगु खः । हिति मंगः
छगु प्रकार या सिंह व सिंहनी खः ।

थन सिंह धयाह्य जन्तु मरु । कलियुग वयाः सिंह त पृथ्वी त्वःताः
स्वर्गतय् वंगु धाइ । सिंह लोप जुया वनीगु खनाः स्वर्गतय् च्वय् ब्वयाः
वँह्य स्वयाः च्वया तःगु धाइह्य सिंह या उन तुयूह्य ताःहाकः जुया सुलुक्क
वनाः नाग ह्लिपं, मिखात तःग्वः मि ज्वाला या मिखाफुसि, धुंयात तःपूगु
वा, धँवा व लुसि पिकयाः हिं हिं यानाः च्वँह्य सिंहया म्हुतु प्वाल् मि
ज्वाला पिहाँ वयाः ह्य छह्य मि छ्वया च्वंगु स्वः स्वः हे तिप्पा नकः
वइह्य थे नुगः छः ग्यासे वयाः ह्यकुसं तिति स्वाना वइ ।

सिंह धयाह्य मिमलः खः ।^१ मूलुखा व तिकिइयालय् च्वय् पाखे
निखे चु पिकया तःगुलिइ सिख्वाः यानाः नागबिलि कयाः च्वाल्लः म्ये
लुइका तइगु मिमलः खः । मिमलः यातः सिंहराज धाइ । वावयेत फय्
वइ, घननन छः न्याइ । प्वालाक्क मि पिहाँ वयाः स्वर्गतय् स्वांल्ल ताहाकया
वनी । नागराज धयाः च्वंगु थ्वयात हे खः । आजु अजिमा छःया किपाय्
छःतय् तिसा याना तइपि नागराजया वर्ण मि व आकाश यानातइ ।
नागराज यात “बरुण” धयातःगु दु । बरुण धाःगु लः खः । वा फय् वइ
बलय् मिमलः जुइगु भय् दु । मिमलः जूथाय् पलखं हे बस्तु व्वयाः नास
जुइ, झौ जुइ । त तःसकं नं न्यांतकि दिन्न मिनाः छुं जुइन ला धकाः
मनूत ग्यानाः “नसिंह” “नसिंह” धकाः सिंह छःयात पुकारे याइ ।

मिमलःया दृष्टिगत बिभिन्न दृष्टिकोणं व उद्देश्यं मि छ्वया
च्वंगु यात तान्त्रिक मतं छेय् छेय् बिभिन्न प्रकार यापि सिंह व सिंहनी
यानाः काष्ठकलां जायेकाः, अंगः अंगलय् सित तयाः वास्तु कलां
जायेकाः, छः छः थाय् सिंहत तयाः व मनूतय् सिख्वाः या तिसा दयेकाः
तिया तइ । अथेहे न न्यानाः जलाधार जूगु दृष्टिगत सिंहायत नाग

नागिनी यानाः शीथी कथं नामाकरण यानाः बासस्थान बियाः त्वहं हिति
मद्विषक न्याबले नं लःहायेका तः गु व जलाधार जुयाः जलासय जूगु
दृष्टिगत तु व पुखू म्हुया जलासय याना तः गु दु । यल्य् श्रालुक्वहि
या ताम्रपत्रय् थथे उल्लेख दु "ॐ" नमः श्री बज्र वरुण नव् नाग राजय ॥
..... जगत रक्षा उद्धार जुलो ॥ ॥ श्रेयो वस्तु संवत् ५३५
फाल्गुण शुक्लया अष्टमि श्रवण नक्षत्र इन्द्रयोग बृहस्पति बार दिन घरि
३ वि २५ मध्याह्न व्यला घरि २७ बि १७ श्वते लग्न व्यलास श्वं जलधारा
याडा लख हायक स्थापना याडा दिन जुरो ॥

थुतिया निमित्तिन् चतुर्दिग सविधि गस ॥ गो मुख नाग ॥
मेघ मुख नाग ॥ सिंह मुख नाग ॥ व्याघ्र मुख नाग ॥ मृग मुख नाग ॥
भुजग नाग ॥ भुजग महावृक्षा नाग ॥ भुज खाल नाग ॥ बिभागल पदम
जलाशय सलिलित ॥ .. . शुभम्भु यात ॥३॥

बुँछः या वंशावलिइ कर्कोटक नागराजया उल्लेख जुया च्वंगु दु ।
तः पुखुलिइ कर्कोटक नागराजया दरवार या उगु बखतं निसे सनूतसयं
इतिहासिक कथं कना वया च्वंगु खँ खः । तः पुखुलिइ न्याखँ स्वःसां छेयेया
कुं खनीमखु कर्कोत नागराजा सनूय (वंद्य) यात ब्यूगु लं, शोतं वयनी
कुन्हु सार्वजनिक यानाः वया च्वंगु दु । मूलुखा मातिकिइयाः व तिकिइयाः या
बाबा तक्क अंग दनाः माकः चिया खाः खाः खने दयेकाः नाग नागिनीया
व धलिमं छ्चा खिल हिनाः अंगः जायेकातः गु आजु अजिमा छः या ज्यै
जनिचिका तः गु खः । जनि चीगु जैयात नी बुरा बुरित ज्यै जनि स्वताक्क
चिना बःलाकाः जुइ । अथेहे मूलुखा व मातिकिइयाः या ज्यै ज्यै बाबा
तक्क अंगः दनाः व धलिमं अंगः या छ्चाखिल हिनाः स्वताक्क ज्वंकाः
अंगः बलाका तः गु दु ।

मातनय स्वखाः व न्याखाः या इयाः यात माइयाः यानाः वया

निखे छत्वाः छत्वाः या निपाः मचा इयाः त नं छुना तः गु दइ । छत्वाः या इयालय्
छपाः इया हे जक यानाः स्वत्वाः व न्यात्वाः या इयालय् स्वपा व न्यापा
इयाः इवः लावक तथाः व्हनाः छपाः इयाः यानाः कवपयः बुट्टा पिकया
दयेकाः छुना तः गु दु । स्वत्वाः व न्यात्वाः या इयालय् दथुयागु छपाः इयाः
प्यकूं लाः गु यानाः नाप निखेया इयाः त फुक्कं धवाखा इयाः यानाः धवाखा
इयाः पतिकं चव्य पाखे निखे मि मलः यात नागबिलि कयाः च्वाल्ल म्ये
लुइकाया बुट्टा पिकया तइ । छत्वाः या इयाः त धवाखा इयाः याना तः गु दु ।
इयाः इयालय् मिचयाः बुट्टा याना अजिमा छः तथाः चव्य पाखे गंचा घानाः
खड्गनात म्हुयाः इयाः पाः या ल्याखं साचात तथाः कलश व स्वांथं यानाः
बुट्टा पिकया तइगु स्वये बल्य् इयाः पतिकं चव्य इव्य व दथुइ निखे जः खः
कलश लाना च्वे वइ । इयाः पतिकं छगः कलशयात न्हाय् म्हुतु मिखा
यानाः मेगु निगः कलश तथाः नाः ग्वः (न्हाय्) छुना तइ । इयाः या वव्य
इयाः खलुइ अजिमा छः पुतुं पयतुना च्वंगु निखे पुलि व पालिया बुट्टा यानाः
चव्य निखे निपा ल्हाः ब्वयेका च्वंगु च्वः पिकयाः ब्वसल यात निखे स्वकाः
ब्वयेका याकुं कया तइ । थये इयाः इयालय् काठकला जायेकाः अजिमा छः
यात ज्वांय् ज्वांय् तिसां तिका तइगु बांलाः ।

छत्वाः स्वत्वाः व न्यात्वाः या इयाः पाः चात चिचीपाः । इयाः पतिकं
तिक्किइयाः व्हः या निखे ग्वालि च्वः पिकया तः गु धीखापा चायेकेगु व तीगु
यानाः जेचुकु तयेगु याना तइ । छत्वाः या इयालय् तिक्किइयाः व्हः याः निपा
ग्वालि खापा नं छुना तइ । इयाः इयालय् नाः ग्वः चा छुना तइगुलि छ्यं
पिकयाः स्वये मज्यू । इयाः दुनें पिने फुक्कं खने दु, पिनें दुने छुं खने मरु ।
छत्वाः स्वत्वाः व न्यात्वाः इयाः या उद्देश्य नं तिक्किइयाः या थे तुं गोप्य
खः । उज्व गु इयाः यात गं इयाः धायेगु याः । न्यात्वाः या इयाः यात
पसुकाः इयाः नं धायेगु याः । पसुकाः धयागु ह्याउंगु वचुगु, तुयूगु,
म्हासुगु व गारा वाउंगु पंच रङ्गया न्यापु काः पुई चिना तइगु खः ।
श्व न्याता रङ्ग यात पंच तत्व या प्रतीक पंच बुद्ध धया च्वन । बौद्ध मतं

गं इयाः यात पंच बुद्ध माने यानाः च्वंगु दु । गं इयाः त छैय् छैय् सिवय्
बाहाः व बहि या सतः छैय् तथा तःगु खने दया च्वंगु दु ।

बाहाः व बहि धयागु प्रदर्शन स्थल खः, दैय्दसं गुंपुन्हि प्यह्लु न्हयः
निसें च्यान्हु यंकं बाहाः बही ब्वइ । बाहाः व बहि पतिकं पुलां पुलांगु सि,
चा, अण्पा, लु, वह, सिजः ली या कलात्मक छः तय् मूर्ति, हिरामोति,
ज्वाहारथ थुनातःगु बस्तु, तान्त्रिक मतं थाना तःगु पौवाहा, चित्र कला,
शिल्पकला, न्हापा न्हापा छः तसैय् च्वया बंगू, त तः धौपि तान्त्रिक पिसं
च्वयातःगु अमृत्य अमृत्यगु, अद्वितीय निलपत्र, तालपत्र, सुवर्णपत्र, ताम्रपत्र,
पीतपत्र महात्मे, थु सफू, धर्मिक थ्या सफूत, बाध्य बादन या बस्तु त, कृषि
सामग्री, कृषि उत्पादन या बस्तु, घरेलु थाना कापः, लं पसिं वसः,
वसजाः, थल बल मेमेगु आपालं स्वये योग्य जुगू बस्तु त च्वयाः केना तइ ।
मनूत वयाः बाहा बही ब्वःगु स्वयाः देया संस्कृति, साहित्य कला व विकास
या अबगत याइ । बाहाः बहि ब्वइ थाय् छुनछुं स्वयेमाः सी बलय् न्यनी
धाइगुलिं मनूत लुं आखः, वह आखः, लुं हिति; वह हिति, ध्वला हिति, गुं
नकि; तःग्वः चिग्वः जाकि व अथे सत्य युगया बस्तु स्वया जुइ । तःग्वः
जाकि सत्य युग यागु व चिग्वः जाकि कलि युग यागु धाइगु । तःग्वः जाकि
छगः या जां फुक्क सित नके गाःगु स्वः वः पिं मनू तसैय् कना च्वनी । उगु
बखतय् कुच्छि हाकः गु सःगु वा छवपय् भेलः आजु छःया थाय् अद्यापि दु ।

थौं कन्हैय् प्रदर्शनी स्थलय् नं बिभिन्न सीके वहुगु बिकासया बस्तुत
ब्वया कयनी । मनूत वयाः अनेगु खँ सीकी । इले बेलें थो थोगु देत जानाः
विश्वमेला, विश्वप्रदर्शनी या आयोजना यानाः अन थः थःगु देया कला,
विकासया व उन्नतिया बस्तुत कयनेगु याना च्वंगु दु । धातर्थे धाये माल धाःसा
अन्तर्राष्ट्रिय छलय् विश्वमेला व प्रदर्शनी या व्यवस्था मज्जनि बलय वया
गुलिं छे शताब्दि न्हयः नेपालय् जूइ धुकूगु खँ थनया बाहाः व बहि ब्वया
वइ च्वंगुलिं प्रमाणित याना च्वंगु दु । भाषा निभाः स्व. प्रेम बहादुर कसाजु
नाप खल्हा बल्हा जू बलय् वयकलं थव खं धयादिल । १०

चवत

अंगः जुच्छिइ धलि खाः खाः खने दयेकाः देची अप्पा न्याकुं चा
 अप्पा व तुं चा अप्पा पिकयाः मि छवया चवंगु यानाः बास्तु कला जायेकाः
 अंगः दनाः मातं व चवत सी दयेकाः तःगुलि छेया शोभा बिया चवंगु दु ।
 छेय् चवय् यागु तं चवत खः । चवतय् सँझ्याः छुइ । सँझ्याः धयागु स्वपा व
 न्यापा झ्याः व्हनाः छपा यानाः दयेकाः छुना तःगु झ्याः खः । सँझ्यालय्
 दथुइ छपाः झ्याः प्यकूलाकाः व नापा निखेया झ्याः त खड्ग आकार वःगु
 यानाः तइ । अथेहे सँझ्याःया फुक्क झ्याः त खड्ग आकारहे वयेका तइ ।
 उज्वःगु सँझ्याः यात धवाखा झ्याः धाइगु जुया चवन । सँझ्याःया दथुइ प्यकू
 लाका तःगु छपाः झ्यालय् तोलं तयाः धवाखा झ्याःहे याना तःगु दइ । गुलि
 सँझ्याः या फुक्क झ्यालय् तोलं तया तःगु दु ।


सँझ्यालय् व्हना तइगु झ्याः त फुक्क न्हाय्कं झ्याः खः । उर्कि झ्याः
 त ज्वाला न्हाय्कं यानाः नं छुना तःगु दु । ज्वाला ल्हाय्कं सुर्छःया प्रतीक
 स्वरूप खः । सुर्छः धयाह्य मि व्हाना व्हाना छवया चव्ह्य छः खः । ज्वाला
 ल्हाय्कंनय् सुर्छः पातं मि दनाः ज्वाला पिहाँ वया चवंगु खड्ग या रूप झ्याः त
 फुक्क मि छवया दना चवंगु बुट्टा यानाः छुना तइ ।



सँझ्याः यात अंगलं पिकयाः बार्दलि थे यानाः, अंग सरह पाचुकाः
 व ववय् पाखे अंगलं पिकयाः चवय् पाखे भतीचा पिकयाः भेसँलुइकाः

म्बः सुला चवंगु थें यानाः छुनाः निखे पाखे छपाः छपाः या न्हाय्कं इयाः अंगः
सरह याना तइ । सँइयालय् निखे बाकू (बापाः) इयाः चिकातः गु नं दइ ।

सँइयाः या म्बः म्बलय् छः कुं कयाः इयाः छपातं मि छ्वया चवंगु बुट्टा
पिकयाः इयाः क्वय् नं छः तथा तइ । सँइयाः या म्बलय् छँया नायः यागु व
क्वय् नकियागु आत्मबिम्ब दयेका तइगु जुया चवन खनी । सँइयालय् इयाः
पाः चा त व्हना तः गु ल्याखं इयाः इयाः या निखे स्वंगः बाय् न्यागः यानाः
इयाः या मा चात थनाः कलश तथाः स्वांथे याना मि च्याः बुट्टा पिकयाः
तइगु न्हागु इयालय् स्वःसानं निखे जः खः जः खः कलश लाना चवनी ।
सँइयाः या माय् मिमलः यात नागबिलि कया व माहा त तथाः दण्ड ज्वंका
तः गु नं दइ ।

सँइयाः या क्वाथलय् तिकिइयाः या व्हः व्हः यानाः इयाः पतिकं या
क्वाथलय् ज्वलाह्नाय्कं बाय् कलश बाय् बखुं थें ज्याह्मा सुकु भत्तु तथाः
टह्मा, स्वह्मा व न्याह्मा नाग कुइकाः निखे जः खः मिमल यात नाग नागिनी
यानाः च्वाल्ल म्ये लुइका व कुंपाः या सिंह दुगु चिचीग्वः गु माचात थना
तइ । सँइयालं चवय् व क्वय् पाखे जुछिइं मिच्याः बुट्टा पिकयाः इवः इवः
चिचीग्वः चागु गंचात घानाः बाय् चिचीधिकः पि सुकु भत्तु चात बाय्
कुंपाः या सिंहचात बाय् हितिमंगः चात तथा तइ । थथेहे बलं पौ (मिच्याः
बुट्टा) तथाः बाय् नाग तथाः थीथी कथं बुट्टा पिकया तइ । सँइयाः या इयाः
इयालय् निपु स्वपु नतुचात ताना तइ । मनूत दुने इयाः फलय् पयतुनाः पिने
स्वया चवनी । इयाः फः दुने न्हागुं तयेज्यू । सँइयाः इयालय् तिकिइयाः
व्हः या धीखापाया निखे ग्वालिचवः पिकया चवय् पाखे ग्वालि प्वा प्वालय्
दु छ्वयाः घानाः छुना तइ । धी खापाय् नाः ग्वः तथा तइ । धी खापाय्
सिखः घाना तः गु ज्वनाः खापा ल्हवनाः चायेकाः चवय् धलिमय् क्वलः कि
ताना तः गु लिइ कयंकी । क्वलः कि नं सिखः लिक्कयाः ज्वनाः क्व कयाः खापा
तिनाः जंचुकु सालाः तयेगु याना तइ । थथे यक्व यक्व ज्या सनाः कला





कौशल क्येनाः दयेकीगु इयाः जुयाः सँइयाः धाःगु खः । थथे बुट्टा किइमाः-
गुलि सत्ताया बाय् चसिं यागु ज्या काइ । सत्ता व चसिं नायुगुलि बुट्टा कीगु
स्येनीमखु ।

सँइयाः या निखे तथाः छुना तइगु इयाःत सँइयालय् वहना तःगु
ह्नाय्कं इयाः याना तइ । इयाः या निखे चवः पिकयाः व क्वय् पाखे निखे
इयाःया खलु पिकया तइ । धवाखा इयाः व ज्वालाह्नाय्कं इयाः यानाः
छुना तइगु लिइ चवय् पाखे निखे मिमलःयागु बाय् मि छ्वयाः पिहाँ बइगु
अनेकथं सिसाकचाथे यानाः बुट्टा पिकया तइ । इयाःत धाःसां सँइयालय्
वहना तःगु इयाः या पाः स्वयाः चिब्या यानाः ची नं पायेका तइ । छपाःया
इयाःत ख्ये इयाः व चाकलाः इयाः यानानं छुना तःगु दु । थोथी कथेया
इयाःत छुना तःगु फुकक ज्वाला पिहाँ वया चवंगु ह्नाय्कं इयाः खः ।

छपाः इयाःया ह्नाय्कं इयाःया क्वायलय् स्वकूलाकाः, गंचाया; स्वां
पवः पवः व मेमेगु बुट्टा तथाः इयाः इयालय् नतुचात ताना तइ । इयालय्
छह जक चवना क्वस्वये ज्याछीगुलि थ्व इयाः यात याकः इयाः घायेगु याः ।
इयाः इयालय् तिकिइयाः वहःया निपा ग्वालि खापा छुनाः खवः ग्वयेगु व
थचुकु तयेगु व चायेकेगु याना तइ । ग्वालि खापा लीगु व छुइगु अःपु ।
मनूतय् अन्त्य अवस्थाय् घाटय् यंकेत ग्वालि खापा ली । तःघिह्य मनू जूसाः
मूलखाया चिधिह्य जूसाः इयाःया खापा ली । छपा ग्वालि खापाय् खओप्वाः
व मेगु खापाय् खओ ग्वः छुना तइगु लि खापा लिखतं पुइकाः निपा खापा
नाप प्यपुंका तयेबलय् बँय् खओ प्वाः व खओग्वः दिनाः निपा खापाः चवय्
ल्हवना चवनीगु खाता थे जुइ । खिपतं प्यपुङ्क चिनाः लासा छपाः लानाः
मफुहाय् सित ग्वतुकाः प्यह्य मनू प्यखे चवना ब्वलय् न्वः दिकाः क्वबिया
यंकी । मनूत ह्यासं गनं छुन्य जुइस्वां थः थःगु छेय् हे मामाः कथं ब्यवस्था
याना तइ । घातय् घाते बँद्य त दु । घाते बँद्य त्वगि स्वयाः गबय्ती त्वगि
प्रान त्वःती धकाः ताख तइ ।

छपाः इयाःया छैय् स्वपाः बाय् न्यापाः इयाः वहनाः दयेका तःगु छपाः
 इयाः जक छुना तःगु दु । स्वपाः इयाः या छैय् थुज्वःगु छपाः सँइयाः छुनाः
 वया निखे छपाः छपाःया निपाः ह्नाय्कं इयाः तयाः स्वपाः व न्यापाः इयाःया
 छैय् न्यापाः इयाः वहनाः दयेका तःगु छपाः सँइयाः छुनाः वया निखे छपाः
 छपाःया निपा ह्नाय्कं इयाः अले स्वपाः इयाः तयाः वहनाः दयेका तःगु निपाः
 सँइयाः तयाः न्यापाः याना तःगु दु । स्वपाः बाय् न्यापाः इयाः वहनाः दयेका
 तःगु सँइयाः यात इयाः पाः स्वपाः न्यापाः व छपाया जक याना नं छुना तःगु
 दु । स्वपाः न्यापाः न्ह्याक्व इयाः पाः वहना तःगु सँइयाः यात छपाया बाय्
 स्वपाः इयाः वहना तःगु ख वःहे पाः इयाया ल्याः यानाः स्वतः धाःसा नं
 इयाःत छुना तःगु बिज्वः हे लाइ ।

सकवय् चागु नारांछःया, यलय् कुन्ति महाछःया, यलय् पशुपति
 महाछःया, गुंइ माजुछः (गुइश्वरी माजु) या, थन लाय्कुलिइ देगुछः,
 जगनाछःया देगल्य् स्वपाः इयाःया सँइयाः व नवदुर्गा (महाछः पार्वती)
 देगल्य् न्यापा इयाःया सँइयाःया सँलुखा छुनाः निखे चिचीपाःगु छः इयाःत
 छुना तःगु दु । सँलुखाया गुलि लुखा लुंछ्वाखाया गुलि वह छ्वाखा या व गुलि
 सिध्वाखा यानाः खौपाः तयाः गजू लुइकाः छत्रं कुइका तःगु दु । यें नं यलय्
 दुहाँ वनेगु छ्वाखा स्वपा इयाःया व अथेहे मेमे थासय् दुहाँवनेगु छ्वाखात
 सँलुखा त खः ।

मांतिकिइयाःया चवय् सँइयाः छुना तद्गु मासँइयाः खः । छपाः इयाःया
 छैय् मा सँइयाः छपाः जक छुइ । स्वपाः बाय् न्यापाः इयाःया छैय् दथुइलाकाः
 छुना तःगु सँइयाः मासँइयाः खः । मासँइयालय् फयां फक्कः काष्ठकला
 जायेकाः विशेष महत्व दयेकाः छुनाः छैया शोभा अप्व बाँलाकाः तइ ।
 लाय्कूछैया मासँइयाः दथुइ छयाः लुंइयाः यानाः नागं कुइका तःगु दु । जुजुपि
 लुंइयालय् क्वस्वइ धाइ । ह्नापा जुजु पित्त छःया अबतार नाने याइ । “बलि-
 पूजा” धयागु पूजा थ्या सफुतिइ जुजु यात आजुछः धया तःगु दु ।^५ छः

छैय् मासैइयाः या दथु इयाः यात छः इयाः धया चवंगु दु । छः इयाः यात लुइयाः याताः तोलं तथाः छत्रं कुइका व नागं कुइका तःगु दु । छः इयालं क्व स्वये मज्जु हिल्लये यः धाइगु लिं मनूत क्वस्वेगु मयाः । कुमारी छैय् मासैइयाः या दथु लुइयाः यात कुमारीइयाः धाइ । कुमारीइयालं सुयातं क्वस्वयेकी मखु, मेगु मेमेगु इयालं धाःसा क्वस्वये ज्यू ।

अंगः अंगलय् सिखाः पाः ज्यानाः तुनाः त्वाः कचा तं पिकयाः अंगः दनाः छै त्तन जायेकी । नस धलिं तथाः धलिं ब्वयाः चुकु तानाः तान कसयेयाना तःगु पिनें खने दु । तुनाः त्वाकलय्, छेहे तुना चवः मेहे तुनाः म्वः कयाः तुनः सिं दिकाः वेथां वेथां थनाः उकिइ चलु (धलिं) दिकाः पाखा पिकया तःगु दु । चलुया धलिं त स्वाये थाय् खिचा गथः साः कयाः चिनाः बेना मतइगु यानाः किंम्वः कयाः कि ताना तइ । तुनाः सित सिंह ज्यानाः थना तइगु रुप यात चक्क मुलुचा (ह्याय्लकाय्चा) धाइ । अंगं छैय्, छः छैय् व देगल्य् चवय् प्यकुनय् कुं पाः या सिंह यात तुनासि यानाः थना तःगु दु । गनं गनं तुनासि थना तःगु लिइ भिमलः जुकाः नागबिलि कायेकाः चाल्ल म्ये लुइका तःगु नं खने दया चवंगु दु ।

मासैइयाः धयागु आजु अजिमा छः या छगू या मेगु अङ्ग खः । ११ मासैइयाः यात आजु अजिमा छः माने याताः तोलं द्ये चिना तइ । तोलं द्ये चिना तःगु लिइ निखे अजिमा छः त तथाः गजू लुइकाः छत्रं कुइका बाय् गरुड मुखयात छेपं याताः निखे हिति मंगः तथा तइ । गरुड मुख याहा छेपं मेगु प्रकार या सिंह व सिंहिनी खः । छः छः थाय् गरुडमुख यापि सिंह व सिंहिनी यात द्वार पाल याता तःगु दु । छः थाय् प्यकुनये व छः या चवय् पल्लिइ कुं पाः याताः त्वानाः सिं थना तःगु लिइ दृष्ट सिंह गरुड मुख याहा खः । जन बहालय् पिने लुचु अजिमा छः यागु व लाय्कुलिइ नारां छः या देगल्य् चवय् पल्लिइ कुं पाः या सिंह याताः प्येहे त्वानाः सिं थना तःगु दु ।


छेपं धयापि अजु अजिमा छः त खः । १२ छेपं यानाः तः ह्य गर्जे जुया
 च्वेह्यसिया म्हुतुइ धुंया ततः पुगु वा धेवा खने दयेकाः मि ज्वाला पिहाँ
 वया च्वंगु मिमल यात नाग व नागिनी यानाः पिकयाः, धुंया त तः पुगु
 लुसि पिहाँवया मि छ्वया च्वंगु ल्हातं ज्वंकाः निखे स्वकाः ग्यानापुइका तइ ।


न न्यानाः मि पिहाँ वः गु नाग नागिनीया रुप सिंह व सिंहिनी यागु
 खः । उकि गनं छः या मूलुखाया खौपातय् छेपं गर्जे जुयाः मि ज्वाला पिहाँ
 वया च्वंगु यात सिंह व सिंहिनी याना छेपं यात निखे इमिगु ह्लिपं ज्वंका
 तः गु दु । अथेहे छेपं गर्जे जुयाः मि पिहाँ वया च्वंगुया निखे हिति मंगः
 खः । हिति मंगः धयाह्य जीब बाह्य बाह्य जक ह्य पिहाँ वयाः च्वेह्य सिंह
 व सिंहिनी खः । छाय् धायेबलय् छेपं या म्हुतु प्वालं सिंह व सिंहिनी मुखया
 नाग नागिनी या बाह्य बाह्य जक ह्य पिकया तः गु दु । छेपंया म्हुतु प्वालं
 पिहाँ वया च्वेपि नाग नागिनी यात छेपंया निपा ल्हाति ज्वंकाः निखे स्वकाः
 अजिमा छः या निगू रूपं नाग नागिनी व अथेहे छेपंया म्हुतु प्वालब् नाम व
 नागिनी दु छ्वयाः छगु रूप छेपं याना कयना तः गु दु । अजिमा छः धयापि
 बारा तथा तः पि छः त खः । बारा तयेगु धयागु गोप्य याना तयेगु खः । मिसा
 मस्तयत् बाराः तइबलय् मिजे तसैय् खनीधकाः बाराः क्वथा छकुतिइ सुनां
 मखंका तइ । अथेहे छः गालय् अजिमा छः तय् मूर्ति मस्वंसे छः त ह्यमसिकाः
 तः गु खः । अजिमा छः थाय् कुमारी छः, अजु छः यात पुज्याः वः पिसं छः
 ह्यसीके मफयाः छः पालाः याके न्यनाः पुज्याना वनी । नासः छः धकाः अंगः
 या बाला प्वा स्वप्नालय् छः त स्वना तः गु दु । मनूतसैय् छः ह्यसीके मफयाः
 नासः छः यात “नृत्येश्वर” धया च्वंगु दु । नासः छः धयाह्य अजु अजिमा
 छः व अले इमिहे छगू अङ्ग काय् बाय् म्हाय्मागु खः । “नृत्येश्वर” धयागु
 पूजाथ्यः सफूतिइ नासः छः यात धया तः गु थये दु ।

“देवस्य बाम भागे श्री नृत्येश्वर शक्ति देवी पूजा ॥

मध्य भागे नवरसात्मक भैरव पूजां कुर्यात् ॥

दक्ष भागे गणपते, बिघ्न श्वराय नमः ॥४





नासःछःया अंगल्य् सँलुखाया छः खलि धंकाः लुखां दुने छःखने
दयेकाः निखे छपाः छपाः छःइयाः यानाः छःत स्वना तइ ।

यँयाः बल्य् होलचव्य् सवःछःया सवः भकुया प्याखन्य् ह्याउँ ख्वाः
पि निह्य छःत वाउँ ख्वाःह्य सवः छःया अंङ्ग कुह्यः (कुमार) व कुमारी
खः । छःया ह्लापांगु अंङ्गयात मां मेगु अंङ्गात म्हाय् बाय् काय् धायेगु
याना च्वंगु दु । दक्षिणकालिइ गुच्च्य् अजिमा छःयात दक्षिण कालीया मां
धाइ । गुच्च्य् अजिमा छःया थाय् थाहाँ वने थाकुगुलि दक्षिकाली छः
वव्य् सारे यानाः स्वना तःगु धाइ । मनूत दक्षिण काली छःया मां थाय्
वनेगु धकाः वनी । खवप्य् सूर्यबिनायक गनेछःया नं मां धाइह्य छःदु ।
गुँइ तापाक्क छः थाय् वने यानापुयाः सत्तिक छः सारे याना तःगु धाइ ।
दक्षिणकाली छःया ह्लापांगु अंङ्ग गुच्च्य् अजिमा छः व सूर्य बिनायक गने
छःया ह्लापा यागु अंङ्ग तापाक्क गुँइ च्वँह्य छः खः । छःया मां धाइपि छ त
यक्व दु ।

अथेहे अजिमा छःया गाल्य् मेपि छःत तना तःपि व लिपा तने हया
तःपि छःत फुक्क अजिमा छः यात लिथु धकाः तःपि व घाके हयातःपि छःत
खः । छाय् धाःसा सक्वय् ह्याउँख्वाः माजु छःया जात्राय् ह्यासुख्वाः छःया
जात्रा याइ । ह्यासुख्वाः माजु छः लिपा स्थापना याःह्य जूगुलि ह्याउँ ख्वाः
माजु छःया लिथु धया च्वंगु दु । थःगु जात्रा मज्जुगु लिथुया जात्रा जूगुलि
ह्याउँ ख्वाः माजु छःया ख्वाः खिउँ धका मूजात्रा कुन्हु गुं बाहाल्य् ह्याउँ
ख्वाः माजुया छःयके वःपिसं धया च्वनी । न्यतमरु अजिमा छःथाय् अजिमा
छःया जबय् अष्ट मातृका छःयाह्य बाराही व खव्य् इन्द्रायणी छः वह याह्य
दयेकाः लिपा जक घाकूगु खः । अजिमा छःया प्याखन्य् बाराही छःयात
अजिमा छःया लिथु, बाराही व इन्द्रायणी तःकेहे धया च्वंगु दु । उकिं छः
प्याखन्य् अष्ट मातृका धकाः अप्वः घानातःपि फुक्क अजिमा छःयात लिथु
घाका तःपि छःत खः ।

हितिमंगः या तकि तकि लुया ल्यूने चातूगु भ्याराया ततः पुगु न्यकू
 दु । न्ह्याने यागु निपा तुति खने दयेकाः मिखा ततः वदय्क कंकाः कितिया
 स्व थस्वकाः चातूथे यानाः म्हुतु प्वालं लः या धाः हाया च्वंगु याना तइ ।
 हिति मंगः धयागु ल्वहं हिति खः । १२ ल्वहं हिति धकाः थुज्बः ह्य जन्तुया
 म्हुतु ध्वारारा लः हायेका तः गु खः । गनं छः या खोपातय् छेपंया निखे
 ल्वहं हिति तयाः लः हाया च्वंगु याना तः गु दु ।

हिति मंगः धका थस्वकाः थना तः गु ल्वहं हिति त नं थाय् आंसय् खने
 दया च्वंगु दु । थस्वः हिति सीदनीगु नाप स्वाना च्वंगु दु । अज्यागु ल्वहं
 हितिइ लः हाया च्वंगु मरु । सुं मनू उसाय् मदयाः लासाय् ग्वारातुला
 च्वेहसिया हागसय् लः हाया च्वंगु ल्वहं हितिइ यंकाः लः त्वंकूगु ह्यनकि व
 मनू जुइ मखु धकाः सकलें ग्याइ । लः महाः गु ल्वहं हिति लः त्वंकल धकाः
 ह्यन धाः सा ल्वगियाः ल्वय् लाइ, छुं जुइ मखु धाइ । झिनिदेंय् मोहनीया
 चालं कुन्हु पिदनीगु पचली आजु छः व लुमरि अजिमा छः या प्याखें धुंकेत
 सीजा नकीबलय् छः म्वः त फुक्क सीह्य थे जुयाः मचाया वनी । अले छः
 खलः तसंय् क्वबियाः सी बाजें थानाः पचलि आजु छः या प्याखेंनय् जूसा
 मरुइ हयाः मरु सतः या थस्वः हितिइ, लुमरि अजिमा छः या प्याखेंनय् जूसा
 असनय् च्वंगु थस्वः हितिइ हयाः लः त्वंकेंगु भाव यायेव छः म्वः सी दनी ।
 ताच्चिक मतं सीम्बाके फूगु नेवाः संस्कृतिया छः प्याखेंनं कयना च्वंगु दु ।

ल्वहं हिति धयागु नेपाः या मौलिक निर्माण खः । द्वलं द्वः न्ह्याः निसें
 स्वसः व खुइन्हु हे मदिकक छगूहे तालं ध्वारारारा यचुसे ख्वाउँगु, स्वच्छ
 लः हाया च्वंगु अन्तर्राष्ट्रिय छ्यलय् स्वच्छ, शुद्ध शीतल जलपानया व्यवस्था-
 या प्राविधिकज्ञाया विकास मज्जनि बलय् हे नेपालय् जुइ धुंकूगु धयागु खं
 थन या ल्वहं हितिइ यचुगु, स्वच्छ व शुद्ध व शीतल लः हायेकाः मनू तसंय्
 त्वना वया च्वंगुलि सिद्ध याना च्वंगु दु । अथे जूगुलि थन ह्यापाया पिनिगु
 उन्नति व विकास थोपा युगपा बिकासया मूल मार्गदर्शन खः धयागु खं-

यात माने याये माः । भाषानिभाः स्व. प्रेम वाहादुर कसाजं नापा खँल्हा
वल्हा जू बलय् थ्वखं वयकलं धया दीगु खः । १२



बैगः

बैगल्य् दथु अंगः दनी मखु । न्ह्याने व ल्यूने या अंगः छकुत्या
छकुत्या ति थकयाः निखे किलाय्या अंगः भेसेल्इकाः दनाः च्वथ्यंक थाहाँ
वइ अले क्वनिसे थाहाँ वया च्वंगु दथु अंगःया छाने लाकांसि यानाः जुचिछ
तःग्वय्क धलि तइ । अंगःया नस धलि, व लाकांसिया धलित बाः छ्यानाः
स्वाइ । लाकांसि यानाः लाना तःगु धलि या साःप्वाः प्वाल्य् साः साः
दुछ्वयाः बैगःथाँत थनाः बैगल्य् इयाःया ल्याः छेकवःत पिकाइ । चुल्या
क्वय् नं दथु पति या च्वका तक्क छकुहाकःगु (१८ इञ्च हाकःगु) ल्हाःदुहा
मनूया निपा ल्लाः निखे ब्वयेकाः छे छे ल्लातं मेगु ल्लाः तक्क यात छकवः,
छकवःया ल्लातं मेगु ल्लाः तक्क यात निकवः, निकवःया ल्लातं मेगु ल्लाः
तक्कयात स्वकवः व थथेहे प्यकवः न्धाकवः धायेगु खः । छेया हाकः चिहाकः
जुया छे कवः पिकाये ज्यामछि थाय् जुल धाःसा भतिचा चिची कवः जुइ ।

बैगः थाँया म्वः म्वलय् साः कया तःगुलिइ म्येयया प्वाः दुछ्वयाः
तइ । म्येय प्वालं पिहाँ वया च्वंगु बैगःथाँया साः साल्य् साः प्वाः प्वाः
लाकाः थाँय्मा दिकाः निखे किलाय्या अंगलय् जुकाः थः थःगु किलाय् सी
दयेकाः थाँय्मा थनाः छे प्यत जायेकी । थाय्मायात दुकू नं धाः । थाय्मां
धयागु ग्वय्छाःसि यागु थनी । ग्वछाःसि यात सिया जुजु धाइ । ग्वय्छाः

सि या खवला छकूचा गनं थाना चवंगुलिइ ह्यय थिलः धाःसानं थ्यूथाय्
 चासुयाः पवाथः पवाथः वइ । ग्वय्छासि तःसकं छाः, किलं नइ मखु ।
 बैंगल्य् ग्वय्छाः सि यागु चुकू छपु जक सानं ताना तयेमाः धाइ । सिंसि
 यात कुजातया सि धाइगु लि छेरिइ जक तयाः ज्याकाइ, मेयाय् गनं काइ
 मखु ।

बैंगःया निगु दाय्सनं दथुइ दथुइ लाकाः लाकांसिया धलि लानाः
 उकिया साः प्वाः प्वाल्य् लाकाः प्यकू प्यकूति पाकाः बैंगः जुच्छिई जुच्छिई
 बाःथांत थनी । बाःथांया म्वः म्वलय् निखे पासाः कया तइ । निखे पासाः
 या दथुइ दथुइ लाकाः जे चुलु (धलि ग्वः) तयाः निखे किलाय्या अंग
 अंगलय् दिकाः जेकु थनी । आंय्पा पौ झ्यातु जेकु थनाः निखे पाखे पौया
 जैय् जैय् त्येत्रः बियाः पौ जू मवइगु याना तइ । अले क्व क्व थ्यंक न्ह्यागु
 मूसित सिखाःपाः ज्यानाः न्ह्याःने पाखे छगः व ल्युने पाखे छगः यानाः
 जेकु थना तःगुलि अंगः अंगलय् लाका पिने पिकयाः पाखा थना तःगु या
 चलुलय् जुकाः चवय् पाखे थाय्माय् दिकी । छखे मूसिया साः मेखे मूसियागु
 साः प्वाल्य् दुछवयाः क्यंकाः कुछि कुछि पाकाः मूसि इवः इवः ब्वइ ।
 मूसित ब्वयाः थाय्मां मूसि मूसिलय् पौ (वेत) नं हिनाः चिना तइ । अथेहे
 मूसिइ मूसिइ कि प्वाः खनाः न्ह्याःने छगः ल्युने छगः अतः अतः यानाः नापा
 तयाः ब्वयाः चवय् थाय्माय् दिकाः किग्वः कयाः चुकू तानाः कैंचीसाः कयाः
 छखेया मूसिइ मेखे यागु मूसि यात ज्वंकी । थथे थाय्माय् मूसित दिकाः
 निखे भेसें लुइकाः ज्वंका तइगु यात थाय्मा बुइका तःगु धायेगु याः । अले
 जेकु थना तःगु यात व निखेया अंगः या दुने पिने यानाः मूसिइ मूसिइ कि
 प्वाः खनाः किग्वः कयाः ततःपुइक चुकू तानाः पिकयाः मूसिइ ज्वंकी । थथे
 चुकू तानाः मूसिइ अंगलय् व जेकु थना तःगुलिइ ज्वंका तइगु, छखेया मूसिइ
 मेखे यागु मूसि यात सालाः चवय् मूसिसाःप्वाः चहिलाः बाय् स्व ब्यानाः
 वये मफयेक व जेकु धेचुलाः ग्वःतु मवइगु याइ ।

थाय्मां धेचुली धकाः थाय्मायात निखे पाखे भ्यासि या छे पाखे
या म्हुतु सालं जंचुलुया धलिसय् व मेखेया म्हुतु सालं चव्य पाखे थाय्मां
यात वान्धाकाः थाय् थासय् तान (स्वकी) तइ ! पौ इयातुइगुलि किले
मनैगु याउं याउंगु सल्ला व गोबर सल्ला सिया मूसि याना तइ । सल्ला या
सिइ थाकुरा पिहां वया चवनी । मुसिया स्वः स्वलय् म्हुतः साः कया म्हुत
पौया प्वाः प्वाः लाकाः म्हुत पौ कतिक तानातइ । म्हुत पौलय् मिचयाः
बुट्टा (बलं पौया बुट्टा) पिकयाः नाग बिलि कयाः तःगु नं दइ । मनूतय्
शरीर क्वेय् क्वेय्या पंजः धाइगुथे छेय् थो थोगु थांत थनाः व धलि त
व्वयाः किप्वाः खनाः कि ग्वः कया तःगु चुकु ताना ज्वंकाः छे दनी ।

पल्लि चील थाय्मा या दथुइ गाः म्हुइ । थाय्माय् गाः म्हुइत पां
पालाः घाः याये माःगु थिति दुगु जुयाचदन खनी । गालय् स्वांवा लानाः लुं,
वहदां, पञ्चरत्न व अमूल्य अमूल्यगु बस्तु तयाः ग्वय् छाःसि ताना तइ । पां
पालाः घाःयाः थाय् क्वःचिकं नं पाइ । आगंछेय्, छःछेय्, स्यगुं भगवान् छः
व खास्ति भगवान् छःया थेंज्यागु देगः देगलय् नागमणि तयाः दनातइगु
स्यूपिसं घया चवंगु दु ।

आवाः दाजुपि मूसिइ द्यःने चवनाः चेलासि लानाः, खातुक चा
तयाः, ज्वंकाः आय्पां लानाः सुर्खःया भौवाः पिकयाः व चन्द्रमाया भौप्वाः तयाः
पल्लि चिनाः पौया प्यकुंनय् ग्वंगःचा क्वस्वयेकाः कुंपाः थना पल्लि चवय्
जुचिछि थाय्मा पाः (दुकुपाः) थनिइ । ग्वंगःचा धाइगु गहड मुखया सिंहत
खः । “गृह प्रतिष्ठा” घयागु पूजा थ्यासफुतिइ थुमित परि घया तःगु दु ।
पल्लिइ चवय् ग्वंगःचा क्वस्वयेका तल धायेवं छेय् मलः जुइगु भय् महु
धाइ । देगलय् लुं पौ चिना तः थाय् भौवाः या ज्वालाह्वाय्कं व भौ प्वाःया
सिल्लःमू तयाः लुं गजू छानाः कुंकुंनय् कुंपाः (ग्वंगःचा) थनाः उकिइ जंगः-
चा जुकाः वाय् व्वयेका तःगु दइ । ज्वालाह्वाय्कं सिल्लःमू सुर्खः व चन्द्रमा
लुया चवगुया प्रतीक खः । दाता तसंय् छःया देगः दनाः लुं गजू छानाः

सुर्धः पवः व च (चन्द्रमा) लुङ्काः सुधर्ण पताः द्वयेकाः व अथे हे पल्लि
 चवय् सुर्धः व चन्द्रमा लुङ्काः लुं गजू दाना तःगू दइ । छै दै थाय् ग्वाहा-
 लि याः वनेमाः धकाः थःथिति, जःला खःला पासापि वयाः सि, चा व अण्पा
 ल्हायाः बिउ वइ । मे मे बलय् ग्वाहा लि याः वने मफयाः चर्वोपि मनुत
 पल्लिची कुन्हु सां वनी । थुज्वः पित्त देगः दनाः गजू छु वइ पि धायेगु याइ ।
 पल्लि चीगु छन्हुं सिधयेके माः धाङ्गुलि मावव आवाः दाजुपि व ज्यामि
 दाजु पि चवनाः ज्या याइ ।

छपाः इयाः या छैय् बैंगल्य् छपाः इयाः या ल्याखं छेकवः छकवः,
 स्वपाः इयाःया छैय् स्वपा इयाः ल्याखं छेकवः स्वकवः व न्यापा इयाः या
 छैय् न्यापा इयाः या ल्याखं छेकवः न्याकवः पिकाइ । कवः मिले मज्जू छैय्
 किलाय् या अंगल्य् चिपाय्काः तिकिइयाः (किलाय् इयाः) बाय् ग्वाखं
 प्वाः तयाः छेकवः याना तःगु दइ ।

बैंगःया थां थाम्य् कलश स्वां या बुत्ता पिकयाः म्येथ दिकाः तः
 गुया निखे नागबिली कयाः च्वाल्ल म्ये लुङ्काः मिमलः तयाः व म्येथ
 बुत्ता तयाः बैंगः जुछिइ छेकवःत पिकयाः न्ह्यागु छेकवल्य् स्वत धाः
 सानं ध्वाखा थै खङ्ग आकार वयाः चवय् पाखे नि मिखे मलः व कवय् पाखे निखे
 जःखः कलश लाकाः तइ । थथे हे ज्यासः, सतः व फल्चाय् मां थांत थनाः
 म्येथ तयाः निनाः दिकाः स्वकवः न्याकवः यानाः म्येथ बुत्ताया सिंह व
 सिंहनीया म्हुतुं मिज्वालाया म्ये पिकयाः व अथेहे मृग मृगिणी तयाः निखे
 स्वयाः ब्वाना च्वंगु याना तइगु खनी । मांथां त नाग नागिनी यानाः सि
 ख्वाः तयाः थनाः म्येथ व निना या च्वःच्वः पिकयाः तइगुलिइ गख्खु मुख-
 याम्ह सिंह व ब्यात्र मुख यानाः कवः पतिकं चवय् आजु अजिमा छः बाय्
 छैया महाजुत तयातइ । मांथां यात गो मुख व बाघ वाघिनी मुख यानाः
 तयातःगुनं खनेदया च्वंगु दु । छै कवःतय् रूप छगूया मेगु अङ्ग आजु
 अजिमा छः यागु खः । बैंगः जुछिई ध्वाखाथै खङ्ग आकार वयेकाः छेकवः

छःतः ब्वयात गु जुयाः अनयात देगः धाये थे बंगः धाङ्गु खः । छेकवः
 छःयाः बेताः लाकांसि लाना तःगु यात यानाः व सिहवाःपाः यानाः नाग
 नागिनी या मूसित ब्वयाः पल्लि चिनाः बंगः त्वपुया तःगु छे कवःछः आजु
 अजिमायात नाग व नागिनी कुइका तःगु खः । आजु अजिमा छःया गलम्
 (गालम्) खङ्ग आकार वःगु ल्हं पौ तयाः छःत ब्वयाः स्वनाः नाग
 नागिनी कुइका तःगु दइ । नाग नागिनीत ग्याना पुहा च्वाल् म्ये लुइका
 तइगु च्वय् पाखा जुच्छिई चलुल्य् मूर्ति दिकाः इवःलावक सि ख्वाः खने
 दयेकाः सिंह गर्जे जुयाः मि पिहाँ वयाच्वंगुया मि छ्वयाः च्वंगु बुत्ता
 यानाः म्हुतु पौ तानातइ ।

आगं छेय् छः छेय् व देगः देगःया पल्लिइ मूसिया सिंहत गर्जे जुयाः
 मि पिहाँ वया च्वंगुया म्हुतः पौल्य् बलं पौ तानाः व सिंहतय् म्हुतु
 प्वालं मि ज्वाला या म्ये पिहाँ वयाः च्वंगु या मूसि ख्वाः पतिकं फ्यगं चात
 घानाः म्ये पिकया तइ । फसं सनाः न्यानाः च्वनीगु गं जुयाः फ्यगं
 धाःगु खः । वाफ्य् वइबल्य् फसं फ्यगंचात तिनि तिनि न्याना च्वनीगु
 तायेदयाः मलः जुइगु भय् मरु धाइ । थथे छःया खोपातय् सिंह त गर्जेजुयाः
 मि पिहाँ वःगु हिति संगःया म्हुतु प्वालं चिची ग्वः चागु गंचात घानाः मि
 धाः पिकया तइ छः छःथाय् मनू तसंय् ततःग्वःगु गं घानाः छाया तइगु
 लिइ निखे मि मलः जुका तइ । मनूत छः चाःहिताः गं थानाः वनी । गं
 न्याङ्गु मि मलः थें ग्यानापुगु खः । स्वनिगःया लाय्कुलिइ तःग्वः गें थाये
 साःगु थितियाना तःगु दु । येंय् लाय्कुलिइ तःग्वः गेंलय् नेपाली भाषं च्वया
 तःगुया भावार्थ थथे खः-

“श्री इष्ट देवताः या प्रीति नं भूत प्रेत पिशाच
 डाक डाकिनी यात त्रास बिइत दिव्य ध्वनि
 या अष्ट धातुया तःग्वः गं छाना” ३३

उकि न्हछें वनाः पल्लि चीखुन्ह पल्लि ची सिधयेकाः सिकःमि नायः


दैंकःमि नायः व ज्यामि नायः च्वनाः बैंगल्य् छैकवः छः यात पूजा याइ ।
 भ्यारा स्वानाः हि खुयाः गःपःया ला छकू छकू धेनाः छै कवःछः पतिके
 तिकी । सिकःमि नायः नं सिल्लः तिनाः स्वां कयाः ह्याउं कवखा कवखायाः
 फुकक सित सिल्लः तिकाः स्वां बी । बैंगल्य् सुखू लानाः सिकःमि, दैंकःमि
 व ज्यामि दाजुपि फुकक इवः छुनाः भ्दय् नयाः सी काइ । सिकःमि नायः नं
 जवगु मिखा कयाः छसि कथं सी काइ । ज्यामि नायः नं ह्लिपं भाग कायेगु
 याना च्वंगु दु ।

मूलुखां चूमलाकूसे छःया लं त्वःताः स्वाहाने छुनाः मूलुखा व
 लुखाया खापाय् क्वेय् प्वाः खनाः छः दुहाँ पिहाँ जुइगु लं यानाः व गनं दुने
 अंगल्य् छःया लं धकाः बाला प्वाः तइ । स्वाहाने न्ह्य् त्वाःथःया न्ह्य् पौं
 तयाः लाकां सिं लानाः उकिया द्यःने तस्वाः स्वाहाने छुइ । न्ह्य् पौया
 तस्वाः स्वाहाने क्व (दखिन्) स्वयाः थाहाँ वयेगु यानाः छुइ मत्यः, मभि
 ज्याय् जक क्व स्वइ ।

छेय् चखुं वखुं नं बास यायेमाः, तक्षी बास याइ धाइ । छेय् चखुं
 वखुं प्वाः तयेमाः मतल धाःसा चखुं व वखुं या बास दइमखु धकाः चखुं
 प्वाः तयाः व वखुं प्वाः यानाः अंगः अंगल्य् खः प्वाः मत्यूसे चायेका तइ ।


ह्याथाय् स्वःसां फुककसिया वहे शैलीया छेय्त इवः इवः । मनूतय्
 छेय् पल्लिइ भौवाल्य् निभाः खयाः भौ प्वालं तुइक कुं त्याः पिहाँ वइ
 च्वनीगु मुर्छाः व चन्द्रमा लुयाच्वंगुया आभास जुइ ।



भौवाः पिकयाः व भौप्वाः तयाः पल्लि चिनाः पौ पिकयाः तइगु
 निखे पाखे क्वय् फः त्वपू, बा वइ बल्य् अंगः अंगल्य् बा म्हुं मवइगु याइ ।
 पौयालः फः क्वय् धल्य् जुया व चुकया लः धः प्वालं बनीगु यानाः जगय्
 लः दुहाँ मवनीगु याना तइ । मनूत फलं फलं वनाः बा मदायेक जुइ । पौ





- 1 dhali
- 2 bhyavsi
- 3 jien
- 4 mui
- 5 diayma
- 6 bogalubā
- 7 lafasi
- 8 metta
- 9 dā
- 10 bangalukah
- 11 bayalosi
- 12 musabā
- 13 edu
- 14 tunah
- 15 tunatvakah
- 16 pocubā
- 17 ducubā
- 18 kvakbalu
- 19 mubā
- 20 mutagah
- 21 agalitah





- 1 cilaapā - lower tile
- 2 āypā - roof tile
- 3 kvapuapā - ridge tile
- 4 gvāgahcā - ridge or hip starter
- gvāgāhapā
- kūpā
- 5 bhaupā - smoke outlet

- A baigahthā - king post
- B thāymā - ridge beam
- C lākāsi - base plate of the
- D dhali - joist
- E musī - rafter

पिने पिकया तइगु यात पाखा धाइ । मनूत सीबल्य् सिथं यंकेत मूलुखा
 न्ह्याने पाखाकुंथनी । जःला खःला मुंसिनाः सिथं मयंकुतले पाखा स्वा-
 पिनि छैय् मुनां नइमखु, लः तकं हइमखु ।

न्हछै दनाः च्वंवेनेत छैय् बौ बियाः शुद्ध यानाः शान्ति याइ । छै
 दनेबल्य् देशं पिने न्ह्यानेलाः थासं चा पाला हइ । चाय् मशानया क्वंय्
 लानाः वया च्वनी । थथेहे पिने सि व अप्पा ल्ह्यायाः हइ बल्य् पिनेच्वेपि
 मूत, पिशाच, प्रेत नापा वयाः मभि पुनाः वइ । थुज्वः पिसं दुःख बिइ । उकि
 छै दनाः फुक्कं ज्या सिधयेकाः छैय् बौ बियाः भूत प्रेत पिसाचयात पित
 छ्वयाः मभि चीकाः छ्वयेमाः । आचाः जु बाय् गुभाजुं करागु दिं स्वयाः
 चान्ह्य् छैय् बौ बी । जांथुयाः जाया मनू दयेकाः तयाः तन्त्र मन्त्र यानाः भूत
 प्रेत व पिसाच दुपिकाः पुज्याइ । भ्याय् स्यानाः इमित हि त्वंकाः शान्ति
 यानाः चखमुलिइ वौ भ्यगः तयाः क्वबियाः मत प्वाः च्याकाः तयाः छै नें
 पित हयाः तापाक्क यंकाः गनगन तयेमाः गु खः तया थकी । भूत प्रेत पिशाच
 त दुपिना वनीगु जुयाः बौ क्वबियाः वनेगु तःसकं इयातु धाइ । बौ यात
 पित छ्वयाः छै छ्वां ईकाः पःका या कुं थनी । अले छै छ्वां बौ पुयाः
 धूं मुनाः पिने वांछ्वयाः मभि चीकी ।

छैय् भूत पिशाच प्रेत दुहां वये मफेकेत ईकाः पःका आखे प्वः
 चिनाः तन्त्रमन्त्र यानाः पसूकाः हिनाः मूलुखा व लुखाकुसय् तयाः ह्यवखा
 पा, तुफि, ग्वःस्वां तयाः प्याकि ताना ज्वंकी । मूलुखा खलुइ स्वखवः दुगु
 नकि ताइ । छैय् बौ बीगु अप्वः यानाः गथां मुगः कुन्ह लाकी । छैय् बौ
 बीगु तःसकं ग्यानापु । मखु थे जुल धायेबं भूत प्रेत पिशाच तसय् आचाः
 जु, गुभाः जुयात ककूतिनाः इयालं, बाय् स्वाहानय् क्वफानाः हयेयः धाइगुलि
 लालाः पिसं छैय् बौ ब्यूवये मछाः । गथामुगः कुन्ह फुक्कसियां छैय् बौ
 पालय् छाः, लाभा तयाः बौ तयाः तन्त्रमन्त्रं भूत पिशाचतं दुपिकाः छ्वइगु
 लाकू, हिपाय् व सहाय् छायाः बलिपूजा यानाः तिमत च्याकाः बाय्

छवालि प्वा.च्याकाः वैगलं निसें ववथा पतिकं वयनाः भूत प्रेत पिशाच यात
 पुकाः ख्यानाया भावें छेनं पित हयाः छ्वासय् छ्वासय् गथां मुगलय्
 तयेहइ । निभाःद्यः बित कि मनूत मुनाः छ्वालि प्वाः च्याकाः गथामुगः
 यात पुकाः ववःथलाः सालाः देसं पिने तापाक्क यंकाः वाना थकी बाय्
 खुसिइ चुइका छवइ । छेछ्वां ईकाः पःकाया कुंथनाः बें पुयाः धूं मुनाः
 वांछवयाः मभि चीकी ।

मूलुखा फुसय् ग्वःस्वां, तुफि ह्याय्खापा तयाः प्याकिं तानाः
 मूलुखा खलुइ स्वखः दुगु नकिं ताइ । भूत प्रेत पिशाच धयापि मूलुखा
 दथुं दुहां वइ । मूलुखाय् स्वखः दुगु नकिं या निखः न्हःने स्वकाः तानाः
 तलकि भूत प्रेत पिशाच त वइ बलय् स्वखः दुगु नकिलय् तवयनाः छेंय्
 दुहां वयेफइ मखु धयागु मनूतय्के विश्वास दु । १४

मूलुखा ग्याना पुइकाः त तः ग्वय्क मिखा कंकाः ववयाः मूलुखा ववय्
 ह्याउँक सौचां (सियूचां) बें थिलाः चवय् सिन्हः तिकाः द्यः यात पुज्याना
 तइगु मूलुखा संस्कृति व तान्त्रिकतां जायाः अति आकर्षक जू मूलुखा पिनेयात
 पिखा लखु धाइ । लखु धयागु खुसि खः । मनूत मूलुखाय् खओ तयाः
 चवनी । सुनानं पिने मूलुखाय् खापा चायेकल कि ग्वालि खापा जूगुलि
 घुईक सः वई, पिने सुनां खापा चायेकल, सुनां खापा संकल थें धकाः
 व्वाय् स्वःवइ । थ्व मूलुखाया लक्षण खः । छेंय् फुक्कसिगु सुरक्षा जुइ ।
 “धाइ नापां मनूत पिने ग्यानाः छेंय् वइ, छेंय् नं ग्यानाः गन वनी ।”

स्वाहाने छुना तइगु मूलुखा पिनें खने दु । मूलुखां दुहां वने वें
 स्वाहानय् थाहाँ वनेगु यानातइ । चुकय् वनेगु लुखानं दयाचवनी । स्वाहाने
 बालय् ज्वनाः थाहाँ कुहाँ जुइगु कुतुं वनीगु छति भय मर । चुकय् स्वयेगु
 तिकि इयाः व इया त दु । जिकि अप्पां सिया त गु चुक यचुसे पिचुया बांला ।
 लव खिउँ मजू । स्वाहानय् ववचः कंकाः भतपंजः छुनाः स्वाहानय् तःखा

तीगू यानातइ । लवय् लवय् ह्याउँक बँ थिलाःसुचुका तइ । नखः चखलय् सिकय् बुकय् व न्हागु ज्याखँय् छँ छखां ह्याउँक बँ थिली । सुं थाहाँ वःगु व कुहाँ वँगू सः वइगु स्वाहानेया लक्षण खः । छँ हामात पिहाँ वनेत 'सुं वइ स्वाहाने सःवइ न्ये' धया वनी ।

मातनय् तये तिइ यानाः धुकू याना तइ । मनूत पिने चवतय् चवनी । दुनें ववथात तःकुइक पिकयाः अंगः अंगलय् लेवन (चा, सौ व म्व ल्वाक-छ्यानाः न्हाया तइगु) तयाः मसिनचा (मसिनचाय् सौ तया न्हायाः) इलाः पिचुकाः ताकुचां पानाः रङ्ग (सपेताय् महः दायेकाः तयाः रङ्ग तया तःगु) पानाः बाँलाका तइ । ववथाय् सुखुलिइ लारि लायाः लासा चककाः लायाः चकति लंपत लासात लायातइ । सिख्वाःया सन्दू ववयाः तापेचाय् लः जायेकाः दिकाः कलां जायाचवंगु त्वरिवा तयाः तइगु ववथाया शोभा दु । ग्वाखँ प्वालय् च्वाक्क ह्यागुं तयेज्यू । ग्वाखँ प्वाः धयागु खडगया प्रतीक खः । 'छँ दनेगु विधि' धयागु पूजा थ्यासफुतिइ ग्वाखँ प्वाः यात आजु अजिमा छः धयातः गु दु ।^५ छः छः थाय् ग्वाखँ प्वालय् कुमारी छः नासः छः स्वनातइ । बाछ बादन, संगीत व प्याखँ स्यनीबलय् किसलिल लय् नासः छः सालाः आखा छैय् ग्वाखँ प्वालय् स्वनी ।^५ पसल्यातय् ग्वाखँ प्वालय् किकि पायात भिछः पुज्यानातइ ।^{१६}

बाराः तइ बलय् ग्वाखँ प्वालय् कपियाम्ह बाराः ख्याः तयातइ । मिसातय् न्हापां थिइ मत्यः जूगु खनेवँ मिजं तसैय् खनी धकाः काचा काचा ववथाय् र्यकाः तयाः मि निन्हु तक्क बाराः तयातइ । बाराः चवम्हय् सिनं मिजंतय् ख्वाः खनी, पिनें मिजंतसैय् बाराः तह्य खनी धकाः लुखा इयाः तिनाः ववथा दुने खिउँका तइ । थुगु ताकय् मखुगु जुइफू । पशु पन्छितय् रजस्वला जुइगु ताकय् इमिगु दृश्य थुकिइया दृस्तान्त खः । मिजंत बाराः ववथाय् दुहाँ वयाः मखूगु बिघ्न जुइगु भयनं कपि याम्ह बाराः ख्याः यात बाराः ववथाय् छुं बिघ्न मजुइमा धकाः पुज्यानातइ ।

बारा: च्वैम्हय् सिनं ह्यागु नःसां बारा: ख्या: यात निं छायेमा: ।
 बारा: ख्या: धयाह्य बारा: क्वथाया रक्षक ख: । मिजें त बारा: क्वथाय् बल
 धा:सा बारा: ख्या: नं पना: खिउँका: मिखां मखंका: तइ धाइ । लेंपं ख्या:
 नं लं पना च्वै वइगु, वें वें थाय् अंगलय् हाकातइगु, लेंय् जुइ बलय् भकुं
 ग्वारा ख्या: वया: तुतिइ अत: मत: क्यंका: च्वैवइगु मनूतसय् कना च्वंगुडु ।
 मस्तय् बारा: ख्या:या खें कना: ख्याना च्वनी । मनूत बारा: क्वथाय् बारा:
 ख्या दु धका: ग्या: ।

मिस्तय् थिइ मत्य: जुइ बलय् बिघन जुइफुगु कारण प्यन्हु तक्क
 पिहाँ जुइ मज्यू, पित छवइ मखु । मिजें तयत् थिइ धका: लि चिला: जुइ,
 मिजेंतस्य् मिस्तयत् थिइ मखु । थुगु ताखय् मिस्तय् शारीरिक कमजोर
 जुइ, इयातु क्यातु ज्या याये मज्यूगु जुया: थिइ मत्य:ह्याय् सिनं थ्यूगु
 नयेभज्यू ल: त्वने मज्यूगु यान्ना तःगु दु । थिइ मत्य: जूह्यानं थिइ धका छे
 लाक्क च्वना च्वनी ।

छेंय् बस्तु लहिना: तयेमा: मनूयात मभिक: वइगु बस्तु पाखें फाला
 बनी धका: सुकुभ्तु, मैनतुलचा, देंयचा, हाकु मैना, तीतु चाखुरा, बडाई
 थे ज्यापि अंग: पेंछी लहिना: इयालें पिने त्वाना:सिंइ पंज: खाया न्ह्याय्
 पुइक हायेका तइ । मनूत अंग: पेंछीया पंज: ज्वना: जात्राया मनूतय् हुल
 मुलय् हायेके हया च्वनी । गुलिस्थां भ्यारा व ग्वंग: लहिना: बाहालय्
 बाहालय् हया: त्वाकी, गुलि स्थां बताई त्वाकी । अंग: लहीपि मनूतय्
 पंचलय् तुइक कापतं भुना: चिना तइ । स्वखिन मनूतय् पंजलय् सिंखा:
 याना वहया च्चु तया: ज्वना: वनेगु याना तइ ।

दलूचाय् सिख: धाना: सैइयालं पिने चलुलय् खाना: ल्हातं ह्याये
 दयेका तइ । दलू धयागु सुर्छ: याना: प्रकाश फैलय् जुयाच्वंगु याना:
 छचाखिलें सिंथा: बुट्टा पिकथा: निखें मिमल: जुका तइगु कलां जा: ।

निभा: बितकि दलूचाय् मत तथा: च्याका तइ । सँझ्यासं पिने दलूचाय्
मत च्याना च्वनीगु सुर्छ: लुया: प्रकाश फेले जुया: च्वेथे जुया लेंजुवा:
तय्त मत ख: । छ:या जात्रा याना: हइ बन्ध् सँझ्यालें छ:यात कीग: व्हला:
ल्हा: भाग्याना: मत बिया: दलूचाय् तइ ।

बंगल्य् भौ वालं निभा:या ज: कया तइ । भौ वालं फय् दुहाँ वया:
भौध्वालें पिहाँ वनीगु याना तइ । बंग: निद्या या छद्या याना: तइगु
ज्याछिं । चाया नित्वा: भुतु पच्छिम स्व: । भिगु इलय् लाका: अप्पा तथा:
स्वना: पुज्याना: भुतु दनी । भुतु ववस्वयेकी मखु । ह्यन्हुमा जा थुइत जक
ह्यप्पा चाया भुतु वव स्वकी । चाया भुतु थ: स्वका नं दनी मखु । दूव्यंकेत
आति दायेकेत मूलखा ह्य:ने कचि अप्पा स्वपाया भुतु थ: स्वकी । आति
दायेका: खुसिइ ज्वना वना आति कया: स्व:ल्हया: व्यंकी । भुतु दने धुकूगु
थुनिइ मखु । छेंया हामा सित दायेवें जक दूव्यंकि कुन्हु फुकक थुना: छवासय्
वां छवयेके छ्वइ ।

मनूतय् छेंय् बंगल्य् वाकू जा: । नयेत दु:ख मजू । नेपा:या मू
बालि वा ख: । वा पिना: वा लया: दच्छि नयेत वा कू थनी । योमरी पुन्हि
कुन्हु फुकक सिया छेंय् योमरी स्वना: वाकू पुज्याना: योमरि नया: नख:
हनी ।^{१०} योमरि पुह्लि कुन्हु गुथि न्यायेके मा:गु आपालं दु । इलय् ब्यलय्
नख: चख:त हनी । घलय् ल: जायेका तइ । जा नया: जासि केसि सिला:
मपुइका जानयेगु भु सिला: धंका: भूतु इलातइ । मनूत फुकक समान । फुकक
सिया छेंय् चाया भुतु लुंया मखु धाइ । भौबालं पिने स्वये बलय् आगें छें,
छ:छें व देग:त खने दु । देया छचाखेलं हाकुगु च्वापुगु खने दु, खुसित
नाग बिलि कया: ह्ययाना च्वंगु व स्व:स्व: थाय् बुइ हरा भरा या प्राकृतिक
दृश्य खना: मनय् आनन्द, शीतल हावा पानी स्वच्छ वातावरणय् हुकें जुया
च्वेपि नेवा:त नेपा:या मूल आदिवासी ख: । थ:गु जाति हे फुककलीसनं
सुसंपन्न जुया: सभ्यता दुपि ख: । थ:गु धयागु मौलिकताया छगु हे संस्कृति,

छगूहे बाद्यवादन, छगूहे संगीत, दगूहे नृत्य, दगूहे लिपि, छगूहे नेवाः
 भाय् ल्हाइपि, छगूहे लवाइ-खवाइ, छगूहे पहःदुपि नेवाः तय्के सामूहिक
 बिचाः फुकसिगु भि याइपि मखुगु मत्यःगु गूब्लेहे मयाइपि समाज व गुथि
 चिना तइपि नेवाःत छः हे खः । मनूतय् खल्ला बल्ला जुइ बलय् व मनूला
 छः हे खः का धया च्वनी ।

थाय्मापाः

ह्लय् पौ या तस्वागु स्वाहानय् स्वप्न थाहाँ कुहाँ जुइगु यानाः छें
 प्यतं यानाः दनाः भौवाः पिकयाः व भौप्वाः तयाः पल्लि चिनाः थाय्
 मा पाः थना तइगु, न्यात या भाव खः । उकि न्हू छेंय् पल्लि चिनाः अन
 इयाःया ल्याखं छगः बाय् छगूया मेगु अङ्ग यानाः स्वंगः व न्यागः कलश
 थनी । कलशय् दाफवः स्वांमाया कच्चा तयाः चन्द्र सूर्य ध्वजा (धवाय्)
 ब्वयेकाः किसलि यात स्वत तयाः दयेकातःगु ह्याउँ छत्र कुइका व पताः
 ब्वयेका तइ । किसलिलय् जाकि दंकः थनाः ग्वः ग्वय् तयाः अाजु अजिमा
 छःया रूप मि ह्वाना ह्वाना छ्वया च्वंगु दाफवः स्वां माया कच्चा थनाः
 छःया देगः यानाः स्वत दूगु छत्र किसलि यात कुइकाः निखेया ध्वजां चन्द्र
 सूर्य लुइकाः व पताः ब्वयेका तःगुलि छःयात बाछा लाया तःगु खः । पताः
 धयागु लःया छः नागराज खः ।

देगःत स्वत पौ चिनाः प्यत यानाः पल्लिइ च्वय् छगः स्वंगः व
 न्यागः यानाः लुं गजू छाया तःगु दु । छःया गजु धयागु सिह्लःमू याना
 तइ । सिह्लःमुलिइ नि च्याःगु बुट्टा यानाः ह्लय्त्तं तयाः ग्वःचा लुइका
 तइ । सिह्लः मू धयागु कलश खः । लुं गजूलिइ मि ह्वाना ह्वाना छ्वयाः

बिभिन्न रूप पिहां वया चवंगु दापवः स्वां माया कच्चा थे बट्टा पिकयाः स्वत
तयाः सुवर्ण छत्रं कुइकाः सुवर्ण पताः ब्वयेका तइ । छःया गुलि देगल्य
गुलि बाहाः व बहि दुने सतः छेय् पल्लिइ चवय् देगः (सुवर्ण मन्दिर) यानाः
गजू छाया तःगु दु ।

जुजु धयाह्य त्रिलोकया पति छः । “देश बलि बिधि”^५ धयागु
पूजा थ्यासफुतिइ जुजुयात आजु छः धयाः बलि बीगु चवया तःगु दु । जुजु
थःगु दे, थःगु देया भूभाग किट्टिइ क्वय् पाताः (पाताल) व चवय् स्वर्ग
श्व स्वंगू भागया पति छः । श्व स्वंगू भाग यात त्रिलोक धया वया चवंगु
दु । मोहनी सिल्लः फये बलय् “त्रिलोक मोहन”, घकाः साधना याइगु श्वहे
स्वंगू लोक छः । उकि ह्लापा जुजुपि लुं गजू तयाः त्रिलोकया स्वत दूगू
सुवर्ण छत्रं कुइकाः राजकाज यानाः स्वंगू लोकय् भि यानाः चवनी । भि
याइह्य भि^३ छःयात मनूतसयं “छत्रपति महाराजा” धया म्हुतुइ प्यारा
त्यःसुका भागयानाः वनी । छःयात धाःसा जात्रा याइबलय् लुं गजू दूगू
छतया छत्रं जक कुइकाः हइ ।

सिकःमित्य नं पल्लिइ चवय् कलशय् छः पुज्यानाः योमरि त्वहंचा
मरि ह्लाः चतां मरि ब्वयेकी । छेया नायः व नकिं पिने पाखा क्वय् चवनाः
कलशया लः लुइगुलि भवः ल्हुयाः लः फयाः हयाः छे छळां हाः हाः याई ।
भौमचा, ह्यायामचा, मिनामचा व थःथिति खलः पाखें पल्लिइ न्हून्हुगु
पसि ब्वयेकी । पल्लिइ चवय् पसि ब्वयेकल धायेवं भूत पिशाच त पसि
गायेकाः छेय् दुहां वइ मखु धाइ । फुसिल्यः अजिमा छःया प्याखेंनय् आजु
छः जुइह्य मनूहिले माल धायेवं अन गामय् सुनं मिज्याके आजु छः दुपिउँ
वइ । अले वहे मनूयात हयाः आजुछः यायेगु थिति छ्यला वया चवंगु
दु । आजुछः जुयाः नायः जूगु तसताय् दे भवय् न्यायेकाः नके माःगु जुयाः
चवन खनी । आजु छः जुइ ह्यापि मनूतय्के छः दुपिउँ वइ घकाः छेनं पिहां
मवेसे इयाः इयालय् मिस्तय् पसि खायाः चवनी । थथे पसि खाया तलकि

पसि गायिकाः छेयं छः दुहां वइमखु । छः प्याखेंत हइबल्य् छः तय्त पसि
गाइ धकाः सुयां छेय् पसि पाना तःगु दु धकाः छः खलःया मनूत न्ह्यःन्ह्यः
वयाः स्वः वइ । मनूत नं पसि गायिकाः जुइ मखु ।

न्यतमरु अजिमा छःया शिनिदेंया प्याखें पिदने त्यल कि मू छः
जुयाः च्वेपि सुं छह्य् सिके अजिमा छः दुपिनाः अजिमा छः थाय् दुने वयाः
न्ह्यःने थसः पाना च्वनी । अले मनूतसय् अजिमा छःया प्याखें पिदनीन
धकाः सीकी । छेय् पसि ब्वयेकीगु आगं छः, छः छेय् व देगः देगल्य् त्वा
नाः सिइ ममि चि तयाः इवः इवः थनातइ । थये छः छः थाय् ममि चि
तयाः तल धायेवें छःत पिहांवनी मखु धाइ । मनूत पल्लिइ च्वय् गजुलिइ
स्वयाः छः दर्शन याइ ।

छेया क्वनिसें मि ह्वाना ह्वाना छ्वया च्वंगु यानाः छिना तःगु अप्पा
अंगल्य् इवः इवः तयाः मिया ज्वाला पिहां बया च्वंगु यानाः च्वय् पल्लिइ
छांय्पा इवः इवः तयाः भौवाः पिकयाः फौ प्वाः तयाः थाय्मा च्वय् जुचिछइ
मि छ्वयाः दनाः च्वंगु यानाः छिनातःगु थाय्मापाः थना तःगु पो निखे
पाखे भेसें लुयाः बास्तु कलां जाया च्वंगु छेया रूप मि ह्वानाः ह्वानाः छ्वयाः
दना च्वंगु छः । मि छ्वयाः दन धायेवें खड्गया रूप धारण याइ । आगं छे,
छः छे व देगःत थयेहे यानाः दनाः कुं कुन्य् ह्लाकाः (ह्लायात ह्लाकाः मि
छ्वयाः दना च्वंगु यानाः छिना तःगु अप्पा) पिकयाः, भौ वाः व भौ प्वाः
तयाः पल्लि चिनाः थाय्मापाः थनाः मि ह्वाना ह्वाना छ्वया खड्गया
रूप धारण याःगु पल्लिइ च्वय् थाय्मापाः थना तःगु लिइ लुं गजू छायाः
खड्गया रूपय् मि छ्वयाः च्वंगु यानाः तःगु दु ।

पल्लिइ भौवाःयात सुर्छः, भौ प्वाःयात चन्द्रमा यानाः लुइकाः अनं
च्वय् जुचिछइ मि छ्वयाः दनाः च्वंगु थाय्मापाः व कुंपाः थनाः तःगु छे
गपाय् जाः धयागुलि तान्निक्ता दुसुला च्वंगु दु । पल्लिइ च्वय् पाखे छे

(खड्ग) या चवः व क्वय् पाखे प्वः खः । खड्ग धनाः ज्वाला थिना च्वंगु छेत दक्षिण स्वकाः दना तइगु निभाः यत्ताली । खड्गयात आजु अजिमा छःया अभिन्न अङ्ग भाःपियाः पुज्याना च्वंगु दु । आजु अजिमा छःया पौ-बाहालय्, किपाय् व मूर्तिइ मि ह्वाना ह्वाना छ्वयाः दना च्वंगु आजु अजिमा छःया रूप ब्रह्माण्ड खः । थथे जुयाः आजु अजिमा छःया छयैनय् चन्द्र सूर्य बाय् कर्वेचिया ख्वाःपाः लुइकाः मि छ्वयाः दना च्वंगुय् ज्वाय् ज्वाय् किकिपा छुका तःगु यानाः तइगुलिइ वा फय् वइ बलय् नै न्यानाः च्वय् स्वर्गतय् मि प्वालाक्क पिहां वयाः स्वाललल वंगू नाग बिलि काःगु यानाः तइ ।

म्ह्याय् मचायात लक्ष्मी छैयात गृहलक्ष्मी धया च्वनी । म्ह्याय् मचा-यात तःपाः लं फिकाः पुतू चिकाः जाड दुगु सुरुवाः न्ह्याकाः तुतिइ ह्याउँक अलः तयेकाः समा याकाः ज्वाल ज्वालाथीक जरि हिनातःगु ह्याउँगु सचिका तयाः निपु सरबत हिनाः ह्याउँक सिह्लः तिकाः बां लाकाः तइ । लंपातय् निखेलं च्वय् व सुरुवाःया निखे म्वःताय् तुइक सन्जाप तयाः लनय् पुतु घाना तइगु व निपु सरबत हिना तइगु यात नाग नागिनी धाड । थथे धाय् बलय् म्ह्याय् मचायात निखे लंच्वःया सन्जाप नाग नागिनी निपा ह्लातय् चुरि न्ह्याकाः सुरुवाःया निखे म्वःताया सन्जापया नाग नागिनी तुतिइ कल्लि न्ह्याकाः लंपाया गःतालय् सन्जापया नाग नागिनी गपतय् वदखायेकाः पुतू गथः चिना तःगु नाग नागिनीया ख्वाः यानाः व अले समायाकाः सरबत हिना तःगु नाग नागिनी कुइका छयैनय् तिसा तीका तःगु खः ।

म्ह्याय् मचा पय्नं बिइ बलय् पालि बापा बापा ह्याउँक अलः पावाः, समायाकाः, ह्याउँ सचिका तयाः निपु सरबत हिनाः लुं सिह्लः तिकाः बांलाकी । अले मि ज्वाला ज्वाला थीगु तासया लं फिकाः, तासया हे जाया पुंकाः प्याखे अंगू हिना अंगू, नाग नागिनीया सि ख्वाःया कल्लि मि ख्वाःया लुं चुरि न्ह्याकाः, नाग नागिनीया लुं सिखः माः वदखायेकाः

मिच्याः बुत्ताया तीकमा व नाग नागिनीं कुडकातः गु तायः स्वखायेकी ।
 छ्येनय् मिच्याः बुट्टा (वलं पौ बुट्टा) यानाः सुर्द्यः पवः तथाः चेलुइकाः
 शिरबन्दि तयेकाः व नाग नागिनीया निपाः न्यापु सिखः निखे छुकी बाय्
 मि ज्वाला ज्वाला थिना च्वंगु यानाः लुंस्वाँ छुकाः सतफलि
 घाकाः बाँलाकी ।

अले पयतुकाः आगं छः, आगं छः या अङ्ग देगु छः, सुर्द्यः, चन्द्रमा व
 मानेयानातः पि इष्ट देवता यानाः ग्वय् भाग तयेकी । म्हाय् मचायात
 सिह्लः, धौ जाकि सिह्लः तिकाः जरि भरे यानातः गु सगुणया गुणकेरा स्वां
 ज्वाला ज्वाला थीक छुकी । फुक्कसित ताय् अबिर व स्वां बियाः म्हाय्
 मचायात फुज्याकाः ग्वय् कायेकी । बाः जुह्याय् सिनं नाग नागिनी यानाः
 दयेकातः गु तुति बग्गी न्हाकी । सवज्जे नकाः कलंबव छव्वतयाः पुज्याकाः
 इता छ प्वाँय् च्याकाः तयेकाः छ्वासय् कलं वाके छवइ । बौम्हासिनं
 ज्वाला न्हाय्कं व मां म्हासिनं सिह्लः मू बियाः ह्लाग्वय् (पुत ग्वय्) काइ ।
 म्हाय् मचायात ज्वाला ह्लाय्कं व सिह्लः मू बीगु धयागु सुर्द्यः व चन्द्रमा
 लुइकीगु खः । श्वहे रूपय् म्हाय् मचातय् बाराः पिकयाः छपा ह्लातय्
 ज्वालाह्लाय्कं मेगु ह्लातय् सिह्लः मु ज्वंकाः सुर्द्यः व चन्द्रमा लुइकाः
 स्थानया छः थाय् यंकाः पुज्याकाः भाग्याके यंकी । पाजुं थः भिना मचायात
 लुकुं छिनाः लुखा पिने हयाः दुलिइतइ । तुति क्वय् बाता छगलय् कलश
 तयाः गृह लक्ष्मीया रूप धारण याकाः म्हाय् मचायात पयनं बीगु नेवाः
 संस्कृति खः ।

बाः जुह्यां लागायाह्य छः या न्हाः ने मनूतय् दथुइ च्वनाः बाचाह्लाानाः
 बौम्हासित धाइ “थनि निसे निखा छेंया छछा जुल, छि छुं धन्दा कयादीम्वा,
 छिह्य म्हाय् भौ मचा मखु, जिमि छेंया गृहलक्ष्मी खः सन्तान वृद्धि जुयाः
 कुल थामेयाइ” धकाः बिनित भाव याइ । त्वाजं पिसं स्वार्थलि पुइकाः
 द्व क्वबिकाः निखे जःखः साम दान च्याकाः द्वारपाल यानाः तथाः चिलाख

च्याकाः क्वसः ल्यू ल्यू यंकाः मनूत लं स्वयाः वनी । मूलुखा न्ह्याने बॅथिलाः
 सुखूचा लानाः निखे जःखः यानाः त्वारिबाय घ्यो मत च्याकाः तयाः व
 कलशयात द्वार पाल यानाः थनातइ । भौचायात दुलि क्व कयाः थनी ।
 थुकिया रूप यानाः मूलुखा फुसय् आजु अजिमा व इम्हि छगुया भेगु अङ्ग
 स्वह्य व न्याह्य छत च्वकाः, सूर्यः व चन्द्रमा लुया च्वंगुया निखे
 त तःग्वय्ः निगः मिखा कंका मि ज्वालाया सिमा कच्चा यानाः क्वय् पाखे
 निखे कलश थनाः द्वारपाल यानाः च्वकातइ ।

कर्जिनिम्ह कुतलय् पूजा तयाः सुकुन्दा च्याकाः ज्वनावइ । भौ
 मचिया ह्लातय् लः हायेकाः बियाः सिह्लः, धौ जाकि सिह्लः वाला तिकी ।
 पूजा यानाः निखे जःखः मतय् व कलशय् पूज्याइ । भौ मचित स्वकः सिफलं
 लुयाः स्वकः ईकाः पःका सलिखय् मिइ कुंथना बलि पिइकाः निखे पाखे
 ह्लाः पालुकुचा बियाः नतुंकी । मां ताःचा ज्वकाः नागया बासा लायाः
 दुचायेकीगुया लं दुछिइ लः हाय्काः यंकी । नाग धयाह्य लःया छः खः ।
 बंगलय् थतयंका तयाः काय्मचायात नापां पयतुइकी । मिजं पाखेया आगं
 छः, देगु छः, सूर्यः, चन्द्रमा व मे मेपि माने यानाः तइपि इष्ट देवता स्वेष्ट
 देवता तय्त ग्वय् भाग तयेका फुकि बाकि फुकसित ग्वय् बिइकाः स्वाकी ।
 न्ह्या भौमचायात ग्वय् मस्वाकूतले मिजं पाखेया दाजु किजा फुकि बाकि
 पिसं छुकिसनं स्वाकी मखु । इष्टदेवता धाईपि लिपा माने यापि छत खः ।

ह्लाकाः कलाःभातः निह्यं छह्य जुइगुया सहभोजन याकेत थाय्मू
 न्ह्या च्याकी । थाय्भुइ ज्योना लप्ते लायाः क्व धासा क्वयाः क्वय् ज्वलं
 सकतां तयाः भरिता, सिसाफुसा ग्वाः मोसिप्वः लाभो, लाग्वः श्रो, ख्ये,
 न्या, ला, अयलाः नापां थ्वे प्यताः तयाः धौ व दुरुया सलि'तइ । थाय् भुइ
 चय्प्यता धासा तये माः धाइ । काय् मचायात थाय्भुइ क्वंगु ख्ये सगं ज्वलं
 कायेकाः भौ मचायात नापां निह्याय्सित वान्याकाः नकिइ । ख्येसगं
 कायेकीगु तान्त्रिक मतं जीबबलि भोग खः । पचली आजु छः व लुंमरी

अजिमा छःया प्याखँ पिदनेत पूजा यानाः छःतय्त जीब बलि भोग बीगुया पात्रखवला त्वंकी ! तान्त्रिक मतं पात्र खवलाय् छ्ये सगं ज्वलं चवनी । न्यतमरु अजिमा छःया प्याखँ पिदनी बलय् छः तय्त पात्र खवला त्वंकीगुया भ्याय्चा स्यानाः हि त्वंकी । जुजु रणवहादुर शाहजुं लाय्कूयाह्य हाथु छःया लुंया ख्वाःपाः छछाता तःगु सम्बन्धय् सुन्दरानन्द बज्राचार्यया “त्रित्तन सौन्दर्यगाथा” सफुतिइ हाथु छःयात थथे धयात गु दु “श्री रणवहादुर शाहबाट राखनु भै भन्नु भया इन्द्र जात्राको शोभा बढाउना निमित्त मत्स्य मांस मदिरा मुद्रा मैथुन मकार पंचका आलो रगत धान्या भयंकर पनि न हुन्या सौम्य रूप पनि न हुन्या एस्ता मध्यम रूपका सुवर्णका शरभमुख नामा भैरवका निर्माण गर्दा भया”^३

जीबभोग बीगु जीबया त्रितत्व भोग बीगु छः । जीबया त्रितत्व धयागु “रक्त तत्व” “जीव तत्व” व मांस तत्व छः । छःयात जीब बलि भोग बिइबलय् जीबया गःकियाः हि पिकियाः स्वांहि त्वंकी । अले गःपः त्वाह्लानाः सास छ्वया बिइ, अनं गःपःया ला धेनाः छःयात छाइ । थुकिया अभिप्राय त्रितत्व भोग बीगु छः । छ्ये सगं कायेबलय् बलि रूप छ्ये सगंया “त्रितत्व” कायेगुया स्वकः वान्याना नयेगु याना चवंगु दु । ह्लापां वान्याना नयेगु जीबया प्रतीक छ्ये सगंया गःकियाः “रक्त तत्व” कायेगु छः । निकः खुसि वान्याना नयेगु “जीब तत्व” कायेगु छः । स्वकः खुसि वान्याना नयेगु “मांस तत्व” बली भोग कायेगु छः । छःयात जीब बलि भोग बिइबलय् नं जीवया “त्रितत्व” भोग बिया चवंगु दु । छाय् धाःसा ह्लापा जीबया गःकियाः हि पिकिया छःयात स्वां हि म्हुकी, अले हाकनं गःकियाः त्वाह्लानाः सास छ्वयाबिइ, अनलि गःपःया ला धेनाः छःयात छाइ । थुकिया अर्थ “त्रितत्व” भोग व्यूगु छः । ह्लापां गःकियाः स्वाः हि म्हुकूगु जीवया “रक्त तत्व” बलि भोग व्यूगु छः, हानं गःकियाः गःपः त्वाह्लानाः सासः छ्वःगु जीवया “जीव तत्व” बलि भोग व्यूगु छः, अनलि ला धेनाः छाःगु जीवया “मांस तत्व” बलि व्यूगु छः ।

न्हू भौमचा दुचायेका: ह्वंकी बल्य् काय् मचां थाय्भुइ च्वंगु छ्ये
 सगं ज्वलं कया: नइगु छ: प्याखेंनय् छ: तय्सं प्व:स: काइगुया रूप छ: ।
 ह्वांपा काय् मचां छ्ये सगं वान्या: गु: छ: प्याखेंनय् आजु छ:नं फं बाय्
 दुगुया ग: किइगु छ: । अर्नलि भौ मचाया ह्वातय् तया: बिया: वान्याका:
 नके व्यूगु आजुछ:नं अजिमा छ:यात हि त्वंके व्यूगु छ: । अले हानं काय्
 मचाया ह्वातय् ल: ह्वाके बिया: छ्ये सगं वान्याका: नके विइ बल्य् अजिमा
 छ:नं हि त्वने धुंका आजुछ:यात हि त्वंके व्यूयें जुइ । मनूतय् वा स्याचुपिया
 रूप छ: । छ्ये सगं वान्यायेगु स्याचुपि कीगु छ: । आजु अजिमा छ:या
 म्हुतुं ग्यानापुसे च्वंक धंवा पिहां वयाच्वंगु रूप स्याचुपि छ: । आजु अजिमा
 छ:तसंय् छ: प्याखेंनय् प्व:स: काइ बल्य् खा हेंय् जूसां वां हें न्याना
 हि त्वनी । दुगु, फं, व म्येय् प्व:स: काइबल्य् धंवा रूप स्याचुपि ग: किया:
 हि त्वनी । उकि छ्येसगं कायेबल्य् सयक: वान्याना: नयेमा:, मनयेगुया
 अर्थ मरु । छ्येसगं काय्के धुंका: निह्मय्सितं थाय्भू नकी । थाय्भू
 तत:जिगु ज्याखेंय् नकी । अले आचा:जु जोशी व गुरु पुरेतपिसं छप्वा:
 म्हुतुं आगं छ:, देगुछ:या ना कया: शिल: व्वना: सन्तान वृद्धि जुया: कुल
 थामय् जुइमा: धका: सुवा: बिया: ताय् जाकि स्वां अबीर ह्वला: फुकक
 सिनं पुज्याकी ।

म्हाय्मचा पित बिया: प्यन्हु कुन्हु छ्वा: स्व: वना: न्हूहा जिलाजं
 दुचायेकी । न्हूहा जिलाजं ह्वापां दुहां वइहा जुया: सुकुन्दा च्याका: लेंय् मतं
 कयना: व्वना हया: पिखा लखू पिने तया: बलि पिइका: छेंय् दुचायेकी ।
 सस: खल: पाखेया आगंछ: देगुछ: सूर्य: चन्द्रवा व माने याना: त:पि
 इष्ट देवता तय्त गव्य भाग तयेका: थ:थिति फुककसित गव्य बिइका: सस:
 खलखय् स्वाकी । गूहलक्ष्मी छेंय् बास याना: छयें क्वछुना: शिर शोभा
 बाँलाका: जुइगु नेवा: तय् छें चिचीजा याना: छयें क्वछुइमा:गु याना: तइ ।
 मनूतय् धलिमय् छयें हात धायेवें थस्वया: जुइमा:, छयें क्वछुना:
 जु: धाइ ।

यथे जुया छे दनी बल्य् जगय् कलश तयाः गृहलक्ष्मीया रूप याइ,
 मि ज्वाला ज्वाला थिना च्वंगु यानाः छिनातः गु दे चि अप्पा अंगल्य् इवः
 इवः यानाः वास्तु कलां जायेकीगू छैयात तासया वसतं पुंकाः सिंह व सिंहिनीं
 बुट्टाया काष्ठकलां जायेकीगू ह्य ह्य तिसा तीकाः बां लाका तः गु ख ।
 चवय् निखे पाखे पाखा पिकयाः पाखा जुचिछइं मि च्याः बुट्टा (बल पौ)
 या म्हुतः पौ ताना तः गु लि छयैनय् शिरबन्दिद्या बाला यानाः अले मूसित
 निखे भेसे लुइकाः आंय्पा इवः इवः लायाः मूसिया सि खवाः पाचात खने
 दयेकाः तः गुलि निखेया न्यापु सिखः या नाग नागिनी यानाः व पल्लि चिइ
 कुन्हु पल्लि चिनाः कलश थनाः पताः ब्वयेकीगू शिरबन्दिद्या चंबालाया
 अर्थ भाव खः । आगं छेय्, छः छेय् व देगः देगल्य् लुं पौ चिनाः पौ जुचिछइ
 लुं या बलें पौ तानाः पल्लिइ द्येने मूसिया इवः इवः भू भू थकया नाग
 नागिनी यानाः सि खवाः पाचात तयाः लुं गजू छानाः लुं या पताः ब्वयेका
 तः गु छः या छयैनय् चंबाला लुइकाः शिरबन्दि तयकाः न्यापु सिखः या
 तिसा तीका तः गु खः । मूलुखा क्वय् ह्याउंक बंथिलाः तुतिइ अलः पाकाः गु
 व मूलुखा फुसय् ह्याउंक सिह्लः तिकाः पुज्यानाः तइ ।

छ्याः, कवें, बेताः, व बय् लुइम्हासित छैया भुज्या धाइ । आजु
 अजिमा छः थाय् थुमित छः या गण यानातइ । छ्याः नं स्मे लुयाः न्ह्यः ने
 इवातां दना च्वेवइ, द्येना च्वेपिन्त कुचु कुचु नकः वयेयः, बैंगल्य् त्याइप्रा
 त्याइप्रा गुला सनाचवनी, स्वाहानय् सः वयेकाः थाहाँ कुहाँ जुइ, निभा छः
 बितकि पल्लिइ चवय् च्वनाः छयें छगः जक खने दयेकाः चागः चा तुरु तुरु
 कयेकाः छ्याः यानाः च्वेवइ धाइ । कवें धयाह्य छे क्वं जुइ, छे क्वय्
 वयाः हाः वइ, द्येना च्वे पिनिगु तुति साः वयेयः । बेताः धयाह्य सुं वः थे
 लापाक्क लापाक्क ग्याक्क जुइ, गुब्ले गुब्ले जुइ बल्य् ध्वदुल धायेवें सुनां
 दाः सुनां दाः जुइक न्यतालय् च्वाराक्क धायेक दायाः थकी धाइ । छेय्
 सिखः पयाँचा मखंपि सुं दइमखु । इलय् व्यलय् सिखः पयाँचा पिहाँ वया
 च्वनी । मनूत सिखः पयाँचा खनाः ग्याः । सिखः पयाँचा खनाः ग्याये

स्वाः, छेया भुज्याः खः, छु याइमखु, धुपाय् छु कयाः च्याकाः बिलकि
वया माः थाय् वनी धकाः सिउँपिसं धया चवनी । थाहाँ कुहाँ जुइ बल्य्
छेया भुज्या ध्वधुयाः स्वाहानय् छु ध्वारारारा धायेक कुतुं वनेयः, बिनाबी
धयाः जुइमाः, लं चिला बिइ धाइ । स्वाहानय् कुतुं वं सानं छूनं जुइ मखु,
स्याः थाय् व्व व्व स्यानाः बिल, गनं छयंगु च्वतुसाः इनं पानाः व्व व्व
स्यानाः बिल धायेवँ याउँया वँ । छः ध्वधुल कि छुं स्वायेकं ह्वय् वयाः
मफुथे जुइ । कयंवँथाय् 'छः ध्वधुल, छः नापलात जाकि कयाः पिइकाः
पल्लिइ ह्वला ब्यू' धकाः जोशीं धयाहइ ।

छेय् मनूत म च्वँसे खालि, तइमखु । मनूत च्वँ मन्त धायेवँ छेय्
याकन श्वाथः जूयाः दुना वनी । मनूत छेय् च्वनाः सुचुकुचु यानाः स्यँ थाय्
भिकाः च्वनी । ह्लि ह्लि छेयात छः पुज्यानाः बःह्लि मतं बिइ मा । छःयात
पुमज्यानाः मत मबिल धाःसा छेया लछिण वनी, छेया भुज्यातनं तना वनी ।

गृह लक्ष्मी

छेया स्वरूप मि ह्वाना ह्वाना छ्वयाः खड्ग धारण यानाः च्वंगु लिइ
मूलुखा, लुखा श्याः छुना तःगु व देगल्य् सँलुखा व छः श्याः त छुनाः तःगु,
अजु अजिभा छःया मूर्तिइ मि ह्वाना ह्वाना छ्वयाः दना च्वंगु छःया रूप
खः । छः गाल्य् त्वहं पौलय् व अंगलय् बाला प्वाःयात खड्ग यानाः छ त
स्वना तःगु दु । अथे हे छःया देगः दनाः छःया मूलुखा व लुखाय् खौपाः
तयाः लुं गजू छानाः सिंह ध्वजा, चन्द्र सूर्य ध्वजा, तयाः बाय् छःयात
छुन छुं छायाः त्वबं पौलय् दातातय् मूर्ति तयाः नां कयाः छः छः थाय्
कीर्ति तया तःगु दु ।

छेय् मूलुखा छदुवाः छुनाः छपाः इयाः यानाः बैंगल्य् छे कवः
 पिकयाः प्यत जायेकाः पल्लि चिनाः तःगु छेया रूप छ्ये छगः छगः यानाः
 प्यत चिनाः गजू लुइकाः तःह्य अजिमा छःया मूलुखा छदुवाः छुनाः वया
 निखे छपाः छपाः यानाः निपाः तिक्किइयाः तयाः स्वदुवाः याना स्वपाः
 इयाः छुनाः बैंगल्य् छे कवः स्वकवः पिकयाः प्यत जायेकाः पल्लि चिनाः
 तःगु छेया रूप छ्ये स्वंगः स्वंगः यानाः प्यत चिनाः गजू लुइकाः तःह्य
 अजिमा छःया व मूलुखा छदुवाः छुनाः निखे छपाः छपाः तिक्कि इयाः तयाः
 व अले मेगु छदुवाः छदुवाः निदुवाः लुखा तयाः न्यादुवाः यानाः न्यापाः
 न्यापाः इयाः बैंगल्य् छेकवः न्याकवः पिकयाः प्यत जायेकाः पल्लि चिनाः
 तःगु छेया रूप छ्ये न्यागः न्यागः यानाः प्यत चिना गजू लुइका तःह्य
 अजिमा छःया रूप खः । थुज्वःपि अजिमा छ यात आगं छः, मां लक्ष्मी
 अजिमा छः व गृह लक्ष्मी धाइ ।

आगं छः धाइपि थःथः कुलया छः खः । उकिं नेवाःतय् कुल छेया
 महत्त्व तयाः मिज्जे छःयात आजु व मिसा छःयात अजिमा धया चवनी ।
 फुकक सिया थःथः आगं छे दु । आगं छे धयागु आगं खलःतय् लागि दना
 तःगु कुलया सतः खः । आगं छेय् आगं छःया जीबित रूप मिसा मचा छःया
 नां तइ । छःया नां तःह्य मिसा मचाइत छःमे धया च्वंगु दु । जुजुपिनि आगं
 छःतः जुमाज् छः खः । जुजु पिनि अभिलेखय् तःजु माजु छःयात इष्टदेवता
 स्वेष्ट देवता धयातःगु दु । लाय्कू याह्य छः मेयात छः मयजु गुलिस्यां
 कुमारी धया चदन । संस्कृत भाषं मिसा मचाइत कुमारी धाइगुलि थन
 छः मेयात कुमारी धा गु खः । छः मेयात छेया रूप यानाः ह्याउंगु जामा व
 पुतूलं फिकाः तइ । सि खवाःया कल्लि न्ह्याकाः, पालि बापा बापा ह्याउंक
 अलः पाकाः समाः याकाः थसपः चिनाः कपाः छगलं ह्याउंक सिह्लः पाकाः
 मिखाय् अजः उइकाः खज्ग चवःया बाला मिखा थस्वकाः तिकाः बांलाका
 तइ । छः मेयात थसपः हिना तइगु गजूया रूप खः । आगं खलःत आगं
 छेय् वयाः आगं छःया पूजा यानाः छः मेया पूजा याइ ।

बुद्धि व भिगु ह्यागु ज्याख्यं पूजा जुइबल्य सुया पूजा जुइगु खः
वइत पयतुकाः सुकुन्दाय मत् च्याकाः तइ । छे धना च्वंगु खड्गया प्रतीक्य
पाःचा लप्ते छपाः च्वय् स्वकाः बॅय् लाई । भिगुज्याय् पूर्व बाय् पश्चिम
स्वयेमाः । पूर्व बाय् पश्चिम स्वकाः पयतुइकाः वया न्ह्याने पाःचा लप्ते
लायेबल्य च्वय् स्वकेगु जुइ । पूर्व स्वकाः पयतुइकल धाःसा लपतेयात खवय्,
पश्चिम स्वकाः पयतुकल धाःसा जवय् स्वकेमाः । छाय्धाःसा उत्तर पाखे
च्वय् व दक्षिण पाखे क्वय् खः । छने बल्य नं छ्ये च्वय् तुति क्वय् लाके
मत्यः, छयाकं त्यः वड कवंचा वयाः तुति साःवड धया च्वनी । छयाकं तुति
ज्वनाः सालाः छ्ये क्वय् तुति च्वय् याना थकल, छयाकं त्यः वल धाइपि
मनूत दु । अथेहे धलि लायाः (धलि फाङ्गा यानाः) छने मत्यःनं धायेगु
याः । थ्ये धाइगु द्यंगू व द्यनेगु मिले मजू धागु खः ।

अनंलि कुतः थिइकाः भाग्याकी । कुतलय् चन्द्र सूर्यया धीपति बाय्
धौग्वः तथा लुइका भाग्याकी । अले पूजा मसीधयेकं कुतः बॅय्
तइमखु । सुकुन्दाय् व पाःचालप्तेय् नी लखं लुयाः सुकुन्दाय् सिह्लः तिकाः
पाःचा लप्तेय् छपताः स्वपताः बाय् न्यापताः सिह्ल तिकाः आगंछःया पूजा
याइ । अले पूजा याःह्यसित सिह्लः धीजाकि सिह्लः तिकाः छ्यन्य स्वां
छुकी । धुपाय् व इताः च्याकाः क्यनाः छ.थाय् तइ । धौ जाकि सिह्लः व
स्वां बियाः सुकुन्दाय् आगंछः व देगुछः पूज्याकाः गृहलक्ष्मी धयाः धलिमय्
छेयात पूज्याकी । छःया पूजा जुइबल्य जीबबलि भोग बी, मनूया पूजा
जुइ बल्य जीवबलि भोगया प्रतीक छ्ये सगं बी । छ्ये सगं बिइत छ्ये बाता
व अन्ति ज्वनाः नापा तथाः ह्लातं थिइकाः भाग्याकाः ओ, न्या, ला, छ्ये
छकु छकु कया अन्तिइ क्वफानाः अय्लाख्य आत्मबिम्ब रूपया खवाः
स्वकी । छ्ये बाता मेह्यसित ज्वंकाः छ्ये, न्या, ला, व ओ छकु छकु कयाः
अय्लाख्य थुनाः छःतय् छाइ । छ्ये सगं बियाः छ्ये बाता भाग्याका वय्
तइ । सगं बिइ मसिधयेकं छ्येबाता बॅय् तइ मखु । मेमेपि फुक्कसित नं

धौजाकि सिद्धः तिकाः छेयें सगं बी । थुकिया रूप्य् छःथाय् जीवबलि भोग
बिइत बाहांथात मू हायेकी, अले ह्यय् तथाः घये मुइ लिउने निपाः तुति
मेहायसित ज्वंकाः गःकिइ, हि म्हुकाः लाछकू धेनाः छःथाय् छाइ अले
दक्वले लिपा सीकाः भू याइ ।

मनूतय् 'देखा कयाः गुरु' ब्युगु ध्यान व मुद्राया बिभिन्न रूप दुपि
छःया मूर्ति दयेकाः आगंछः धकाः आगं छेय् स्थापना याताः तइ । मूर्ति
धयागु ला छःया आवरण जक खः । छःतय् ह्लातय् पात्र खवला फयेकाः
मुद्रा ज्याका तइ । आजु अजिमा छःया मूलुखाय् व इयाः इयालय् चवय्
खौपातय् देवी पुराणय् उल्लेख जुया च्वंहा महिष मदिनी (महिषासुर
स्याना च्वंहा सिंचापा ह्लाः दुह्य भगवती) यात त्यंगः गने छःया
मूलुखा चवय् खौपातय् शिवपुराणयाह्य महाछःयात, ग्वलय् जयबागीश्वरी
छःयात व थयेहे छः छःतय् ह्लातय् पात्र खवला फयेकाः मुद्रा ज्याकातःगु
खनी । जय बागीश्वरी धयाह्य आखः सयेकीह्य अजिमा छः खः । मस्तय्त
आखः स्यनेत 'नमो बागीश्वराय' धकाः ग्वरलय् चवयाः बागीश्वरी छः
धकाः अजिमा छःयात नमस्कार धायेकाः ब्वंकाः आखःग्वः ह्यसीकाः मेमेगु
आखःग्वः हासीके बी । नेवाःतय् तान्त्रिक मतं पात्र खवलाय् पंच मकार
चवनी ।

जीव पंचतत्त्वया प्राणी खः । पृथ्वी, जल, वायु, आकाश व तेज श्व
स्यातायात पंचतत्त्व धाइगु खः । पंचतत्त्वया तःधंगु रूप पंचमहाभूत खः ।
जीव जीवित जुइत श्वहे पंचतत्त्व माः छःयात जीवित यायेतनं पंचतत्त्व माः ।
छः प्याखेंनय् छःस्वःतय्के आजु अजिमा छः दुपिकी । छःत दुपिउं वयाः
जिगिजिगि खाइ । छःत प्याखें हुइ, पूजा फयाः प्वःसः काइ । बृंगछःया
वंशाबलिइ यक्षराजया काय्या प्रतीकात्मक जीवित रूप भंबः यात कलशय्
तया हयाः बृंगछः स्थापना याःगु चवयातःगु दु । तान्त्रिक बिधिया पूजा
जुइबलय् पंचतत्त्वया प्रतीक सहाय् ज्वलंया स्याबजि (बजिनापं), हाहुमुस्या,

पालु, संन्या (छ्वय्ला) व अय्ला: (अय्ला:या अङ्गु थ्वे) न्याता बाय् छ्ये
सगं ज्वलंया माय्ओ, छ्ये, छ्वय्ला, कुंन्या (जवं चा:तुइका तह्य), व
अय्ला: बाय् (थ्वे) न्यातायात कया: थुक्किया प्रतीकात्मक थापंयाना: छ:
यात थुण्णिहे तया: पंचमकार पूजा याना वइछ्वंगु दु ।

मनूत सह्यय् तया: छ: छ:थाय् पूजा याइ । गुथि न्यायेका: छ: छ:
थाय् व देपूजा न्यायेका: छ्य: छ्वल्य् वया: पंचतत्त्वया पंचमकारया थापि,
अन्ति, व कुलिचा बाय् धाला स्वना: छ:या पूजा याना च्वनीगु खना च्वंगु
खं ख: । मनूत गुईमाजु (गुइश्वरी माजु) छ:या गालय् छ्येसगं क्वफाना:
छ: पूजा याइ ।

वंचलय् आजुछ:या त्यप, पचली आजु छ:या क्वं व छ:तय् जात्रा,
व्वया तइपि हाथु छ:या त्यप व क्वंचाय् पंच मकारया अय्ला: थ्वे थना:
छ:यात पूज्याना तइ । वंचलय् आजुछ:यात आकाश भैरब, हाथु छ: त्यप
व क्वं चित् स्वच्छन्द भैरब धाइपि मनूत दु । आजु छ:या त्यप हाथु छ:या
त्यप व क्वंचात प्दने मज्यू । गुइ माजु छ:या गा:सुत धायेवें मछु थे जुइ ।
छगू थ्यासफूतिइ च्वयात गु थथे दु-

“सं ८२८ जेष्ठ शुल्कः ॥ बको देस, श्री ३ आकाश भैरबया
महुतु नं दुहा वड व कष्टि हानं हाप्वः दयेका व चोड । निपन्हु तिलि व
स्यमका व पिकया व कुन ध्योश्वरस निन्हु स्वन्हु च्वडा ।”^३ (मेदिनाबल
नेपाल भाग ४)

छ:या मूति पूज्याये बले पात्र छ्वलाय् पंच मकार थना: पूजा याइ ।
छ:यात नं मचा बु व्यंका: सिसा पालु नका: जंक्व, चुडाकर्म याना:इहि
व बारा: तया: मनूतय्तर्ये कर्म खंकी । छ: छ:थाय् पात्र छ्वला तया: तइगु
लिइ पंचमकार थना: पूज्याना तइ । मनूत छ:थाय् वया: पात्र छ्वला
थना: पूजा याइ । छ:या पात्र छ्वला प्वंका: तये मज्यू धका: थना तइ ।

आगंस्य थापि स्वनाः हाकु सिहः फयाः चःहे पूजा था पूजा याइ ।
मनूतय् दि मभिना चवन धायेवं आगंस्य था पूजा याकी, आजु अजिमा
छःथाय् पाथ याकी । थापं यायेगुयात मोहनि स्वनेगु व हाकु सिहः फयेगु-
यात मोहनि फयेगु धाइ । थापं यानाः हाकु सिहः फयाः आगं छःथा पूजा
यायेगु यात मोहनि पूजा धायेगु छः । मोहनि पूजा याये बलय् हि खुइमाः कित
चबाहाँ छ्ये छगः सां स्याये माः । १५ द्ये छकः आगंछःथा तःजिगु मोहनि
पूजा याइ । थुगु मोहनिया तःजिगु पूजा याये लच्छि न्ह्यः चथाः कुन्हु
मोहनि पूजाया सुचं बीगुया ल्याखं वःह्लि आगं छःथात सहाय् तयाः भव्य् व्व
छायाः पूज्याइ, भव्य् नइ । मनूत चथाः वलकि मोहनि त्यल, थनि लच्छि
मानिका धाइ । चथाःयात ची धंगु मोहनि धायेगु याः । चथाः कुन्हु वा वलकि
मोहनिइ नं वा वइ, मोहनि स्यनी, चथाः बाँलाक माने याये माः धाइ ।

ततःजिगु पूजा यायेत छुं दि न्ह्यः छःथाय् पूजा वनाः सुचं बीगु
यानाः वइचवंगु दु । ग्वलदेशय् पाहाँचःह्लेया जात्रा न्ह्यन्हु न्ह्यः बछला
माजु छःथात “चिपालु छायेगु पूजा”, खवपय् जात्रा न्ह्यः भैलः छःथा पूजा,
थिमिइ बालकुमारी छःथा न्ह्यन्हु न्ह्यः “तितं पूजा”, पन्ज्रा, व सम्यक
न्यायेकेत स्यंगुइ भगवान छःथात ग्वय् दां तयाः पूजा यानाः वइ चवंगु दु ।
थर्थे हे गुथि व दे पूजा न्यायेकेत प्यन्हुच्यान्हु न्ह्यः गुथि त्यल धकाः गुथिया
मनूतय्त दे पूजा त्यल धकाः दे पूजा खलः तय्त छेय् व्वनाः सःलहः यानाः
पूजा छगू छ्वयाः भव्य् नकी बाय् चिपं थीकी ।

मोहनि पूजा जुइ छन्हु न्ह्यः बःह्लि छेय् फुक्क सिया छ्वय्लाभू
याइ । छ्वय्लाभू याये धुन कि पूजा सिमधःतल्ले पिने छेय् नइ मखु ।
उकि मोहनि बलय् भौमस्त थः छेय् चवनी मखु । थापं कुन्हु थापिलय् खड्ग
चवयाः खड्गया बालाचवःयात न्हाय्, व प्वःयात म्हुतु यानाः निगः मिखा
कंका मि ज्वालाया मिखा फुसि याइ । मिखाया दथुइ खड्गया बाला चवः

पिकयाः ज्वाला ज्वाला शिना च्वंगु याइ । छःलिधना च्वंगु अंगलय् थर्थेहे
यानाः खङ्ग च्वयातःगु दइ । थापिलय् पंच तत्वया अय्लाः, ह्याउँक थ्वे
व थ्वे थनाः छछा पातय् बाय् सलिखय् सहाय् ज्वले नापा थ्ये सगं तइ ।
भिगु इलय् मूलुखा छदुवाःया छगः थापि बाय् मूलुखा व निखेया निपाः
तिकि इयाः नापां मूलुखा स्वदुवाया स्वंगः थापि बाय् मूलुखा मूलुखाया
निखे तिकि इयाः व निदुवाः लुखा नापां मूलुखा न्यादुवाःया न्यागः थापि
स्वनाः खङ्गया च्वः च्वय् पाखे व प्वः क्वय् पाखे स्वइगु यानाः खङ्गयात
दक्षिण स्वकाः लिधंकी । थापि क्वसं धौपति बाय् सिद्धः थनाः चन्द्र ख्वला
स्वनी । थापं यायेत नाग नागिनी यानाः केरा लपते लाइ बाय् नाग हिना
च्वंगुया चख्वया पेचा हिनाः तय्माः । चख्वयात कुशया त्वाय् धायेगु याः ।
मनुतय् थः थः लजगाया ज्याभः, जुजुया कुथिइ ज्या याइपिनि मसि थल,
पंकलम, भ्वं व सफू स्वनी । जुजु जयस्थिति मल्लया पालय् लाय्कुलिइ
भारदार पिनि खङ्ग स्वने हःगु गोपालराज बंशाबलिइ उल्लेख यानाः
तःगु थर्थे दु-

“सं ५०२ अशुनिशुदि अष्टमीन श्री श्री
जयस्थिति राज मल्ल देव प्रभु सन
स्मस्त एकशर भोरो पिनि चोक दुवोड
खण्ड स्वेएका ”३

खङ्ग स्वनाः चालं याःगु उल्लेख जुया च्वंगु थ्या सफूत ऐतिहासिक
प्रमाण त खः । २०

थापिलय् ह्याउँ तुयुकापतं भुनाः आगंछःयात वसः पुंकी ।
थापिलिसे खङ्ग धंका तयेगु आगं छःयात ज्वाय् ज्वाय् किंकिपा छुकाः
तिसा तिकेगु व थापि क्वसं धौपति बाय् चन्द्र ख्वला स्वनेगु चन्द्र सूर्य लुकेइगु
खः । थुकथं आगं छःयात समाः ज्वलं तयाः बांलाकाः तान्त्रिक बिधि थापि

पूजा याइ । अले खड्गसिद्धिया मन्त्र साधन यानाः खड्ग पूजा यानाः
 धौपतिइ पूजा याइ । सलि छगः कयाः उकिइ नीलखं हाः यानाः सिल्लः जाकि
 तिकाः स्वां छायाः जजंका ववखायेकाः आगं छःया शक्ति साधना यानाः
 भाग्यानाः मोहनि सिल्लः फयाः पूजा याइ । मनूत मोहनि स्यनिइ, मखुथे जुइ
 धकाः तःसकं ग्याः । सुयय् सहाय् नयाः बःह्लि कुलया दाजु किजा खलःत
 फुकक नापं मुनाः कुल छि (कूछि) भवय् नइ ।

कह्लय् कुन्हु स्याकु त्याकु (बलि बिये) धकाः आगंछःयात बलि पूजा
 याइ । बाहांयात पूजा यानाः सहाय् नकाः अयलाः व श्वे त्वंकी । जाकि,
 स्वां सिल्लः व नील कयाः बाहांया छयनय् हायेकाः पशु जन्म मुक्त कयाः
 छः जुयाः फुकक सिगु भि याइ धकाः मन्त्र बबनाः ह्वाय्पनय् स्वां पुइ ।
 पूजाया सफुतिइ चवयातःगु थथे दु-

“देवता बलि रूप स्त्वमेव त्वं प्राप्य हे पशो
 बिपत्ति नाशय क्षिप्रं सिद्धि रष्टौ प्रयच्छ मे ॥”

श्वया अर्थ खः बलि रूपय् वयाः छ छः जुह्वाहे पशु बिपत्ति नाश
 यानाः अष्ट सिद्धि व्यू । बाहां मू हाल कि मय्न फाला वनाः फुककसिया
 भि जुइसा धकाः बाहांयात गःकियाः हि खुइ । मोहनि पूजा यायेगु थ्यासफु
 तिइ मोहनि पूजां त्रिलोकया प्राणीतय् भि जुइगु धया तःगु दु ।
 “कुमारी पूजा” धयागु छगु थ्या सफु तिइ पातालया प्राणीतय् जल चरि
 धयातःगु दु । बाहांया छय् छःथाय् स्वकाः तयाः छःया पूजा याइ । प्वाय्
 चिक्क इताः च्याकाः बाहांया छयनय् तयाः च्याकी । मतय् पूजा यानाः
 सहाय् छायाः अयलाः व श्वे लुइ । सहाय्लय् चिला धकाः बाहांया गःपःया
 ला धेनाः तयाः छाइ ।

स्याकु त्याकु कुन्हु आगं छःयात भोग बिया धकाः थ्यासफुतिइ थथे
 उल्लेख याना तःगु दु-

“सम्बत ७६४ आश्विन शुक्ल ॥ प्रति पदा कुन्हु

नवरात्र स्वडा दिन ॥ श्वयानं खुन्हु यर राजाया

छय् सिडाव देव कोहा बिज्यातके मदया औ

श्री ३ तरेजुसकें तवदेव रसं दुगुह्यं १२६

स्याडा, त्रिशूल संमेशह्यं ४४ स्याक ...”

मेगु छगू थ्यासफुतिइ थथे उतलेख दु—

“सं. ७६७ आश्विन शुद्धि ॥ पादु कुन्हु

नवरात्र स्वडा अष्टमी कुन्हुया

रात्रिसं खड्ग स्थापन याडा जुरो ॥

अष्टमी अन्तर वनका नवमी सं

भोग बिया” (मेदिया भल नेपाल ३ भाग)

आगंछःया कुमारी माजुया पूजा याइ। सुषय् सहाय् ब्वय् चिला
वालाः तथाः स्याकु त्पाकुया सहाय्भू (सहाय् नयाः) यानाः बःह्लि श्वय्
नइ। श्व तः जिगु मोहनिया पूजाय् आगंमय् हिखूहा बाहाँया छय् छःथाय्
चाइके माः। छाय् धाःसा पूजा सीमधःनिगुलि उकुन्हु आगंमय् हिखूहा
बाहाँया छय्छा सीकाःभू याइमखु। सुषय् बाहाँया चिला तथाः सहाय्भू
यायेगु धयागु सीकाःभूया अङ्ग खः। उकिं सहाय्भू याये बलय् बाहाँया
चिला तयेमाःगु खः।

स्वन्हु कुन्हु आगंमय् पूजा यानाः चालं (स्वांक्व काइ) याइ।
मोहनि फयातःगु सिह्ललय् बांलागु लक्षण वयनीगु मोहनि सिह्लः ग्यनीगु
पूजा बांलागु खः। थकार्लि आगं छःया सिह्लः धौपतिया धौजाकि सिह्लः
मोहनि फयातःगु हाकु सिह्लः तिनाः बाहाँया हि सिह्लः तिइ, स्वांकयाः
ह्याउंक ववखा ववखाइ। बाहाँया छय्छात छः पुज्याइगुलिं हि सिह्लः तीमाःगु
खः। मोहनिया सिह्लः तिनाः मोहनि फयातःगु हाकुसिह्लः तिल धायेवं आगं
छःया देवत्व प्राप्त जुया सिद्धि दइ। थकार्लि छसिकथं फुक्कसित मोहनिया

सिद्धः तिकाः स्वां बी । फुककसिनं थापं यानातः गु पंचमकारया ख्ये सगं काइ ।
 अले थकारि आगंछःया खड्ग ज्वनाः “खड्गसिद्धि रस्तु” (भिजुइमा)
 धकाः फुककसित खड्ग भाग्याकी । भिजंत फुककसिनं खड्ग ज्वनाः पायाः
 वइ । लाय्कू छेंया आगं छः तःजु माजु छःया पायाः पिहाँवइ । छः छेंया
 पायाः पिहाँ वइबल्य् मनूत आजु अजिमा छःतय् वसतं फिनाः छः जुयाः
 जिगिजिगि खानाः वयाः थः थःगु लागाय् चाःहिला च्वंगु दु ।

छः प्याखेंनय् नासः छः थाय् थापिं स्वनाः पूजा यानाः मोहनि सिद्धः
 फइ । “नृत्येश्वर” धयागु छगु पूजाथ्या सफुतिइ “त्रिलोक मोहन” साधन
 यायेगु च्वयातःगु थथे खः-

“यजमानस्य नृत्यसिद्धि फल लोकसं

मोहनी साधन त्रिपुरा सुन्दरी देवी

देव्यर्चन बिधौ तत्सर्वं विधि परिपूर्णमस्तु ॥”

पचली आजु छः, लुमरि अजिमा छः, न्यतमरु अजिमा छः व मेमेपि
 आजु अजिमा छःतय् प्याखें पिदनेत छःतय्त नासःछःया मोहनि सिद्धः
 तिकाः पुज्याइ । छःतय्त खड्ग लःल्लानाः खड्गसिद्धि बीगु खड्ग ज्वनाः
 छःत जिगिजिगि खानाः पिदनी । अथहे छःया जात्राय् छःखः क्वबियाः
 जात्रा याना च्वंगु दु ।

पायाः पिहाँ वइगु धयागु सामुहिक रूपय् खड्ग सिद्धि ब्यूवइगु
 खः । छेंय् खड्ग सिद्धि कायेमखंमि मनूत पायाः स्वःवयाः पायाः छःया खड्ग
 भाग्यानाः खड्ग सिद्धि काइ, थथे खड्ग सिद्धि कायेमाः । छ्येंगु लाकां
 न्ह्यानाः पायाः छःयात थिइ मज्यू पाले यः । मोहनिया चालं यानाः पायाः
 पिहाँ वयाः धकाः थ्यासफुतिइ उल्लेख याना तःगु थथे दु -





विजया दशमी टीकाका दिन काठमाडौंमा निस्केको खड्ग
 चले एक दृश्य ।

तस्वीर: नालीकाजी थाप्लेन

“सम्बत ८०० आश्विन शुक्ल ॥ दशमी

चारण याडा जुरो

दिगपूर्व याडा, पायात थहावया जुरो ॥ २

(मेडिया भल नेपाल ३ भाग)

मेगु छगू थ्यासफुतिइ थथे उल्लेख दु-

सं. ८२७ आश्विन शुक्लः ॥ प्रतिपदास

नवरात्र स्वडा धनुलग्नस, तृतिया

वधि श्वगुलि दस ॥ सप्तमी घटि

२१ प्रअष्टि वय्काव कुंभलग्नस

खण्ड स्वाडा ।

देव कोहा बिज्याका ॥ नवमी

घटि २६ वेतकाओ दशमी

वय्तुनुं मीन लग्नस चारन

याडा देव थाहा बिज्यातका चन्हस ३

मोहनि पूजा यायेगु थ्यासफुतिइ खड्गसिद्धि भय् नं फाला वनी,
शत्रु नाश जुयाः भि जुइ धया त.गु दु । छःया जात्रा जुया चवनी बलय् स्वंगु
लोकं छ त तवकं वयाः खड्गसिद्धि कयाः छःया जात्रा ब प्याखँ स्वयाः
मोह जुया चवनीगु सिउँपिसं धया च्वंगु व उकिया दसित दु । गुं पुह्लिया
ज्यापु प्याखँनय् प्याखँ म्वःयात नासः छःया मोहनि सिल्लः तिकलं कि नासः
छःया सिद्धि प्राप्त जुयाः (नासः छः दुपिउँ वयाः) नासलं ली । मनूत
आकर्षण जुयाः प्याखँ हुइकिथाय् म्वः म्वः जुइक स्वयाः झुमि यंकूपि थें
जुयाः चवनी । २०

बःह्लि भवय् नयाः (सीका भू) सी काइ । सीभाग नापं सीपु-
सा धकाः बाहाँया न्ह्यपु छकू छकू पासा तथा बी । अले बाहाँया शेष बाकी
दनीगु छिप ववैय् मुनाः बाता छगलय् तथाः कलं छव्व तथाः कीगः कयाः

पूज्यानाः इता छ्वांय् च्याकाः तयाः कलं गालय् कलं वाइ । कलं गालय् आजु अजिमा छः वइ । खिचातय्के आजु अजिमा छः दुपिनाः कलं वाये हःगु नः वइ । छःथाय् हि खुह् बाहाँया छ्यँया सीकाम् यायेगु व कलं वायेगु धायेगु नेवाःतय् थः पहःगु तान्त्रिक मतं मांसाहुति महायज्ञ यायेगु छगूया मेगू अङ्ग खः । लागा लागाया कलं छः व लागाय् लागाय् भि याना चवनी । २३

पचिमलः कुन्हु पचली आजु छःया गालय् पंच मकारया अयलाः व थ्वँ थनाः आजु छः ववँ थनाः पूजा याइ । थन ववःने त्वाःया थकू जुजु खलकं महायज्ञ याइ । महायज्ञय् दुगुचा स्यानाः हि खुयाः ला छ्यँ छ्यँ फुकक ला दुयाः लिपा छ्यँ नापं दुयाः मांसाहुति माहायज्ञ याना च्वंगु दु । पाहांचःह्ने कुन्हु कंगय् कंग अजिमा छः, लुमरिइ लुमरि अजिमा छःथाय् बाला चःह्ने कुन्हु लुतिइ लुति अजिमा छःथाय् व मे मे थाय्या आजु अजिमा छःया पूजा यानाः म्यँ छ्यँ दुयाः मांसाहुति महायज्ञ याइ । थुमि त स्वह्म तःके धयाः जात्रा हे याना च्वंगु दु ।

थथे त तः धांपि तान्त्रिकतसँय् थःगु जुनि दनि बलय् हे ततः धंगु पूजा यानाः तन्त्र मन्त्रया सिद्धि थःगु पंचतत्त्वया भौतिक शरीर त्वःताः बाय् मदयेका छ्वयाः सिद्ध वनाः छः जुयाः त्रिलोकया भि याइ । वंघलय् आजु-छःयात ज्यापु तसँय् इमि आजु धयाः माने यानाः वया च्वंगु दु । इतिहास-कारतसँय् नं आजु छःयात जुजु यलम्बर धया च्वंगु दु । नरलय् महः बताः छःयात ज्यापु ज्यापुनी व इमि मचा छः जुयाः सिद्ध वंगु धाइ । पचली आजु छःयात मल्ल खलःतय् पूर्खाया आजु धका डा. कमल प्रकाश मल्लं च्वया दीगु दु । बन्धुदत्त आचार्य, जुजु नरेन्द्रदेव व ललित ज्यापुपि थः थःगु मन्त्रसिद्धि बुँछःयाके दुबिना वंगू बुँछःया वंशाबलिइ च्वया तःगु दु । बिज्यासः छःयात मखं छँय् छः बाज्या पिनि म्हाय् मचा धकाः हना च्वंगु दु । मनूत मभि जुइन धकाः छः छःथाय् पूज्या वइ छःया

हिउ वइ, छः साग्या वइ ।

स्वन्तिइ लक्ष्मि छः पूजा यायेगु धयागु मोहनि पूजाया अङ्ग छः ।
धुकुतिइ लक्ष्मिपाः तिकाः पूजा याइ । लक्ष्मि छः पाः छगू प्रकारया धकि
छः । आगंमय् आगं छः या प्रतीक स्वरूपया धकि च्वयाः अंगलय् तयातइ ।
लक्ष्मिपातय् कलशया काउलि तयाः लक्ष्मिछःयात ज्वला म्हाय्क व सिद्धः
मू ज्वंकाः भोमचा छ्यै व्वछुनाः जुइगु शिरशोभा बाँलाः का च्वैथे यानाः
च्वयाः छ्याः, बेताः व कुबेरयात गण यानातइ । ज्वालाह्मायक व सिद्धः मू
ज्वंसा याह्य लक्ष्मि छः गृहलक्ष्मि (आगं छः) छः ।

स्वन्तिबले फुकसित ह्यः पूजा यानाः छ्यै सगं बिइमाः । मूलुखा,
लुखा व इयाः व्वय् मन्दः च्वयाः पूज्याइ । आगंमय् आगंछःयात ह्य पूजा
याइ । आगं खलःत आगंछःया छःमयजु (कुमारी) या म्हपूजा याःवइ ।
गृह लक्ष्मिया स्वरूप छै छ्वां पाल्चाय् मत तयाः ज्वाला ज्वाला थीक च्याकाः
मोहनिबलय् आगं छः पूज्यानाः मोहनि बलय् हिखूम्ह बाह्या ला तयाः
पंचमकार स्वनाः लक्ष्मि छः या पूजा यानाः ह्यपूजा याइ, छ्यै सगं बिइ ।
फयां अले फक्क यक्क भव्यज्वलंया घासाता, मरिता लाओ लाग्वाः, ओ, न्या,
छ्यै, छ्वय्ला, अय्ला व थ्वै तयाः व्व छाइ ।

आगंछःयात ह्यपूजा मयायेकं सुयां ह्यपूजा याइ मखु । आगं छः या
चापूजा जुइगु जुयाः बःह्नि ह्यपूजा यानाः जानये मज्यू धयाः फुकसिया
भव्य नइ । मोहनिया स्वां बिइमानिपि सुं दनिसा लक्ष्मिछःया स्वां नापा
बिइ । मोहनिया स्वां स्वन्तितक बिइ ज्यू, कायेज्यू । मनूतय् स्वन्तिया
नखत्या व्वनाः म्हाय् मस्त, भिना मस्त व जिलार्जे पित्त लक्ष्मि छः या
स्वां मव्यू तल्ले मोहनि सीमधःनि धया च्वनी ।

मि ह्माना ह्माना छ्वयाः दना च्वंगु बुट्टाया मूलुखा खड्गया रूपय्
अजिमा छः तयातःगु छःया तोलं छः । मूलुखाय् अजिमा छः तयाः निछे

मिं मलःयात नाग बिलि कया म्ये च्वाल्ल लुइकाः तइगु छःया मूलुखाय्
लुखाय् व तिकि इयाः इयाःया च्वय् खौपा तयातइ । तोल्लेनय् स्वयाः छः
ह्यसीकेगु खः । मिस्त सुथल्लापां दनाः छे छ्वां वसिबे पुनाः मूलुखा
क्वय् पुइ । मूलुखा क्वय् ह्याउँक सौचाँ बें इलाः न्ह्याःने भ्यलु पाः
छःथाय् इली । छ्वाः सिलाः सुनां मथीक लः कयाः वयाः मूलुखा फुसय्
छ्वाकाः (छःयात छ्वाः सिकाः) दुहाँ वनी । पूजा तयाः ज्वनावयाः
मूलुखाय् सिह्लः तिकाः पुजा यानाः न्ह्याःने भ्यलु पाः छःयात पुज्याइ । आगं
छःयात पुमज्याक पिने गनं छःयाके वने मज्यु धाइ । आगं छः तःधंहा छःखः
फुक्कस्यां माने याइ ।

जा बुकाः ह्यापालाक्क थकयाः आगंछःयात भौवालं पल्लिइ
तइ । नखःचखल्य् ज्वरे जुक्व घासा त थकयाः आगं ब्व तइ । आगं छःयात
लाःलाःथे याये मज्यु, आगं छःनं ज्वनी । मनूतय् छुं नयेत आगं छःयात बेंय्
छाइ, लः जकं त्वनेत नं बेंय् लः हायेकी । गुथि न्यायेकि बलय् नं छे ब्व
व घः ब्व तइ । घलय् लः जायेकाः तयाः घःब्व न्ह्याः च्याकाः तइ । घः ब्व
धकाः माय् केलीगु घःयात नं न्ह्या च्वाके गु याः । माय्केलीगु घःयात
छेंया भुज्या नाग नागिनी भाः पियातःगु दु । बूं छःया घःमालय् हिति मंगः
यानाः आजु छः पाः तयातइ । घःमा धयागु नाग यानाः छःयात बासा
लाया तःगु खः ।

निभाः बित कि भौवालं छःयात मत बिचाः दलूचाय् तइ । मनूत
दयं वनेत, सुथय् लासां दनाः वयेत आगंछः देगुछः, गुईंमाजु छः, तःजु
माजु छः, आजु अजिमा छःतय् नां कयाः बेंय् थियाः भाग्याइ ।

मूलुखाय् पुज्यायेगु छगु आगंछःया पुजा यायेगु खः । मनूतय्
आगं छेंया मूलुखाय् आगं छःयात पूज्यानाः वंगु दु । अथे हे मनूत पिने
गनं छःयाके वनि बलय् छःया लुखा मचाःसा लुखाय्सं छःयात पुजा यानाः
भाग्यानाः वनी । गुलि ला छःथाय् छे दुने दुहाँ मर्वेसे छःया

लुखाय् कीगः निगलं पूज्यानाः भाग्यानाः वनी । मनूत मूलुखा भाग्यानाः
 दुहाँ पिहाँ जुइ । मूलुखा भाग्यानाः जुइगुया अभिप्राय पिने छुं अप्रिय
 दुर्घटना मजुइमा धकाः खः । मूलुखा भाग्यानाः जुइगु भिँ ।



देमिया छे

देधयागु देमि फुक्कसिया बास यायेगु छे खः । नेपाः देया न्हूगु मूशहर
 कान्तिपुर महानगर खः । बंशाबलिइ चवयातः कथं जुजु गुणकाम देवं आगं
 छः मांलक्ष्मी अजिमा छः माने यानाः नेपाः देशय् फुक्कसिया भिँ जुइगु या
 लागि मां लक्ष्मी अजिमा छः या खड्ग आकार वयेकाः कान्तिपुर महानगर
 नां छुनाः येँ दे छ्यागु खः । येँ दे यात खड्ग आकार वयेकेत थन पचली
 आजु छः यात जगे याना खड्गया निखे धारय् (बिस्तार रेखाय) पाक्व
 अजिमा, लुमरि अजिमा, फिब्व अजिमा, नै अजिमा, कंग अजिमा, लुति
 अजिमा, साह्या अजिमा व चन्द्रलखु अजिमा छः त स्वंगु खः । १८

कान्तिपुर महानगर (खड्ग) नेपाः देशय् दक्षिण स्वकाः छ्याना तः गु
 दु । कान्तिपुर महानगर येँ देया क्वय् (खड्गया प्वः दिना च्वंगु) पाखे क्वः
 ने व च्वय् (खड्गया च्वः) पाखे थः ने धया च्वंगु दु । आगं छः मां लक्ष्मी
 अजिमा छः या खड्ग ज्वाला ज्वाला थिना च्वंगुया बंशाबलिइ आगं छः या
 लक्ष्मि अजिमा छः यात कान्तीश्वरी धकाः येँ देया नां छुत । कान्तीश्वरी
 धाः गुया अर्थ मिया ज्वाला पिहाँ वया च्वंह्य अजिमा छः खः ।

पचली आजुद्यःयात दथुइ लाकाः छे पाखे नँ अजिमा व मेखे पाखे फिन्व अजिमा स्वना तःगु धायेगु पचली आजु द्यः मूलुखा व अले निखेया अजिमा द्यःत छपाः छपाःया निपाः तिकि इयाः जुया नेपाः दे स्वपाः इयाःया देमित बास याना च्वंगु छे जुइ । अथे हे पचली आजु द्यःया हे आधार कयाः अनं चवय् स्वयाः वने बलय् दथुइ पचली आजु द्यः मांतिकि इयाः व निखेया तिकि इयाःत कंग (कंगमति) अजिमा व लुमरि अजिमा द्यः जुल । थनं चवय् पचली आजु द्यःया हे आधार कयाः छे स्वय् बलय् लुति अजिमा मेखे स्वय् बलय् पाक्व (पासिक्व) अजिमा धायेगु पचली आजु द्यः स्वपाः बाय् न्यापाः इयाः ह्वानाःया छपाः सँ इयाः व अले निखेया अजिमा द्यःत छपाः छपाःया निपाः न्हाय्कं इयाः (याक. इयाः) जुयाः स्वपाः इयाः जुल । अथे हे थनं चवय् पचली आजु द्यः यात कयाः निखे पाखे स्वये बलय् ल्येँ दिन पि चन्द्र लखु अजिमा (राजदरबार दुने दुह्य) व साह्याः अजिमा (थबहि अजिमा) द्यःत बंगलय् छे कव स्वकवः जुयाः नेपाः दे तान्त्रिकतां जाया च्वंगु देमिया छे न्यात जाःया भाव खः । आजु अजिमा द्यःया किपा मि ह्वाना ह्वाना छवयाः दना च्वंगु फसँ छे पुया चरनी । अथे जुयाः कान्तिपुर महानगर नाम न्हूदे छ्यायेत च्याह्य अजिमा द्यःत स्वने माःगु खः । आजु अजिमा द्यःत खुसि सिथय् स्वनाः ख्याः, कर्वः, बेताः व बेंय्लुइह्य (नाग) गण याना तःगु दु । थुपि च्याह्य अजिमा द्यःत तःकेहे खः ।

नेपाः कुमारीया दे खः । थुज्वःगु धापू न्यना तयागु दु, ह्वापा देशय् छुं सङ्कट जुल धाःसा आगमय् कुमारी माजुयाके जुजुपि सहलाः याःवनी हँ । नेपाः कुमारीया राज्य जुयाः जुजु व प्रजापिसं आगं द्यःयात राज्येश्वरी “राजदेवी” व “मानेश्वरी” धया मानेयाना वइच्वंगु दु । “कुब्जिका देवी” धयागु पूजा थ्यासफुतिइ आगं द्यःयात मानेश्वरी धया तःगु व सखंत्वालय् थकूलवःतय् आगं द्यः ताना बाहाःलय् लिच्छिविकालया अभिलेखय् अथे उल्लेख जुया च्वंगु दुः-

१. आषाढ कृष्ण सप्तम्याम्
 २. राज परमेश्वर श्रीमान् देव राज्ये ।
 ३.
 ४. २४

लायकुलिइ मोहन चुक्य जुजु प्रताप मल्लजुया सुवर्ण पत्रया अभि-
 लेख्य तःजुमाजु छःयात धया तःगु थये दुः-

॥ॐ स्वस्ति ॥ राजराजेश्वरी देवता
 श्री श्री श्री तलेजुस प्रसादन नेपाल
 भूपाल चूडामणि रविकुल तिलक
 महाराजधिराज श्री श्री जय प्रताप मल्ल
 प्रभू..... समस्त यसफल राकजुरो ॥
 श्रेयोऽस्तु सम्बत ७६६ फाल्गुण
 वदि ७ ॥ शुभ ॥ ३


देशं आगं छःयात मानेयानाः दैयदसं थः थः आगं खलःया कुमारी
 माजुया जात्रा याना वइच्चंगु दु । थकूलवःतय् आगं तानाबाहाःछःछैया
 कुमारी माजुयात पाहांच-हेया कन्हय् मलःजा नकी कुन्हु खतय् तयाः क्वबिया
 वतु त्वालं यंकाः दुगं बही, लाय्कूया लेंजुयाः चाःहिकीगु परंपरा दुगु
 तानाबाहाः छःया नित्य पूजा याना च्वनादीह्य बेखानारां श्रेष्ठ नापा खेल्हा बल्हा
 जबलय् वय्कलं थ्व खँ कना दिल । तानाबाहाः छःयात लाय्कूया तःजु माजु
 या तता धाइ । आगं खलःत थः थःगु आगं छैय् वनाः कुमारी माजुया
 ह्लातिं सिल्लः फइ । लाय्कूया कुमारी माजु यात राष्ट्रिय रूप्य माने यानाः
 येंय् जात्रा यानाः जुजु कुमारी माजु यात लुंदां तयाः सिल्लः फइ । कुमारी
 माजुया ह्लातं सिल्लः फयेमाः ।

प्रजातन्त्र वये न्ह्यः तक्कं नानिचायाः कुन्हु एन कुमारी छेक्वय्
 गद्दी बैथक न्ह्यःने थिइ मज्यूगु दबुलिइ जुजुया सिंहासन तइगु परंपरा दूगु

खः । कुमारी माजुं सिद्धः मतिकीगु भिमजुइगु मनूतसैय् घया वइच्चंगु व
 स्यूगु खे खः । कुमारी माजुं जुजु जय प्रकाश मल्ल जुया भोग फूगु बचं बिसैलि
 कुमारी माजुयात खतय् तयाः सालाः जात्रा याये धकाः क्षमायाचना याःगु
 जुयाः मेगु झिनिदै राज याःगु देवमाला वंशाबलिइ चवया तःगु दु । जुजु जय
 प्रकाश मल्ल जुं आगंछः कुमारी माजुयात माने यानाः ८७३ य् कुमारी
 माजुया नामं “श्री कुमारी” धकाः व “श्री ३ तलेजु माजु श्रीश्रीश्री कुमारी
 माजु नेपालेस्वर धकाः वहया दां पिकाःगु “द कुमारी अफ काठमाण्डु”
 या सफुतिइ उल्लेख याना तःगु व उकिया फोटोत मल्ल क्वाइन्सया सफुतिइ
 छापय् जुया च्वंगु दु ।^{२५} छुंदै न्ह्यः कुमारी माजुया हुलाक टिकट व खवना
 स्वपुयाः हुलाक टिकट छापय् यानाः प्रचलनय् हल ।

छे दुने फुककसिगु सुरक्षा जुइ, धाइ नापां “मनूत पिने ग्यानाः छेय्
 दुहांवइ छेने ग्यानाः गनवनी ।” कान्तिपुर महानगरं (काठमाण्डु राजधानी)
 नेपाः देशय् च्वेपि फुककसिगु सुरक्षा याना च्वनी । नेपाः देया सुरक्षाया
 लागि देया रूप मानेयाना वइच्चैह्य पचली आजुछः व देयारूप यानाः स्वना
 तःपि, लुमरी अजिमाछः झिनिदैय् झिनिदैय् छकः छकः मोहनीया चालं कुन्हु
 छःगालं भोछि छःत नापां दनाः छःप्याखें पिदनाः खड्गसिद्धि ब्यूबइ ।
 लाय्कूलि कुहः^{२६} प्याखें हुइकाः न्ह्यः न्ह्यः तयाः तःजु पायाः पिहां वयाः
 जुजु मरुइ भुतिसल्य् लाय्कू धवाखाया भैलःआजु छःथाय् पचली आजुछः,
 मखेंत्वालय् सिंदुवालय् लुमरि अजिमाछः धवदुयाः खड्ग हिलिइ । पचली
 आजु व लुमरी अजिमाछः नापा खड्ग हिलीगु प्यदै प्यदै पाइ । थथे जुजुं
 पचली आजुछः व लुमरि अजिमाछःया खड्ग नापा खड्ग हिलाः खड्गसिद्धि
 कयाः नेपाःदेया सुरक्षा यानाः फुककसिगु भि व कल्याण याना च्वनी ।

आजु अजिमा छःत देशय् चाःहिलाः प्याखें हुइ । आजु अजिमा
 छः व खड्ग हीकाः प्याखें हुयाः दैत्य क्वः थलाः त्रिभुवनय् फुककसिगु रक्षा
 यागु कथेनी ।



- १) पावस अलिमा ७ पुणे अलिमा
- २) पिपरा " ७ पुणे "
- ३) का " ७ पुणे "
- ४) सांगली " ७ पुणे "
- ५) पंचाली आंग



१.८०.०६८ श्री ५ बाट श्रीभद्रकालीसँग धार्मिक विधिपूर्वक खड्ग साटसाट गारिबक्सदे।

तस्वीर: गोरखापत्र



श्री ५ महाराजाधिराज सरकार पबली भैरवको खड्गसित भोसूफ सरकारको खड्ग साटिबक्सदे।

(आ.प्र. १६६ ग.ने. (१६) २५६ ग. १२३५)

तस्वीर - गोरखापत्र संस्थान

धर्मशास्त्र कथं अतः स्वर्गतय् बास याइ । धर्मात्मात सितकि स्वर्ग-
तय् बास याइ, पापित सितकि नर्कय् वनी धाइ । धर्मात्मात स्वर्गतय् सुख
भोगय् याना च्वंगु व पापितय् नर्कय् यंकाः शासना याइगु पूजा पद्धतिइ
चवया व चित्रण यानाः केनातःगु दु । धार्थे धायेमाल धाःसा नेवाःतय्
ह्लाइगु भाय् नेपाल भाषाय् “धर्म व पाप” धयागु खँग्वःहे मरु । थ्व खँ-
ग्वःला संस्कृत भाय् यागु खः । नेवाःतय् धयाचवनी “मनूजन्म कयाः छेँ दनाः
चवनेमाः सी बलय् बास मदइ ।” मनूतय् छेँ दकूसां दनाः व कुल छेँ
घकाः चवनी । अथेहे न्हय्गू धरातलचवय् ब्रह्मलोक दु धाइ, अतः पलखं
ब्रह्मलोकं पृथ्वीलोक व पृथ्वीलोकं ब्रह्मलोक जुइ धाइ । थुनिया ल्याः मनूतय्
छेँ न्हय् त्वाथःया तस्वाः स्वाहनय् छुनाः थाहाँ कुहाँ जुइ ।

मचाबुकें निसें कयाः सिकेगु तकं थःगु छेँ याइ । माः माः बलय्
माः माःपि सः स्थूपि दिदि अर्जिपि निसे कया सिकय् माःपि ग्वंत, त्वाःजं
तकं फुक्क थःगु छगूहे नेवाः जातय् दु । मां बौनं थः मचाखाचायात मखुगु
मत्यःगु याके बिइमखु, भिगु लें कयेंना चवनी । जःला खःला फुक्क थःहे
भापिइ । मनूत थःगु छेँ सीगु मतिइ तइ । थःगु छेँ सीखनिगु तःधंगु
भाग्य तायेकी । अन्त्य अबस्थाय् छेरिइ क्वत यंकी, गुलिस्यां तलय् थतयंकाः
बैंगलय् तयाः सिकी । तलय् कुने न्ह्याथाय् सिकूसां थःगु छेँ सिकेगु भि,
थ्वस्वयाः मेगु छुं मरु । घाटय् सिके माःपिनि जक फलचाय् चवनाः आजु
अजिमा अःथाय् खुसि सिथय् तयाः सिकी ।

सीह्याय् सिया छ्येँफुसय् व तुतिक्वय् सलिचाय् मत च्याकाः तयाः
सीह्याय् सिया अङ्ग यानाः कयेंना तइ । गुथिया आजु अजिमाद्यः पुज्याना
तइगु तासया अवं सीह्याय् सित ज्वाला ज्वाला थीक फायेकी । ह्यापा लिपा
सलिचाय् मत च्याकी मखु । छ्येँफुसय् व तुति क्वय् मत यानाः द्येने
मत्यः । छ्येँनं निसे तुति क्वय् थ्यंकां गां त्वपुयाः द्येने धायेवं सीह्याथे छु
याना द्यंगु धाइ । स्वाहानय् न्हय् पौया न्हय् त्वाथःया कुताः दयेकाः सीह्याय्

सित तयाः गुधियार प्यहा प्यखे चवनाः क्वबियाः सीबाजं थाहाः सिथं यंकी ।
 खुसि छिनाः पारिड यंकाः दिपय् तयाः पूजाया बिधि जुइ । सीहाय्सिया अङ्गः
 (तेज) यानाः च्याका तइगु मतं पाखाकं थनातः गु मियामु मिं तयेकाः सी उनाः
 भौतिक शरीर मदयेका छ्वइ । सी उइगु धयागु मांसाहुति महायज्ञ खः ।
 ग्वंतसय् महायज्ञ कुण्डं नौ मुनाः सिहाय्सिगु ह्य ज्यानाः वयात छः याना
 इमि बिधि पुज्याकाः खुसिइ चुइके बी । ग्वं धयापिं देवत्वया तान्त्रिकसिद्धि
 दुपि संस्कारया महान् पुरोहित खः ।

गुंफुल्लिया सायाः कुन्हु सा छ्वइपिनि सीपि मनूत साया ह्लिपं चवनाः
 वेंतरिणी खुसि तरेजुया स्वर्ग वनीगु बिश्वास याना चवनी । सा याना छ्वइ
 पिन्त देशय् चाहीका हयाः सीपि वेंतरिणी तरे जुयाः स्वर्गतय् वंगू भावं
 सायात तुति यानाः चिकाः छ्वइगु जनीया चवः चवः पिखालखुइ बाता
 छगलय् लः तयाः उकिइ थुनाः छेय् दुकया चवंगु दु । १०

मनूत सिनाः वेंसा नं इपिं फुक्क नापा पारिवारिक जीवन हनातुं
 चवनी । खवाः सिला सीपिनि नामं लः बी (खवाःसिकी) जा बुतकि आगं
 थकायेगु धकाः ह्यापालाक्क जाभाग थकयाः सीपिन्त तइ । नखः चखः बलय्
 ज्वरे जुक्क घासा त थकयाः आगं ब्व धकाः सीपिन्त भवय् भाग तइ । चच्छि
 चाइकाः त्वाःजं यात बी । त्वाःजं धइहा त्वाःया जः आजु अजि खः ।
 तान्त्रिकसिद्धि दुपि त्वा जं संस्कारया महान् पुरोहित खः । सीपिन्त लाः
 लाःथे याये मज्यू । छुं जुलघायेवं कयें वं थाय् सीकं ज्वन भाग छभाग तया
 ब्यू धयाहइ ।

थः थः आगं खलःत दृगु हे ला हि खः । काल बिल यायेत छु आगं
 खलःया मनूत धकाः न्यनी । थः आगं खलकय् सत्तिक स्वानाचवपि लिसे
 काल बिल याये मज्यू, याइमखु । आगं छःया प्रतीक छयः छयलय् देगुछःया
 गंछःत दु । देगुछः धकाः गुलिस्पां किंकिपा गुलिस्पां गंछः थकालिया छेय्
 तयाः ह्लि ह्लि पुज्याना तइ । जुजुपिनि देगुछः देगुतरे माजुछः खः ।

सन्तान मन्त धायेवं कुल ह्मनाः कीर्ति तनावनी धकाः मनूत तःसकं
 ग्याः, उकिं पुर्खाया आजु अजिमापिसं थः थःगु आगं खलःतय् कीर्तिया लांगि
 आगंछः पुज्यानाः देपूजा न्यायेकाः नयेत गाक्क वा दुहाँ वड्गु बुँ आगं छःया
 नामय् गुथि तयाः देगु छःया छयः छयलय् सतः दयेकाः व नापं लवहंहिति, तुं
 बाय् बुँगाः म्हुयाः लःया व्यवस्था याना तःगु दु । आगंछेँ, छःछेँ, सतः,
 फल्चा, लवहंहिति, बुँगा व तुंया दैय्दैय् बुसाधं याइ । सन्तान मरुपिसं थः
 निमतिपू यागु व थः मां, बौ आजु अजिमा पिनिगु नामं देपूजा यानाः नयेत
 छेँ, बुँ, दुगु सम्पति आगंछःया नामं तयाः, गुलिस्यां थःपिनि मदये धुंकूपि
 सुयां नामं देपूजा यानाः बिइत फु चाःगु द्वः बद्धः दां तयाः कीर्ति तयाः
 व्यूगु व तयाबिया चवनी ।

दैय्दसं आगं खलः (देपूजा खलः) तय् बुंगद्यः रथय् तइ कुन्हु निसें
 सितिनखः छन्हु न्ह्यः तक्क लच्छिया बुने छकः देपूजा व मोहनि न्ह्यः छकः
 नंछा देपूजा न्यायेकाः देगुछःयात छयलय् यंकाः थः थःगु देगुछःथाय् तयाः
 पुरोहित आचाःजु जोशी बाय् गुभाःजु तयाः पुज्याकी, आचाःजु, जोशी व
 गुभाःजु थापं यानाः धौपति स्वनाः मोहनि सिंहः फयाः देपूजा खलःतय्
 कुलय् सिनावेपि मनूत फुक्कसिगु नां किपाः देगु छःया पूजा यानाः दुगु
 स्याइ । आगं खलःतय् कुलय् सिनावेपि मनूत यक्क दयाः इमिगु पूजा
 ताहाकइगु जुयाः दैय् निकः देपूजा न्यायेकाः प्यन्हु न्यान्हु पूजा याये
 माला चवनी ।

देपूजा खलःतय् सुयां मस्तय् बुस्का यात, कय्ता बिल, बरेछुत बाय्
 काय्पात व्याहायात धाःसा मस्तय् व न्ह्यः भौमचायात देगुलि दुकाये माः ।
 लसकुस यानाः दुकायाः काय्मस्तय् किसलि व भौमचायात ह्वंकू बलय् आगं
 छःयात ग्वय् भाग तयेकातःगु बियाः देगु छःयात छाकाः भाग्याकाः पूज्याकाः
 देगुली थ्याकी । देगुलि दुसकायेकं दाजुकिजापिसं सिकय् वुक्ये थ्याकी
 मखु । फुक्कसित नापं तया देगुछःयात कीनः तकी । यजमान फुक्कसित

छःया धौजाकि सिंहः व मोहनि सिंहः तिकाः सन्तान वृद्धि जुयाः कुलया
 कीर्ति तयेफयेक, भयनं फाला वनाः भि जुइक धकाः सुवाः ब्रियाः देगु
 छःया स्वां बी । “देपूजा बिधि” धयागु पूजा थ्यासफुतिइ^५ देपूजा यायेगु
 व देगुलि दुकायेगु बिधि चवया तःगु दु । जयस्थिति मल्लया काय् युबराज
 धर्मदेवया ब्याहा यानाः देगुलिइ दुकाःगु गोपालराज वंशावलिइ चवया
 तःगु थथे दु-

“संस्वत ५०३ समछल नवु व
 चतलाथो व तिरा खचा श्री श्री
 धर्मल देवसं विवाह ॥
 गुन्हुलि व दे धुरि पूजाविज्याड ।”^६

थथे हे जुजु जय प्रकाश मल्लं ब्याहा यानाः देगुलि दुकाःगु
 थथे उल्लेख जुया चवंगु थ्यासफु दु-

सं ८५३ फाल्गुन कृष्ण द्वितीया
 कुन्हु जय प्रकाशया परत विहियात
 केयात पिथिपूजा थनलि मूल
 चुकस अग्नि स्थापनायात
 पेन्हु कुन्हु होम वेला सोयं अलिङ्ग्य
 यिनाथ लिते ॥ ॥ षुन्हु कुन्हु
 देगु तलि पूजा ॥”^७

(पुणिमा ३ वर्ष, ४ अंक ३८-३९ पृ.)

सिकःमि नायः, दकमि नायः, अवाः नायः व ज्यामि नायःत आखः
 ब्वनाः देश बिदेश वनाः ज्यासयेकाः सीकाः वया च्वंपि मखु, थः वौ बाज्यापि
 नापा ज्याय् च्वनाः सयेकाः सीकाः ज्या याना च्वंपिहे जक खः । सिकःमि
 दाजुपि सिंमुगः छगः, सित्वाकः, कःति, बसिला, रण्डा, हं, चिकथि

चिक्का: ज्याभःया भरे सिया ज्या याइ, गनं छथाय् छुं त्यं धयागु मरु ।
 दकःमिं दाजुपिं म्हासुचाय् मांचिकं अण्पा थुना: अंग: दनी । चाभू सी मरु
 अंग: दना: काछपु छुना: स्वया: चुपिचां अयाय् त्वा त्वा दाया: गंचा घाना:
 स्वया: छे दनी, गन अंग: द्यवव: गनं अण्पा छपाजक पिहाँ व: दुहाँ वं
 धयागु मरु । अंग: दनातइगु यचुसे पिचूसे चवना: बाँला: । अवा:
 दाजुपिसं ज्याभःहे म्वायेक पल्लि ची । पल्लि चीगु आंय्पा भू इव: इव:
 लाना: गनं आंय्पा छपा: दुहाँ पिहाँ वया: पौ जव: धयागु मरु । ज्यामि
 दाजुपिं कूछपु ज्वना: चाय् पाला: संका: न्हुतुन्हया: छ्यो थें च्वंका: न्हाइ ।
 चा ग्वारा चिना: अण्पा, चा, व सिं बीगु ज्या याइ । तिकःमिं दाजु, दकःमिं
 दाजु व अवा: दाजुपिनि ल्हा. दीमा: धयागु मरु, ज्या चव:, ज्यामजु धयागु
 मरु ।

नया नामं नकिं छपुजक हे गनं मता:से सिं, चा व अण्पां अयाय् अयाय्
 खागू छे दनी । छेत तन्त्रयुक्त जुया: त:सकं ब: ला: बाँला: जुगजुगं छुं
 मजु । चुक, बाहा: बहिलिइ लाछिइ लाछिइ चिकं अण्पां सिया तइ । मनूत
 बाहा:, बहिलिइ व चुकय् चुकय् निभा: पा: वइ, वा पा: वइ । मनूतय् छैय्
 निभा:पं फय्पं, वर्षा छे क्वा:, चिकुलां ख्वाउं धयागु मरु, लाकां न्हाना:
 बैय् पलातये म्वा: । मनूतय् छैय् तुं दु, लागाय् लागाय् त्वहं हिति व पुखुया
 व्यवस्था दु । ती निभालय् व निभा: बीगु ह्याउं निभा:या इलय् सुं पिहाँ
 वनी मखु । मनूत निभा: स्वया: ई सीकी, पल्लिइ आंपाय् भू मन्त धाये
 वं जाथू वनेत्यल धाइ । चाह्लय् ग्वंग: हा:गु ई स्वया: सुथय् जुल दनेत्यल
 धका: लासां दना वइ ।

अन्तर्राष्ट्रिय् छयलय् हे नैवा:तय् छैयां विशेषकथं महत्त्वपूर्णगु वस्तु
 जुया च्वंगु दु । भाषानिभा: स्व. प्रेमबहादुर कसा:जुं “जिमिगु नेपाया
 तान्त्रिक छः व तान्त्रिक पूजा” नांयागु सफुतिइ भूमिकाय् थथे चवयादीगु
 दु— “पामोडा शैलीयागु देग: व सँझ्या: वुगु छैयात कया: बास्तुकलाया


चिचार यानाः स्वतः धाःसा नगुने सन् १९८३ या सितम्बर महिनाय् पश्चिम जर्मनीया म्यूनिक शहरया प्रदर्शनीजू बलय् नेपाया निम्ति श्वहे पंगोडा शैली यागु छे निर्माण जुल । मेमेपिनिनं थः थःगु देया कक्षाया निम्ति थः थःपिनिगु पहयागु छे दयेकूसां प्रदर्शनी वच्चायेवं फुक्क थुना छ्वत । तर नेपाःयागु पंगोडा शैली यागु छे विशेष कलां जाःगु सुयागु नापा जोमलागु जूगुलि वयात ल्यंकोहे तयेगु खं अनयागु नगर समासदं कोछित, प्रदर्शनीया आयोजक याके धेवा पुलाः न्यानाः उकिया संरक्षण यानातल । अथेहे स्वीजरलैण्डया जूरिखय् जूगु प्रदर्शनीइ नं “नेवारचोक” धकाः नेवाःतय्गु चुकथे दयेकाः ब्वया तःगु हे दकलय् आकर्षकगु बस्तु जुल । जापानय् थोकोहे गु गु “एक्स पो-८५” प्रदर्शन जुया चवन अकि उकियागु नेपाल कक्ष दयेकेत व छायेपेत नेपालं निसे कालीगरत व कलाकारत वंगु दु । श्व गुम्बापहः वडगुलि मेमेगु देशय् यागु स्वयाः अवश्य पाइ धयागु विश्वास दु । थुकथं नेपाःयागु बास्तुकला खनीबलय् विदेशीतय्सं विशेष यानाः यूरोपी कलाविदतय्सं न्हूगु संसारय् वयाचवना थें तायेकल धाःसा छुं अद्भुत मखु । अथेहे जुयाः जुइसाः नेपाली पन्ना बर्चनेत श्री ५ या सरकारनं न्हू छे दयेके बलय् पंगोडा शैली वयेक पो तयेमाः धकाः नियन दयेका ब्यूगु” ।

थथे हे गुगुं नं बिश्वमेला व बिश्वप्रदर्शनीइ नेपालं नेवाः शैलीया कला प्रदर्शन याःगु कक्षाय् लखे लखे मनूखें अवलोकन याःगु पत्र पत्रिकाय् ब्वने दया चवंगु, नेपाल रेडियोनं खबर ब्यूगु न्यने दया चवंगु व नेपाल टि.भिइ फुक्कस्यां स्वये दया चवंगु दु । लिपा लिपा जुइगु बिश्व मेला व प्रदर्शनिइ नं नेवाःतय्गु संस्कृति व कलाया बिशेष कथं स्थान दया चवनीगु नेपाः देया गौरवया खे खे ।

नेवाःछेत संस्कृति व कलां जायाः ततःसकं बाबालाः, देयात शोभा ब्यू । छे निर्माण यायेगु शैलिइ नेवाःतय् मे मेगू लिइ थे थःपहःगु हे

समोविज्ञान व सम्यताया तः धंगु बिकास जुया च्वंगु दु । मांचिकं अप्पाया
छेत अति आकर्षक, अति प्रशंसनीय, अद्वितीय, ऐतिहासिक पुरातात्विक
महत्त्वया वस्तु राष्ट्रिय व अन्तर्राष्ट्रिय सम्पदा खः । बिदेशीत नेवाः छेत
खनाः अजु चायाः स्ये वा न्याइ, संस्कृतिइ व कताय् दुसुला च्वंगु नेवाः तय्
तान्त्रिक भाव सीकेत, थुइकेत कुतः याइ, अनुसन्धान याइ । बिश्वय् नेपालं
न्हाय् तये दयाच्वंगु देया पर्यटन उद्योगया बिकास व देया सर्वाङ्गीण
बिकासया लागि बिदेशी मुद्रा आर्जन यायेगु तः धंगु ग्राम्दानीया श्रोत हे
नेवाः संस्कृति खः ।





तिबः सफू व चवसुत

- १) नेपाल भाषा साहित्यया जातः- कविवर चित्रधर "हृदय"
- २) कान्तिपुर चवसुः- कान्तिपुर, सुरेन्द्र मान श्रेष्ठ, बलदेव जुजु
मोहनिया कुहाः प्याखँ - इनाप - दँ ७, ल्याः ३६
सुरेन्द्र मान श्रेष्ठ
नेपाःया सँस्कृतिइ कुमारी द्यः - विश्वभूमि, दँ ५, ल्याः १२६ -
बलदेव जुजु
- ३) हनुमान ढोका राज दरवार- गौतम बज्र बज्राचार्य
- ४) छेय् मूलुखा छुइगुया सांस्कृतिक महत्व- विश्वभूमि, दँ ५,
ल्याः १२६ तँसापौ-सुरेन्द्र मान श्रेष्ठ
- ५) आसा सफूकुथि- कुंलाय् मरु त्वाः
- ६) तिकिइयाःया सांस्कृतिक परिचय- विश्वभूमि, दँ ६, ल्याः १४०
तँसापौ- सुरेन्द्र मान श्रेष्ठ
- ७) झीगु संस्कृतिइ सहाय्या महत्व- नेपाः या तान्त्रिक द्यः व
तान्त्रिक पूजा-बलदेव जुजु व सुरेन्द्र मान श्रेष्ठ
- ८) झीगु संस्कृतिइ सहाय्या महत्व- नेपाः या तान्त्रिक द्यः व
तान्त्रिक पूजा- बलदेव जुजु व सुरेन्द्र मान श्रेष्ठ
- ९) छेयँसगं- नेपाः या तान्त्रिक द्यः व तान्त्रिक पूजा- बलदेव जुजु व
सुरेन्द्र मान श्रेष्ठ
मि मल- राजामति-दँ १०, ल्याः १३- सुरेन्द्र मान श्रेष्ठ
भिन्तुना- दँ ६, सुरेन्द्र मान श्रेष्ठ
- १०) गुंपुह्ली- राजामति, दँ ६, सुरेन्द्र मान श्रेष्ठ

- ११) सँझ्याः या कलात्मक जक मखु तान्त्रिक इयाः नं खः— विश्वभूमि,
दँ ६, ल्याः २३९ तँसापौ— सुरेन्द्र मान श्रेष्ठ
- १२) सिद्धुवा-पलिस्था—ने. सं. १११३— सुरेन्द्र मान श्रेष्ठ
- १३) हनुमान ढोका राज दरवार— गौतम वज्र वज्राचार्य
- १४) गथां मुगः— कान्तिपुर— सुरेन्द्र मान श्रेष्ठ व बलदेव जुजु
- १५) नासः छः— हनाबना— ल्याः १ सुरेन्द्र मान श्रेष्ठ
सकव देया देवी प्याख— बाल गोपाल श्रेष्ठ
- १६) भिं छः— गुँच्च— द्यौराली बहुमुखी क्याम्पस— दँ १ ल्याः १
सुरेन्द्र मान श्रेष्ठ
- १७) योमरि पुत्ति— इनाप— दँ ७, ल्याः ३३५— सुरेन्द्र मान श्रेष्ठ
- १८) खड्ग सुरक्षाया प्रतीक नेपाः या तान्त्रिक छः व तान्त्रिक पूजा—
बलदेव जुजु, सुरेन्द्रमान श्रेष्ठ
- १९) चवाहाँ— आखे— दँ १११०
- २०) चालन— दर्शको एक प्रमुख अंग— यति पत्तिका— धन वज्र वज्राचार्य
- २१) सीकाः भू— तान्त्रिक छः व तान्त्रिक पूजा— बलदेव जुजु व
सुरेन्द्र मान श्रेष्ठ
- २२) पूर्वज लुमंका— डा. कमल प्रकाश मल्ल
- २३) मनू छः विज्यासः छः— नेवाः संस्कृति व नेवाः दर्शन— बलदेव जुजु
- २४) लिच्छविकालीन अभिलेख— स्व. धन वज्र वज्राचार्य
- २५) कुमारी अफ काठमाडौं— डा० जगदीस चन्द्र रेग्मी
मल्ल वदाइन्स— डा० जगदीस चन्द्र रेग्मी

ॐ



नेवाः छँ

नां - सुरेन्द्रमान श्रेष्ठ

भाय् - सरु प्याफः, यँ

बुन्हि - ने.सं. १०५९ योमरि पुन्हि

सफू पिपना-पासा बलदेव जुजुमिसे जानाः निगू सफू

“नेपाःया तान्त्रिक छः व तान्त्रिक पूजा” व “कान्तिपुर

” पिबने धुंकूगु

पिकाकया धापू

भाजु सुरेन्द्रमान श्रेष्ठ नेवाः सांस्कृतिक साहित्यया रचनाय् पलाःतयाः समाजया व्यवहारय् जुयाच्चंगु संस्कार परंपरा, दिगुपूजा, चथा, मोहनि, त्रिन्ति, पहांचहे, गुपुन्हि, बाराः तयेगु ब्याहा, जंको, सी.बू संस्कार इत्यादि विषय कःघाना न्ह्यज्जानादीम्ह छगूहे उद्देश्य घानाः वहेलैपुङ विकास या यां बस्तुकला व सांस्कृतिक अध्ययन कथं नेवाः छें दनाः न्ह्यने भाल ।

भाजु सुरेन्द्रमान श्रेष्ठ नेवाः संस्कृति यात स्वयेगु पहः गुगु समाजका संस्कारय् ल्यनाच्चंगु हे दनी, गनं थपथाप, गनं घटबढ ज्याच्चंगु दःसा स्वयेछिगु माःसा केनेयाये फैगु छगु न्हूगु लंपु बिइगु कुतलय थत अभ्यस्त यानादिइगु दु । वंगु दशक निसं थयागु लेख यानेयिने ब्वने खंबले न्ह्यलेला-ज्वलेला थें जुइगु यात धीधी सफू प्रकाशनं यच्चुक सीदया वयाचन संस्कृतिक सुरम्भन कुल परंपरा आजु अजिमाद्यः, पात्र खला, जीबथनीगु नःखचःख म्नानाच्चंगु मौलिकता रा ।

छेंनंछुनं व्यवहार याइ व सामाजिक बिधिइ दुनेलाइ । छेंयाम्ह छम्हछम्ह मनूखं वनियम विनियम दुनेच्वना काःगु दैनिक जीवन न्ह्याका समाज बुलुहुं न्ह्याना च्वनीं । थुकिं सांस्कृतिक पदः म्वाकातइ । मनूयात छेंनं सुरक्षा बियाच्वनी । छेंगु कुलया वंशाबलीखः कुलछें आजु-अजिमा द्यःखः, माँ लक्ष्मी द्यः खः । छें फलचा, सतः, चपाःयानं रखवाला खः । छें दयेवं तिनि त्वाः त्वाः दइ, समाज स्थायित्व दइ, शहर दइ, इतिहास दइ । थयागु परिवेशं त्रिलिबिल जागु नेवाः समाजया नेवाः लवलय थुइकेगु कुतलय भाजु सुरेन्द्रमान श्रेष्ठया नेवाः छें, मूलखाय हिखुइगु तिकिभ्याः, सँभ्याः, दीचंअप्पा, कुपाः सिंखाः छेंकवः ग्वयछासिया धुरि, भ्येथ, भौप्वा, भौवाः पल्लिचिगु बिधि, म्थ्याय् मचा बीगु, भौ मचा दुकायेगु आदि वास्तुकला व सांस्कृतिक अध्ययनं न्ह्यथना छेरि, मातं, च्वत, बैगः थायमापा, गृहलक्ष्मी, देमिया छें आजु-अजिमा द्यःयारुपं मनू वा संस्कार नापं स्वापु दुगु मनु बस्मनिसें सीबलय तकः संस्कार वया समाजयात धयसुइमाःगु उल्लेख दु । मनूखें छेंया मार्फत समाजया संरचनाय् थत थायमाःगु जीवन पाना वयाच्चंगु थम्हं चायकं वा मचायकं वहे मूलाधाराय वनाच्चंगु नेवाः समाज मूल केन्द्रीकृत छें खः । थयागु जीवन्त सांस्कृतिक धरोहर मौलिक वास्तुकला मौलिक चेतना रूप निम्ब संरचना क्यनेगु अध्ययनं जायाच्चंगु नेवाः छें वास्तुकला सांस्कृतिक लंपु क्यनिगु सफू अभिलय लावनगु रुपरेखा खनेदु । बस

रामभक्त भोमि